



क कविता प्रकाशन, बीकानेर

आंगणै विद्याळें भांतां

चेतन स्वामी



राजस्थानी भाषा साहित्य एवम् संस्कृति अकादमी,
बीकानेर रं आशिक आर्थिक सहयोग स प्रकाशित



प्रकाशक : कविता प्रकाशन, तेलीबाडो, बीकानेर (राज०)
छापोखानो : विकास आर्ट प्रिंटर्स, शाहदरा, दिल्ली-32

ANGNE BICHALE BHEENTAN (Short Stories)
By Chetan Swami Rs. 25-00

आ पोथी
मालचंद तिवाड़ी रै नांव
जिण कनै सीखण सारू
सलीक रै अलावा भी
भौत की है.....

क्रम

पुण्याई	9
पाणी धारो रग	16
धी० डी० ओ०	27
पांन लागग्यो	34
याभ	41
आंगणै बिचालै भीतां	48
मतोख	57
मोदां	63
रुघ्योड़ा भारग	73
नूवो भीसम	78
मामर	85
गूगळी	91
दुजो द्याव	95



पुण्याई

“भगवान रै दरबार संग जातां अँक बरोबर हुवँ, उणरँ अठै तो जँड़ो अगरवाळ बैड़ो मेघवाळ। कोई ऊँच-नीच नी है। नीठ गांव री पुण्या। जागी है, तू चलाय'र ओ'ड़ो ब्यू बणै...काम किणी रा हक्या हुवँ ते थारा ई रुकसी, फिकर ना कर लाडेसर, कीड़ी नै कण—हाथी नै म- देवणवाळो अँक वो ई है। मिनख री की खिमता नी है। चाम चली जावणी है, नाम रँय जावणो है...बावळा अिस्या मौका लारँ भज्योड़ा हुवँ उणरँ ई हार्य आवँ।” सिरपंच समझा रँयो हो लाधू नै। छँकड़लो बंगार ललावण रँ मिस सिरपंच उणरी हेठै खुल्लपोड़ी हूण नै ऊपर बोळी। वो संकै रँ भार सूँ दबग्यो। इता मोटा मिनख उण रा इण भांत थोरा करँ, अचँ वो काँअी बोलै नै काँअी नी बोलै...होणजात रा इण भात नेवरा करँ इण सूँ ऊँची बात भळै काँअी हुय सकै...लोग तो भीटीजण रँ भी सूँ उणरी छियां सूँ ई दूर न्हाटै।

“आव गट्टा मायँ बैठा !” सिरपंच उणरो बांयळियो घणै लाड सूँ भालनै पाखती रँ गट्टा मायँ बैठण रो कैयो। वो सँतरो-बैतरो सो बैठग्यो। सामँ जोयो तो ठाः लाग्यो कै गाव रा संग मोजीज मिनख उणरँ मुँडै कानी जोय रँया है...आज वो पीपळ गट्टा मायँ बैठतां इण बात नै बिसरग्यो कै उणनै खल्ला पैरधां उण मायँ बैठण रो समाजू इधकार नी है। वो तो भूलग्यो, पण समाजू इधकारो दँवण नी दँवण रो निरनँ करणवाळा भी आँख मीचनै आँधा हुयग्या। सिरपंच भी उणरँ पाखती गट्टा मायँ बैठग्यो।

“हा तो बता तू कांअी मोच्यो ?”

उण अपरी-इण ही उण सू सवाई नीची घातनी । वो निरर्ण नी कर पाय रेंयो हो कै कांअी कैवैने कांअी नी कैवै । उणनै बोतो देख'र सिरे-पंच भळै उणरो काधो पपोळ्यो ।

“अच्छ्या जावण दे सगळी दाता... तनै तो हाल किताक बरस आया हुवेला । थारो पैदा हुवणो मनै कार्ल-परसू री सी दात लागै... अमाण चेतै है मनै थारै जलम रो सान, खैर, अठै बँठ्या मिनखा में सगळा सू बुजरग मगनीराम जी है ।”

पीपळ गट्टा रै आसैपासै-विराज्योडा थका सँग मिनखां री घांटक्यां हाल नै मगनीरामजी रै धोळें रत मे उळभगी । कम सोभी अर कमती मुणन बाळा मगनीराम सँग नै आपरै कानी भ्लाकतां देख'र बगना-मा हुयग्या । सिरेपच जोर सू वूझ्यो... “बयू काका किती उमर आयगी ।” सँग गावेडी मुळकै हा । मगनीराम रै साफ समझ में नी आई कै सिरेपच कांअी वूझै है । कनै बँठयो एक जुवान कान कनै मुडो लैयनै सागण दात जोर सू कैयी तो मगनीराम रै सावळ समझ मे आई । बिना दाता रै पोपळै मुंडे सू मुळकता कैयो—“भाई उमर-धुमर रो तो की वेरो नी, पण खांधिया बिचारा लारै-लारै दौई है अर हू आगै-आगै भाजू हूं ।” बँठयोडा मगळा मिनखा रो अकै सागै ठहाको लाग्यो । मिरपंच अर लाधूराम भी हेंस्या बिना ना रेंय सक्या । हेसी ठम्या पछे सिरेपंच खंखार'र कैयो “इया है रे भाई लाधू, कै इण गाव में मगनी काका सू वूडो कोई मिनख कोनी । आनै मौगन दैयनै वूझल कै अठै इण गाव मे कोई साधू आपरो ठांयचो कियो हुवं तो ? ठाः नी साई रो कांअी कुदरत है कै कोई साधू म्हारी देखणी मे अठै च्यार छव महीणा सू वेमी खयो ई कोनी, अे नीलकंठगिरीजी ही है जका आपरी पुण्याई सू इण गाव नै पवितर कर्यो है, तू जाणै ओ वळद ब्यावणो गांव है ।”

मगळा हेंस्या । लाधूराम भी मुळक्यो ।

“म्हारी देखणी में आवै कै कोई भी साधू अठै जमण री कोसिम करतो तो अे म्हारा भाई गिडक लगायनै तगड दैवता । साधू आंरै खातर खमडोळ री बसन रेंयी, पण लखदाद है नीलकंठगिरीजी नै जकी इयाकला

चांडा मिनखां मे टिकनै बारह साल री तपस्या पूरी करी।”

मगल्लां री घाटवयां उण ठीठ री सीध में लुलगी जठे नीम हेठे नीलकंठगिरी आंस्यां बंद करघा बँठघा हा। नीलकंठगिरी री कुटिया माथे नूबी नूबी नगायैडी धजावा फरा रँयी ही।

सिरेपंच देख रँयो हो के अवै उणनै घणी भूमिका नी बाधनै आपरी यात सतम कर देवणी चाहीजे।

“देख रे भाई लाधु, तनै बुलावण रो भकमद फगत इतो हीज हो रे के भगवान री किरपा सू अवै इण गाव री मागीडी पुण्याई जागण वाली है। बाबा नीलकंठगिरीजी इण गांव नै अमर करणो चावै। आज ताई जको काम इण गाव में नी हयो। वो करणो चावै, बाबो जीवत समाध लैवणी चावै।”

लाधूराम रै ममझ मे नी आय रँयी ही के बावै री समाधी मे वो किण भात री आखड़ी है जको इण भात रो मान-सनमान नै नेवरा करीज रँया है। वो चितवंगू हुवै ज्यू कदै ई मिरेपंच, कदै ई मामे विराजियोडा लोगां नै तो कदै ई बावैरी कुटिया कानी देख रँयो हो।

उण संकना-कवाई आवता बूझ्यो - “पण में कोई आडी थोड़ी ई देवू हूँ—बाबो समाधी लैय रँया है इण मे म्हारै कात्री अडकांस है...?”

“है अडकांस...जणै ई तो तनै बुलायो है अर इता मिनख चारै मुंडे कानी देखा हा...मैं तो तनै आवता ई कैय दियो हो नी के काम किणी रा रुकै कौनी...ओ असल पुनन रो मौको हाय आयो है, इण में क्यू चूकै है दम घोषा रो खेड़ियो है उण मे तू किसी हांसल उपजा लैवै है। बाजवी पईमा जका हुयसी तनै दिराय दिया जासी...”

लाधू आपरै सेत मे बावैरी समाधी री वात पैला ई गावँडघा कनै सू मुल्लगुल मे मुण लीवी ही। उण जिण सू बात सुणी उण नै उतर दैय दियो हो के वो आपरै सेत में समाधी नी लैवण देवै। चावै छोटो सो (खेत) ही क्यू नी हुवै, है तो अेन मडक माथे अर गाव रै साव नैडे।

“पण म्हारै तो इनो ई टुकडो है जमीन रो, हूँ पछै कमा में हाय घाल स्यू।”

लाधू री बात सिरेपंच विचालै ई काट दीवी।

“उणरी तूं क्यू फिकर करे, धारें सातर कोई दूजी जमीन री जुगाड़ करस्यां, तूं तो हां-नां रो उथळो दैय दै...“नही जणास वाजवी पईसा दिराय देस्यां। भोळा, ओ कोई एक आदमी रो काम थोड़ा ई है जको तूं जीव नान्हो करे। सगळें जगत सातर पुन्न रो काम है।”

लाधू मेघवाळ जाणै आपरी कावड में हो, जिण सू बेसी सांवकीजग्यो हुवें। बाबो नीलकंठगिरी भी जयर मछभा दरसाई, जीवत समाध लैवण री अर वा ई उणरें खेत में। ताधू री समझ में नी आय रैयो ही कै बाबो उणरें ई खेत में समाध क्यू लैवणी धावें। उण सू ई लगतो मिरपंच रो भी तो खेत है। उण सू पांच गुणो बडो है। लाधू सू रैयो नी गयो तो कैय दियो—

“धारो खेत भी तो म्हारी सीवाजोड़ ई है बाबें नै उठै दिरवाय दो समाधी?”

“अरे बाबळा, ओ काम कोई मिनत रै चायां थोड़ा ई हुवे है। भगवान रो आदेस बाबें नै जिण ठीड़ रो हुयो है, उण नै आपां किया अलोप सका हां। म्हारें खेत में समाध लैवण रो आदेस हुवतो, तो जणा पछै इता आदम्यां सामे धारो मुंडो जोवण री काजी जरूरत पड़ी हो...”

□

गावराम आगै लाधू नै नी चावतां थकां भी हंकारो भरणो ई पड्यो। लाधू रो ओ गाव अणूतो लाठो नी है। फगत ढाई सौ घरा री बसती है। हाईवै रोड माथे बस्योडो ओ गाव ओक मोटै सैर सू फगत पन्द्रह किलोमीटर री भाय माथे है। सैर सू घणो अळगो नी हुवण रै कारण बिजल्ली-पाणी रो तोड़ो कोनी।

बाबें नीलकंठगिरी घणा बाजा गाजा रै सागै समाध लीवी। सिरै-पंच रै दबदबै पुलिस थाणो की नी कर सबया। गांव माय अनोखी रौनक वापर रैयो ही। लोग लाधू री पीठ थपथपा रैया हा—“बाह, लाधू! बाह तूं तो भो-भो सू तिरग्यो, जलम सुक्यारय हुयग्यो...“धारी जमीन माथे किता जणा रा माया भुकैला?”

पण लाधू असमंजस में की नी बोलै ।

समाधी में वड़ण री बँला बाबै च्याहंमेर ऊमा लोग लुगायां नै कैयो हो—“जाओ रे, गांववाळां, किण ई तरै रै बेमार-सेमार कै विपधर रै डस्योड़ा नै समाध कतलै नीमड़ै रा पत्ता खवाड दिया, वो बारहपड़ंग हुय जावैला ।”

अन सड़क माथै अर गांव रै बस स्टेण्ड कनै लाधू रै खेत मे वण्योड़ी समाध माथै भीड रा गट्ट जुड़ण लागग्या । सड़क ऊपरांकर जावणवाळा जातरी आप आपरी असवारथां नै ढावनै नीचै उतरै अर बाबै री धोक दैय नै ई पाछा बहीर हुवै । बाबै पूर्णिमा री तिथ अर मगळवार रै दिन समाध लीवी, उण सू हरेक मगळवार अर पूर्णिमा रै दिन सांतरी मेळो भरीजै । अळगै-अळगै ताई बाबा रा पर्चा पूगग्या । हरेक सकट वाळा लोग बाबा रै धोक देवण नै आवै । देखता-देखता कच्ची समाध माथै पक्को मिंदर बणन लागग्यो । गांव रा केई पच-सिरेपच अर कनलै सै'र रा की भोजीज भिनखा मिलनै अेक समाध कमेठी भी बणाय लीवी ।

रोजीना इक्यांतरै जद भो समाधी री दान पेटी खोली जावै, वा लोटां सूं लबालब भरियोडी मिलै । सिरेपच रो काको समाध रो पुजारी हुयग्यो । अबै तो समाध रै च्यारा कानी दूकानां भी सजण लागगी । दूकानां मे बाबै री मोकळी फोटूवा अर पर्चा री पोथ्या भी मिलण लागगी ।

कनलै सै'र रो एक दानी तो समाधी रै अडोअड एक लूठी घरमसाळा भी बणावणी सरू कर दी । घरमसाळा रै बारलै पासी सड़क सामी मोकळी दूकाना ई चाकीजी है ।

लाधू री समझ में नी आय रैयी ही कै वो कांजी करै ? ऊपरली रत माथै खड़ी है । सगळा ई आप आपरा खेत बावैला पण उणरो खेत तो सुक्यारथ री भेंट चढग्यो । वो खेत रा पईसा लैवणा चावतो पण उणरी ई जातवाळा उणनै पईसा लैवण सू बरज दियो, वा कैयो इण सू जात री हेठी हुवै ।

सिरेपंच आगै उण कोई दूजी जमीन दिरावण रा घोरा किया अबै तो सिरेपंच गिनारं ई नी । छँवट एक दिन वो अकरो ~~माली के फल~~

सू कैवण लाग्यो—“सिरपंच साव, मनै कठै न कठै दूजो खेत दिरवाय दो नी जणास अेक और काम भी आप कर सको ।”

सिरपंच रै खेत दिरावण वाळी वात तो ममभ में आय रैयो ही पण दूजो किसो काम हुय सकै वा वात समभ परवारै ही ।

“दूजो किसो काम कर सकू—पईसा लैवण सू तो तू नै थारा समाज-वाळा खुद नाट दै दी ।”

“पईसा तो मै आप नी लैवू ।”

“तो पछे ?”

“मनै आप समाध नैडै अेक दूकान दिरवाय दे—म्हारो गुजराण हुय जावैला ।”

सिरपंच नै इण वात माथै घणो अचंभो हुयो—हीण जात दूकान करैला, अर वा भी समाध जिसी पवितर जगां माथै । पण सिरपंच आपरो धीजो नी गमायो ।

“देख रे बावळा, म्हारै दूकान दैवण मे कोई अडकास नी है, पण दूकानां दैवण रा रुळ घणा करडा है !”

“मै तो म्हारो खेत ई दियो है, रुळ मे हेर-फेर आप चावो जियां कर सको ।”

“नही रे भाई, म्हारै हाय री बात कठै रैयो । कमेठी करै जियां हुवै । अेककू दूकान रो छव हजार रिपिया सालीणो भाडो है अर दम हजार रिपिया एडवास दैवणा पडै । भोगै पडै तो तू ई लैय लै, हा थारै खातर की कमती वेसी भी कमेठी नै करण रो कैय देस्यां ।”

“पण आपरा भाणजा भी तो च्यार दूकानां लीवी है अर घरमसाळा चिणाई है वां सेठा री भी तो च्यार दूकाना है ।”

“ले, तू तो घणी नुकताचीणी करै रे भाई, पण म्हारै अठै कोई रिस्ते-दारी नी है । भाणजा आप आपरा खेत कमेठी रै नाई मंडाया है अर घरमसाळा रा सेठां री सतं दूकान चिणावण मू पैं नी ई च्यार दूकानां री है...कच्चो काम म्हारै कोनी हुवै...।” इतो कैयनै सिरपंच साव चल्या गया ।

साधू री, समभ में नी आय रैयो ही कै वो काओ करै । अचाणचक

उणर अक यात ऊकला । ताचक न सडक-मडक जावता सिरपंच रा
वांवळियो भाल लियो ।

“सिरेपंच सा’व मै ई जीवत ममाध लैवूला आपरें खेत में...पूनम रै
दिन नो-गालें अमावस है, कालें रा ई...दोवडी समाध सू गांव री पुण्याई
घणी बधैला...”

मिरेपंच भटकें सू आपरो वांवळियो छुडाय लियो—“ना रे बावळा,
धूड़ में दब’र मरणें में कांओ सार है, इयाकली बावळी याता नो
करणी...”

पाणी थारो रंग

बदरी रा कोडिया भूवता-सा लखावै हा । हालत म्हारी भी कम कोभी नीं ही । गळें मांय जाणै रेत भर डाटो देय दिन्हो हुवै ।

—“मास्टर, मरस्यां ।” बदरी रा बोल जाणै माडें मुडें सूरळक पड्या ।

—“म्हासू तो अबै को चालीजै नी ।” कैवतो वो धप्प करतो अक बूई माथै ओटाळ हुयग्यो । बूई सून अक चिराटी जाणै ओळमा देती-सी निकळ उडी ।

अळगै-अळगै ताई अक-बीजै सून सिर गुंध्यां फगत घोरा ई घोरा । नैडै-नैडास कोई फोग भी नी दीठो, जिणनै सुरड, तिरस सागै फरेब कस्यो जावै ।

मैं रोवणखाली आवाज मांय कैयो—“तू थोड़ी सधूरी राख'र सुस्ताव, मैं देखूं कठै ई पाणी हुवै तो...” बदरी नाड़ हलाय पस्तभाव सून आंख्यां मीचली ।

उतरतैं वंसाख रो जैडो तावडो हुया करै, वैंडो ई हो । पगरखी मांय फवणा अर अेड्यां बळ रैयी ही, पण तिरस रै आगै डील रो ओ पळीतो नाकुछ हो ।

चोफेर रेत माथै पाणी ई पाणी लेंदयां लेंय रैयो, पण अकरै तावडें सून लेंदयां लैवतैं इण पाणी नै आजलग कुण पीय सक्यो, जको म्है ई पीवणै रो सेवड कर सकता ।

इण रिदरोही मांय तिरसा भरनै, खुरड़ा खोतरण छंडं कोई सरघा
जाकी नीं बची हो ।

अक ऊंचै टीब्बै मायै चढ़तां आख्यां आगळ अंधारी आय रैयो हो ।
अणूतो जोर लगाय देख्यो—दो-तीन खेतवा अळगै रेल्वे फाटक-सो दीठो ।
टीब्बै सूं उतरती बँला में किणी पंखेरू री पाख जँडो हळको हुयग्यो ।

ओटाळ पड्यै, गँळ सूं आख्यां मीचतै वदरी नै चचेड़्यो । —“वदरी
पाणी SSS ! ”

वदरी आख्या मिचमिचाई अर हाथ आगै लंकायो, जाणै में भर्योडो
सोटो सागै ल्यायो हूं । पछै सावचेती सूं आख्यां खोली । बूझ्यो—“कठै है
‘पाणी ?’”

—“आगै...आगै दो-तीन खेतवा माथै रेल्वे फाटक दिस्सै...तूं थोड़ी
हिम्मत कर...” वो हाल्यो तक नी, तो में उणरो बाहूडो झाल उभो
करणो चायो । उणरै गिजडरपणै माथै मनै भूमळ आयगी...“देख, तिरसो
में ई कम नी हूं, पण सफा हांगो नाख्या तो इण बळती ओकळ में ई दोवां
रो दाग हुय जावैला...घरवाळा सोध-फिरोळ ई बरात पाछी पूग्यां
करैला...उठ ! ”

वदरी धक्का खावतो-सो उठ्यो ।

गैलो पैली ई बिसराय चुक्या हा । अंदाज सूं ऊभड़ चाल रैया हा ।
वदरी आख्यां मीच्यां, म्हारो खांधो झाल्यां धक्का खावतो थिग रैयो हो ।
टापी री सीध में पग ठरड़तां में उण मोरत नै माडै हो, जिण मांय बरात
जावण री हामळ भरी । कितो आछो हुवतो बरात आवतो ई नी । अर
नीतर वदरी नै तो अठै आवण खातर नट ई जावतो !

दिनुगै सूं ओ तीजो बुलावो हो । अबकै नाई नी, बोदूरामजी रो विचै-
टियो पोतो आयनै कांयो—“काकाजी फुर्ती करो लाँरी तो स्टार्ट खड़ी है ।”

उणरै निकळता ई जीसा रै लवडधक्कै चढ़ग्यो । वं मघरै सुर मांय
समभावण लाग्या—“मिनख, मिनख रै जाया करै है रे...विचारां नै क्यूं
फालतू भागदोड़ करावै...जावणो है जणा आ घड़ी-घड़ी रा बुलावां मांय
कांओ सार है, अर नीं जावणो है जणा—”

—“कुण, सुगनो है कांजी ?”

मुण'र मैं कमरै सू वारै भाक'र देख्यो, तो जीसा रो नांव लैवता
बोदूरामजी खुद बुहा आया। इणी बखत म्हारै मुईं सू निकल पड़्यो—
“नरग्या, डेण खुद आयग्या—अवै तो जावणो ई पड़मी—।”

दोय-च्यार कपडा दूध पेस्ट-ब्रश अर दाड़ी रो समान वेग माय घालतो
मैं बोदूरामजी रै लारै ई निकल पड़्यो। घर सू तीजी गळी मे ही नगर-
पालिका रा भूतपूर्व अध्यक्ष बोदूरामजी रो पुराणो मकान है। चौड़ी गळी
मांय लॉरी खडी ही अर अेक स्याणो मिनख बरात्या नै बैमण रा नैबरा
कर रैयो हो। टीगर-टोळी कांचाकोळ मचा राखी ही। बस री आगली
सीटा माथै वा आपरा कब्जा धिगाणिया बस्ती दाई ई जमाय लिन्हा। मैं
माय बड्यो अर तीनवाळी अेक खाली सीट देख'र उण माथै जमग्यो।
अठी-उठी जोयो, लॉरी माय घणकरा टीगर टोळी ई हा, मैं कनला नै
बूझ्यो, “कांजी बात है, ओजू बराती पूग्या कोनी दीस ?”

—“बयू आपा आयग्या नी।” जवाब मे वा मसकरी करी अर फिस्स
करता हेंस पड़्यो।

मैं गौर सू निरख्या दानै। लट्टै री कोरपाण धोती माथै धौळो धक्क
कुडतो, कॉलर हेटै चोलडो करने दियोडो हमान। दाड़ी सुतराई सू
वण्योडी नै फररावती मूछ्या हेटै लाल होठ पान सू रगीज्योड़ा। वारै
काना मांय खसोलैडा अतर रा फोहा री भभरोळ आखी बस माय खिड
रैयी ही। मनै मुन ई मन आ बात चेतै आयगी कै जनेती री तो जूण ई
न्यारी हुवै। जमानो भलाई चावै जठै पूग ज्यावै।

घोड़ी ताळ माय ई गीतेरण लुगाया रो झूलरो मोटर नैई आयो, जिण
बिचाळै नान्हा-सा बीद राजा मोड़ा निजर आया। राजाजी रो साफो
मांभ्यो नी संभ रैयो हो। लॉरी माय बडतां बीद राजा उणनै आपरै दोबू
हाथां मूं इण भांत भान लियो, जाणै काच रो भाड है अर ठेग लागता ई
बधर जावैला। मैं बोदूरामजी री अक्कल मे सेंधमार कर ई रैयो हो कै
अणठक आवाज आई—“अरे, बाहू...कांजी कैवणो...आयग्यो बदरू ?”

बदरी पनवाड़ी एक खस्ताहाल हवाई वेग लिया हांफनो बको बस
माय चड्यो। म्हारै बाजूवाळी दो री सीट माथै बैठ'र उण आपरो हांफणो

काबू कर्यो, कैर वोल्यो—“मास्टर तू कणा आयो ?”

—“आयां तो ताळ हुयमी । बुलावा माथे बुलावा आवण लाग्या तो भाजणो पड़्यो अर अठे हाल चालण रा कोई स्थान-गुमान ई ती है ।”

—“कैर ठीक है ।” बदरी नमस्ती सू वोल्यो—“मैं सोच्यो, हू ई सगळों सू मोटो पूगूला” ले, खा ।” वोलतां यको ई बदरी आपरें खूजें माय हाथ धाल्यो अर मुट्ठी म्हारें मार्गें खोल दी ।

मुपारी रो टुकडो लैयेंर मैं वूझ्यो—“पईसा तों नी मांगेला ?”
—“नगद नी सर्यो, पाछो आयेंर खातें मैं मांड दू ला ।” कैयेंर बदरी जोर सू ठहाको लगायो । मन सतोख हुयो, चलो बदरी मार्गें रँवैला तो घोर तो नी हुबूला ।

को ताळ पछें मैं बदरी रँ कान माथें होठ धरतां होळें—होळें वूझ्यो
—“यार बदरी, पाच कोस री भां कोनी अर लगन ई स्यात गुदळकियो ई हुवैला, कैर इती वेगी हाय-तीवा मचावण री कांजी जरूत पड़गी वोदू-रामजी नै ।”

—“तू मास्टर साव भोळो है ।” बदरी जाणें लूठो भेद खोल्यो—
फालतू टीगरां रा चोटी-कान खेंचें । आ लॉरड़ी भोफत री है, तेन सटें वरात पूगा दैवैला...लॉरी बाळो कोई दूजी वरात छोडण नै हाथोहाथ पाछो आवतो हुयमी ।”

साडी दस वजतां वरात ठिकाने-सर पूगगी । अेक चौकैर बाइ सू घेर-यांडी गोदाम जेडी धरमशाळा में जनवासो हो । वराती उतर्या नी हा के नाश्तें री तस्तर्या बंटण लागगी । मैं बदरी सू कैयो—“तस्तर्यां स्यात अंधारें-अंधारें ई वणायनै राख दीवी हुवैला ?”

—“इयां वोदूरामजी रो तप काजी कमती है । नीतर अँडें धुर गांव में अँडा तमिया कुण करै है ।”

वारें नटण्यां रो भूजरो गाय रैंयो हो, जिण सू धरमशाळा री बोदी भीता गूज रैंयी हो । रसिक वराती तस्तर्यां हाय माय ऊंचाय । उठें पूग्या । नटण्यां नै वैं नी जाणें किण चीज सँ ललचावता सा लखाय रैंया हा ।

अेक अधखड़ नटणी जिणरो गळो स्यात गीत गावण खातर नी फगत

इमी वाणी मे गुहार लगावण सारू ई बण्योड़ो है—बड़वड़ाय रैंयो हो—
 “मंवरिये पट्टावाळा बाबू...थांरी जुवानी सुख राखे...थांरें चांद सरीखो
 फूटरो बेटो जलम...दयो-वीरा, मंगत्या नै हाथ रो मंत दयो।”

छैला बाबूआं रो मन इण गुहार मे अगै ई नी रम रैंयो हो। वै आपरी
 जुवानी नै इण अघखड़ नटणी री बेटो री जुवानी सूं तोल रैंया हा। बाबू
 रामजी रा मांडेत्यां रें उठे चल्या जावण सूरसिका रें खासा सुविधा हुयगी
 ही। वारें हुंवता की संको राखणो पड़तो।

दानी नटणी री खासा लट्टापोरिया सूर छैकड़ काना में फोहा दाब्यो-
 डिया भाईजी रो कोमळ हियो पसीज ई ग्यो। बां लप करतां रुपियेवाळो
 सिक्को जेब सूर निकाळ्यो अर हाथ ताळकें कर्यो। नटणी ई वारी दानी
 मनस्या समझनै नई आई—“लाओ बाबूजी...सदा लिछमी रो वरतारो
 रेंवै...”

“ऊं हूं तनै नी...उण नै भेज...” भाईजी रो इसारो दानी नटणी
 समझगी। उणनै अँढा संस्कृतिवान मिनखां रो घणो तजरबो रैंयो है,
 स्यात। उण बिना की हील हुज्जत रें मुँहें आडो हाथ दियां गावती आपरी
 जुवान बेटो नै अंगूठें रो घुदो दैय'र आगै करदी। गीतेरण हयाळी पसार
 दीवी।

भाईजी री दानवीरता माथे इंदर पुसव बिरखा तो नी कीवी पण वारें
 मन रें आंगणें सैकड़ कुणा संचनण हुयग्या, जद रुपिये साटें वैं उण जुवान
 नटणी रें हाथ रो स्पर्श कर सकया।

अघखड़ जनैती रावणहृत्ये वालें भोपे भोपी मांय रस लेंय रैंया हा।
 ज्यू-ज्यू भोपी भूमल रो रूप बखाण करती। जनैती जावती जवानी रें
 ओळावें “हम्मै-हम्मै बूढी हुय जावला...” कैय'र स्यात खुद नै ई कैय
 रैंया हुसो कें बूढा हुय जावला, पण हृद है इण उमर री फिटआई नै कें वैं
 दिनो दिन बूढा हुवता ई जाय रैंया है।

मैं बदरी रो बाबूलियो पकड़'र कैयो—“चाल यार...धूम'र गांव
 देख आवा।”

—“मन! बुण कर्यो है?” बदरी बोल्यो—“मैं तयार हूं पण पाछा
 बेगा आवाला ब्यू कें तावड़ियो अकरो पड़तो जाय रैंयो है।”

घरमगाळा सूनू निवळ'र म्है टाई में आयग्या। गवाड़ में लाग्योड़ीं
 टूट्यां घडा अर घूघटा सूनू अकमेक हुयोड़ी लुगायां सूनू ढकीज रैयी ही।
 ताँव-चौड़ टाई मांम भोकळा घेर-घुमेर विरछ सैराय रैया हा। अक नीम
 री छियां में म्हांरी बरातवाळी लॉरी उभी देखने बदरी मनै उठै लैयग्यो।
 री जाणै उणनै किया ठा' साग्यो कै लॉरी रो झाइवर जदों साव। बदरी
 झाइवर सूनू बूझ्यो,—“कियां झाइवर साव अठै ई विराजोला का दूजी...”
 —“अठै ठैर्यां कियां पार पड़ेला बाबू साव...” झाइवर मजाकिया
 भीरता सूनू कैयो, “कनलै गाव सूनू अक बरात उठावणी है। वस, अब
 बान्या ई, इयां ई चाय-भाणी मे मोड़ो कर दिन्हो।”

—“कुण-से गांव सूनू?” बदरी बूझ्यो अर ताळी री फटकार सूनू
 इगारो करतां जदों ई मांग लियो।

—“गिराजसर सूनू आगलो...कांभी नाम...?”

—“गिराजसर जावोला?” बदरी जाणै चिमक पड़्यो—“अठै सूनू
 कितो अळगो है गिराजसर?”

...“बयूं चालणो है कांभी गिराजसर, “झाइवर हंस'र बूझ्यो।

...“चालणो तो...” बदरी म्हारै कानी देख्यो तो उणरै चैरै मायै
 मनै संशय निजर आयो।

मैं बूझ्यो, “गिराजसर थारो सासरो है कांभी, बदरी?”

...“अरे नही मास्टर तू तो मजाक करै...जठै फोई मोटरगाडी,
 मैसागाडी नी जावै उठै बंदे रो सासरो...हु...ह...।”

...“जणै पछै गिराजसर रै नांव सूनू इतो गळगळो हुवण री कांभी
 जरूत है?”

...“भाया तू सरकारी नौकर है, तनै कांभी ठा: आ प्राइवेट दूकान-
 दारी कांभी चीज है। पैली कनै सूनू समान द्यो, पछै पइसां खातर लारै
 भाजी...”

“वस, वस। मैं समझग्यो।” मैं बिचाळै ई कैयो, “तो वठै आपनै
 उधार बसूलण नै जावणो है?”

“हां थार। अर जावतां ई पईसा तता मिल जावैला...बियां झाइवर
 साव गिराजसर कितो ताळ में पूग जावोला?”

भलेर देनी ।

—“हा, वां मैं अवार कर देम्, बदरी भाईजी...पण म्हारें घरें कुण्डो करमा बिना विल्कुल नी जावण दू मा ।” हडमान अणमुणी करतां आपरो जेव सूं नोट निकाळ्या अर गिण'र अंक सी तीम रिपिया बदरी नै भला दिन्हा । बदरी रिपिया हाथ माय निया अणवस-सो म्हारें कानी देखण लाग्यो ।

—“घाय आवें तद ताई आप अठ ई विराजो...मैं वामण दादें री दूकान में निगह कर आवू कोई हरी सब्जी हुवें तो...वामण दादो इण गांव रो 'बडोवजार' हे जठे साग-तरकारी सूं सैय'र सोते-चांदी री खरीद बेच हुवें...” हडमान हंस'र बनाव्यो अर कैयो, “अवार घाय आवें अर ह ई आवू, ये अठ ई आराम करो ।”

मने तिरग लाग्योडी हो । मैं मोचरी, घाय त्यावण वाळें सूं पाणी मंगाऊंवा । हडमान उतावळो-सो निकळ्यो । मैं हडमान रें हियें री हुनस रो असर बदरी रें चैरें माथें सोधणो चावतो । उणरें चैरें रो रग उड्योडो हो । म्हा सूं निजर मिलतां ई बोल्हो — “मास्टर, आज तो फसग्या...”

मैं बदरी रें इण अणमोच्यें बोहार सूं अचंमैं मांय पड्यो । तद ई बदरी फँलूं कैयो,—“चाल...अवें उभो र्वण मांय ई मुसीबत है...वात तनै रस्तें माय बताऊंवा, चाल, आज्या ।”

बदरी फँलूं म्हारो बांवलियो पकड्यो अर उण कच्चें आसरे सूं खैच'र मनै वारें लैय आयो । मैं उणनै रोक'र बूभतो, पण उणरी बदहवासी देखनै मनै भी किणी अणहुणी री आशंका लखाई । तरै-तरै रा अनुमान साधतो मैं बदरी रें नारें बोलबालो चाल पड्यो ।

गाव री मीव सूं वारें निकळ आयां पछें ही बदरी निठाई सूं सांस भरी । मैं तेज चालण मू कोभी तरिया हाफ चुक्यो हो । दोवां री सासा सावळ हुई तद मैं ब्रड्यो, “बदरी, छंकड़ तनै कांजी निजर आयग्यो हो, ... गाव माय थारी किणी सूं दुस्मणी तो नीं हे ?”

—“दुस्मणी अर इण गांव माय ?” बदरी हँस्यो तो म्हारें अचूंमैं री कोई सीव नी रैयी ।

—“हद है तूं अवें हंस रैयो है ।” मैं पं...

—“अब रोवणै सू कांओ फायदो ? रोवणो तो तद पड़तो जद उण कुम्हार रै अठै कच्ची रसोई खा'र जनेऊ नै लाज मारतो । थारै में मास्टर पढ़ लिख'र भी अक्कल नो आई । यार, आपां बांमणा रै घरै जाया-जलम्या आं काह फमीण जातां रै घरै रसोई जीमण लाग्या तो,...तो आपांनै कुण बूझैला रे ?”

—“बदरी...।” म्हारी चीख निकळगी

—“बोल मास्टर.....समझदारी करी नी में ?”

—“वो बिचारो साग तरकारी लैय'र आवैला, थां पिडतजी महाराज खातर । उणरै दिल मायै कांओ बीतैला ?”

—“तू दिल री बात करै, अठै धरम मायै काओ बीतती ?”

—“उण बुलाया कोनी ह, आपां ही गया ह ।”

—“बहस मत कर मास्टर । मने म्हारा पईसा मिलम्या, बात आई-गई । चाल अब बोदूराम जी रै पोतै री बरात में जीमांला...खायो चाल...।” कैयर बदरी अक पगडांडी रो रुख कर लियो ।

मैं मुड'र देख्यो, हडमान रो गांव फठई घोरां लारै लुकम्यो हो । उण पगडांडी कोस भर नीठ बग्या हुवांला कै म्हां दोवां रै मुंडै सू अकै सागै निकळ्यो, “तिस्स लाग रैयी है ।”

मैं देख्यो बदरी रो मुंडो सूख चुक्यो हो । उणरै होठां मायै पापड़यां जमगी ही । मैं कैयो,—“अ रस्तै मांय आवता फोगड़ा सुरड़-सुरड़ नै चिगळ बोकर तिस्स नी लागैला । घंटा खण में तो पूग ई जावाला...।”

“फोगड़ा चूसणै सू तो तिस्स बत्ती लागै है, मास्टर ।” कैवतां उण अक भूपड़ी कानी इशारो किया,—“वा देख, घोरै मायै भूपड़ी है, स्यात पाणी भी मिलैला...।”

भूपड़ी देखनै दोवां माय फुरती-सी आयगी । गैलै सू टळनै भूपड़ी नई पूगा । माय जाय'र देख्यो तो आप-आप रै भाग मायै रोवणै री जची । घडै रै नाव मायै अक फूटोड़ो ठीगळो म्हां दोवां रो मुंडो चिगाय रैयो हो । उण ठीगळै नै देख'र तो म्हांरो तिरस ओहं बघगी । बार-बार लुखा होठां मायै जीभ फेरनै आलाकर रैया ह, पण सागै-सागै ओ भी लखावै हो जाणै जीभ मायै धूंक आय ई नी रैयो है । कंठ तो जाणै चिपम्या हुसी । बदरी

✽

मुंडो सटकाय नै रोवणखाली आवाज माय कैयो, “अबै ?”

म्हारो खांधो अपड़यां बदरी आंख्यां बंद कर्मा चाल रैयो हो । जूतयो सू उछळती गरम ओकळ सू गुद्दी भरीजती जावै ही । ज्यूं-ज्यूं फाटक नैहो आय रैयो हो, म्हारै मांय नूवा प्राण सचरीज रैया हा ।

जाणै फाटक ताई पूगण रो ई आखरी मत हो बदरी में । फ्रांसिंग सूं परली कानी, टापी सूं पैली, अक बोरटी हेटै पूग'र बदरी म्हारो खांधो छोड दिन्हो अर जमीन सूषण लागो । में भट करतो टापी कानी लंपयो ।

टापी मे ऊंच करतो मिनख मनै पछै निजर आयो, पैली में पाणी रो घडो दीठो । अचीत्यो ई मिनख देखनै वो अघबूढो मिनख हड़बड़ायो अर उण उठनै दकाल करी—“ठेर ।”

म्हारा हाथ-पग उणरी दकाल सुणनै हा जठे रा वठै ई रैयग्या । म्हारै हाथ में छल्योड़ी डोनी उण खोसली अर कैयो—“इया पाणी पी'र तनै मरणो है कांओ...पैली थोड़ो मुस्ता ले ।”

में जाणै रोय पड़घो होवूं, बोल्यो, “बारै म्हारो भायलो है...तिस्सै मरैवेहोस हुययो है ।”

“—की कोनी हुवै, उणरै ।” उण ध्यावस सूं कैयो । फैंह छल्योड़ डोली लैयनै खुद बारै आयो ।

थोड़ा सुस्ताया पछै चळू-चळू पाणी पाय'र उण इण बेतुकी जात्रा रो हालचाल बूझयो । म्हारै सक्षेप में बतायां वो बोल्यो —“शहरी लागो... पद्या-लिख्या हो, वामण हो.....हैं” उणरी इण गैरी ‘हैं’ रो अरघ म्हारी समझ मांय नी आयो । वो पलट'र बदरी कानी मुडयो अर बोल्यो—“पिडतजी, म्हारै कानी देखो...पाणी पीयां सूं पैली नी सर्यो, पीयां पछै जात नी बूझोला ?”

बदरी मुंडो उठाय'र देख्यो पण बोल्यो की नी ।

—“में हरिजन हूं, जात रो मंगी । ओ घडो, जिणरो पाणी पीय'र थारी आंख्यां खुली है, म्हारो ई है । वामण रो घरम लैवण रो गुनो कद में भी नरक रो भागीदार हुयग्यो...बोलो हुयो क नी ?”

बदरी आंख्यां फाड़या मिनख कानी देखतो रैयो । में अकानी ऊभो दोव नै देख रैयो हो ।

वो आदमी चुप हुयग्यो, तो बदरी सिसकतो उठ्यो अर आगँ लंफ'र उण रै खाधै माथै हाथ राख दियो, “भगवान...मनै माफ करज्यो भगवान” ।

—“चलो वामण देवता...टापी री छियां मांय थोड़ो अराम करल्यो.. की ताळ ठैर'र भरपेट पाणी पीयर निकळ्या । मैं रस्तो पकडा-वणनै सामै चालूला की दूर...।” मिनख हंसनै कैयो अर टापी कानी बहीर हुयग्यो ।

बदरी मारी पगा सू आदमी रै लारै चाल रैंयो हो । मैं आवाज दी,
—“बदरी...।”

“मास्टर, वहस मत कर । चुपचाप टापी में चल्यो आ...।” हार्योड़ै लहजै मे बदरी कैयो तो मैं देखतो रैंयग्यो ।

लारै रैंयग्या सगळा घोरा री रेत जाणै बदरी रै चैरै माथै पसरगी ।

वी० डी० ओ०

उणनँ लखावँ कै—वो जट्ट भरियोड़ो गुहो है जिणनँ रस्तँ रँ सूअँ बिचाळँ नाख्योड़ो है। लोगाँ रँ पगाँ तळै आय'र पिचकै, पाछो फूल जावँ। पण आज तो हृद ही हुयगी। अक किणो उणनँ भुवनँ उठायो अर बिचाळँ सूँ दो टुकड़ा करनँ नाखग्यो।

होळै सुर मांय वूझ्योड़ो सवाल बार बार पड़धुन हुय'र उणरँ काना में खुमण लागतो—“तू आलोक ही है नी ? तू आलोक ही है नी ? हुंस्यार आलोक ? ...” •

उफ ! ओ सुणती बखत वो मर ब्यू नी गयो !

“म्हारो हुंस्यार आलोक हुयां सू थारो कांओ बिगड़ग्यो।” उणनँ लखावँ हो—‘हुंस्यार आलोक, हुंस्यार आलोक’ अक अटक्योड़ै रिकाड़ँ रँ दाई उणरँ काना में लगोतार बाज रँयो है।

इण बखत वो गँलो हुयनँ चिरछावण बाळो ई हो कै सामँ आवतँ मिनख नँ देख'र वो इयां नी कर सक्यो।

पनवाड़ी रो दूकान रँ कनँकर निकळता अळसेट में ई उण खुदोखुद नँ उणरँ शीशँ मे निरख्यो। उण देख्यो उणरी आख्यां रीस अर अपमान री दाभ सूँ सिलग रँधी है। खुद री ही राती चुट आख्यां सू उणनँ डर मँसूसण लाग्यो।

‘बजार नैडँ आवतां-आवतां उण आपरो रुख पार्क कानी कर लिन्हो। पार्क मे बँठ'र उणरो जीव कर्यो घणँ [जोर-जोर सू रोवँ। इतो रोवँ कै

उणरें मांय जको की घिरोळा खाय रेंयो है वो स्मो पंपळ'र वारें आय जावं अर वो खुद नै हुळको मँसूम करै ।

पाकं में बैठ'र उण विलां रें बंडळ नै दूव माथें पटक नारयो अर वानें घूरण लाग्यो । उण कंडी निमरमी नौकरी अपडली । जटं दिनुगं, मिझ्या, दोफारा घूम्या पछें स्यावासी री ठोड़ अपमान मिलें । इण सू तो आछो रैवतो किणी दूजी नौकरी मिलण तक वो बेकार रेंय जावतो ।

ए० ई० री घणी वीणत्या करनै तो उण आ नौकरी पाई अर वा भी बिल डिस्ट्रीब्यूशन री । पैंतीस हजार री आवादी वालो उणरो कस्बो अर अकलो वो उण विभाग रो बिल बाटणियो । उणनै अबं समझ में आयो कै उणरें ही इण पद माथें काम करण वालो कर्मचारी इण पद नै खाली क्यूं करग्यो ?

सरु सरु मे उणनै आ नौकरी घणी चोखी लागी । किणी अफसर रो बंधाण नी, फगत घूमणो सै'र माय ।

पैलड़े महीण री तिणखा सैवतां उणनै घणो अचंभो हुयो । उणनै तीस दिनां रा दो सौ चाळीस रिपिया री ठोड़ दो सौ दस रिपिया दिया तो उण होळें से प्रतिरोध रें सुर मांय बूझ्यो—“साब आठ रिपिया रोज रें हेसाब सू तो दो सौ चाळीस रिपिया हुवें, अे तो दो सौ दस ही है ? तद तिणखा बाटण वालें जे० ई० एन० रें नैडें उभा कर्मचारी अकं सागें हेंस्या । वो सिटपिटायग्यो । दुबारा उण को नी बूझ्यो । जे० ई० एन० उणरो नादानी माथे मुळक नै रेंयग्यो ।

उणरें ई दूजें मस्टररोल माथी, जको ट्यूबवेल माथें ड्यूटी देवें, समझा वण लाग्यो—“तू तो यार पढ्यो-लिह्यो हुय'र भी अणपढां सू बागदो निकळ्यो । मस्टररोल कर्मचारिया नै कदै ई पूरी तिणखा मिलें है कांअी ? तीन दिन री कटौती कटी चौईस रिपिया अर यूनियन रो चंदो कटग्यो छह रिपिया—अबें बोल कमती कियां मिल्या ?”

“यूनियन रो चंदो तो पक्कावाळा सू लिरीजणो चाहीजें अर तीन दिन री कटौती किण बात री ? मैं तो पूरा तीस दिन काम कर्यो है ?”

“धारी समझ माय नी आवेला—ओ नैम है ।” ट्यूबवेल साथी उणरें प्रश्नां रो भुंभळ में नी फसणो चावतो । वो उणनै अकलो छोड'र बूहो

गयो ।

तद सू वो भली भांत जाणग्यो कै नौकरी करण खातर तीस रिपिया कटावण रो नैम हुवै ।

उण कटौतियां नै सेंण कर ली, पण अजकाले जको उणरें सागें वीत रैयो है, इणने वो सेंण किण भांत कर सकै ।

आज ही उण किण तरै री हेसी उडाऊ निजरां रो सामनो कर्यो हो । उणनै तद लाग्यो कै वो वावनी हुयग्यो है अर थोड़ी ताळ और रैयो तो वावने री जग्या जमी मायै चालतो-फिरतो मकोडो हुय जावैला ।

उणनै फेरं खुदोखुद मायै रीस आवण लागगी कै क्यूं उण आ नौकरी करी जठै पल-पल उणरी महत्वकाशावा नै कुठित हुवणी पड़ै । स्वामिमान कचोयो जावै ।

वै सगळा नजारा उणरें सामें टुकडा-टुकडां मे उभा हुयग्या जका मोह भागण रां साखी है ।

□

एक-तीन-पाच-सात अर इण तरै वो पूरी उणतीस पेड़्यां फदाकग्यो । दो-दो पेड़ियां भेली चढण सू उणरी सास भरीजगी । अबै पेड़ियां नी बाहं-दो हो । सांसा नै काबू में करतो वो बाहंदे रें फसं नै देख रैयो हो । हांथ माय पकड़्या बिलां नै फडफडावतो थो की छिणां ताई स्यात उमो हैली मे वापर्योडें सरनाटें रो जामजो लैवतो रैयो । कोई वारें नी आयो । किणी नै वारें नी आवतां देख'र मजबूरण उण हेलो पाइयो—“जैचंद-लाल रंगलाल...”

को ताळ पछै अेक बिहारी छोकरो आय'र उणरें साम्हो उमो हुयग्यो ।

“क्या डाक है ?”

“नही... पाणी रा बिल है ।” उण दो पाना निकाळ'र छोकरें नै भेला दिया ।

उणने पूरी बिहारी जात मायै खीझ हुवण लागगी । कंड़ी धोंचू अर पागल जात है । बिला रें ढिगलें नै देख'र भी डाक रें वारें मे वूझै ।

अक्कल रा इता उजीर है जणै ई तो साठ रिपिया महीर्ण में सेठानिया
रा पूर पल्ला घोवण सू लैय'र भाड़ू बुहारी तक रो आसो खोरसो करै।
सेठिया लोगां रा उत्तयोड़ा कपड़ा पैर'र भी राजी।

अबै वो अकौवड़ी मंजल रै गंदलै-सँ मकान रो दरुजो खटखटा रैयो
हो। घणी ताळ कटो बजायां पछै माय सू खरखरावती आवाज आई
“कुण है?”

“मैं हूँ पाणी रा बिल बाळो।”

“ठैरो, खोलू।”

दरुज में बूढळी प्रगट हुई।

“माथो दुखै हो बेटा, इण खातर सोयगी...आज अळस पोर सूँ ई
माथें माय घोवो उठ रैयो हो।” बिना बूझ्यां ही बूढळी दरुजो बंद अर
मोड़ो खोलण रो कारण बता दिन्हो।

“माथो दुखै है तो मैं किसो अमृतांजन बांट रैयो हूँ।” कँवण रो मन
हुयो पण कैयो कोनी।

बिल भलाय'र वो आवण लाग्यो तो बूढळी टोक्यो—“अऽऽ ठैरी तो
बेटा।”

वो ठैरग्यो।

“देखी तो बेटा, किता रुपिया रो है ओ बिल।”

“दस रिपिया रो।” उण बिना देख्या ई लापरवाही सू कैयो अर
जावण लाग्यो। उण फेरुं टोक दिन्हो—“पण लारली दर्फ तो सात
रिपिया सितर पईसा ही हा नी?”

“हां, हा पण अबै बधा दिन्हा।” कैय'र वो आगें बूहोग्यो। गळी रै
छेकड़लै कनारै ताई बिल बांट'र वो पाछो आयो तो बूढळी उणनै उठई
बिल भाल्यां मिली।

“पईसा तो बधा दिया चोखी बात, पण पाणी आजकालै कम आवै, ओ
कांजी बात है? पईसा लेवो जणा पाणी तो पूरसल दिया करो।” बूढळी
बड़बड़ा रैयी ही अर उणनै लखावै हो जाणै आखै वाटर वक्स रो बिगड़ी
व्यवस्था रो अँक अँकलो वो ई जिम्मेदार है।

उण बळती निजरा सू बूढळी कानी देख्यो।

“पाणी कांओ मैं देवू, म्हारो काम तो बिल बांटणो है।”

आ बात वो दिन में बीसू दफं दोहरावै।

वो बूढली सू पिंड छुदाय'र दूजी गळी रै पाटे नैडो आयग्यो। जठे उणरी ही उमर रा कीं छोकरा बैठ्या तास खेल रैया हा। उणनै देख्यो तो—अेकर सगळा खेल रोक दियो अर बूझण लाग्या—“क्यू बिल है म्हारो।”

“हां है।” वो धिरजाई सू सगळा रा बिल निकालण लाग्यो।

छोकरां नै बिल भलाय'र वो चूनगरां रै मोहल्ले मे उतरग्यो। की मुसलमान लुगायां चोपाळ रै पीपळ तळे बैठी हताई कर रैंयी ही। उणनै आवतो देख्यो तो सगळां री निजर्या उण माथे टिकगी। बांरी हताई रा सुर उणरै कानां में पड़्या तो वो सहमग्यो। वैं कैय रैंयी ही—

“जै पाणी पूरसल पावणो है तो अेक ही उपाय है, इण बिल बांटण बाळे नै पीपळ सू बांध देवो...अफसर आयनै छुडा लै जायसी...तद ठा: लागैला करम फुट्यां नै। आ गिरमो री रुत अर टोपे-टोपे पाणी नै तरसां। ऊपर सू अे बूहा आवै हरेक महीणा'ओ बिल ह्यो भाटर सपलाई रो।”

उणनै पाछो सिरकणें में ही भलो लखायो। बिना बिल बांट्यां ही वो पाछो मुड़ग्यो। उणनै मालम है अे लुगायां जितो नी करे बितो ई थोड़ी है। किणी आवतै-जावतै नै पकड़ा देवैला इण गळी रा बिल।

दो-तीन गली दूर आ जायां पछे भी उणनै लखावतो रैंयो, जाणै लुगाया उणरो तारो करती आय रैंयी है। बदहाल-सो वो अेक तिराहे माथे आय'र उभो हुयग्यो। सांसां नै ठीक करतो वो सोचण लागग्यो। खुद रै सुखी जीवण री इछा नै इण भांत तो वो कदेई पूरी नी कर सकैला। नौकरी लागता ई उण सोच्यो हो-आछो ई तो है छह महीणा टेम्परेरी रैंयां पछे वो खुद ही पक्को हुय जावैला। तद बरस दो बरस में पदोन्नति कर कलकं वण जावैला। फंछं वो सुखी हुयसी। उणरो नान्हो-सो परिवार है—कलकीं जीवण सू समूचै परिवार री पेट पोख लैवैला। पण लागं आ छह महीणा री लौह री भीत वो किण भांत ही नी डाक पावैला। इण तरै सुमिता नै समझाया करतो हो—“सुमिता, तू मन लगाय'र क्यू कोनी

पढ़ें—पढ़ाई में घरवालों का परमा लाग है नी।”

उणरें दानेपणें माथें सुमिता [मुळकन कंवतो— “पढ़णें री दरका तो तन है, तन नौकरी करणी है, म्हा छोरियां रो कांजी...।”

तद वो गरवीज जावतो आपरें हुस्वार हुवणें माथें अर ताणा-वेज करतो कैं वो घणों पढ़ेला अर घणी आछी नौकरी करेला।

वो दानेपणें सू कंवतो—“हा भई तन भणार्ई करन करणों ही कांजी है...म्हानें पढ़णो हे अर में पढ़ रेंयो हू।” घर री हालत जाणतां यकां भी वो किया सोच लंवतो कैं वो घणों पढ़ेला।

आठवी पास करनें वो हाईस्कूल में आयग्यो। सुमिता आठवी पछें उणनें आज ही मिली। तीन वरमा पछें उणनें मामी पाय'र वो हड़बड़ाय सो गयो।

जिण सुमिता नैं वो घडल्लें सू डाट दिया करतो। उण सू आज निजरां नी मिला सकयो। बिला रें दिगलें माय सू दो पाना निकाळ'र उणनें भला दिग्हा अर जावण लागग्यो। ओजूं वो दो पग ही नीं चाल पायो कैं उणनें सुणीग्यो—“तू आलोक ही है नी...”

“हां।” इण सू वंसी वो की नी कैंय पायो। उणरी वा 'हां' घणी मार खायां पछें सीकारणें जेडी ही। हैली सू हेटें उतरतां उणरी पीड्यां काप रेंयी ही। अंडी गरवीली मुळक नैं वो देख कियां सकयो। कांजी कांजी नी कैंय रेंयी ही वा मुळक—“लगन सू पढ़ाई करनें घणी आछी अफमरी पाई...घणो घमड हो नी भणार्ई माथें ?...।

पाकें माय बैठ्यो वो दूव नैं दोघा हाया सू खंच रेंयो हो। “हा हां घणो घमड हो...ओजू कांजी मरग्यो घमड.....नौकरी साटें घमड थोडी बेच सूं।”

अक धिठ निश्चै धारनें वो ऑफिस कानी चाल पड़्यो ऑफिस रें दरुजें माथें ही दूलीचद सामो मिलग्यो। उण सू टकरावता ई वो सदा दाई चहक्यो—“ओ हो बी. डी. ओ. आज घणों राजी निजर आय रेंयो है। पण दोस्त की नूंवी खबर रो मी ठा: है ?”

“कैडी खबर ?” उणरें जाणन मांय किणी तरें री उतावळ नी ही। “घणी कोभी खबर है बी. डी. ओ., पण तूं फिकर मत करजें, में ए० ई०

सूँ फव दूँ सा...तू भी ओकर उणरै घर जाय'र पंग चंपी कर आइज्यो...
 पीफ साव रो सख आदेश है कै नूँवा मस्टर रोल कर्मचारियों री ठोड़
 इन्टरव्यू सूँ भर्ती ली जावैला, पण तू चित्या ना कर, थारै गभोर सुभाव रै
 कारण ए० ई० या नू प्रभावित है, वस ! थोड़ी सी पगचपी भी जरूरत
 है..." बात रातम करतां दूलीचंद आंख मारी ।

—“ए० ई० री पगचंपी करैला म्हारी जूती ।” उण मिर भटक'र
 हियो तो दूतीचंद अणबोल रैवायो । वो फुमफुगायो—“बी०डी०ओ०...”
 “हां...हां...” वो मुल्लायो ।

पांन लागग्यो

“गोपाळजी नै पांन लडग्यो । वै तीन दिनां सू खेत मांय हा । उठै कोई अेरू लडग्यो । गाव रै आधीटै आवता ई बेहोस हुयग्या ।” घर मांय आवतां ई घरवाळी सबसू पैली अे समचार बताया । वा हाथ रो काम सळटा रैयो ही ।

मै हाथ-मुंडो धोयर चौके मे बैठण जाय रैयो हो । उणरी आ बात सुण'र भूख न्हासगी । “पछै, पछै कांअी कर्यो ? अबै गाव तो लियाया नी ? हणै कियां है वो ?” म्हारी इण उतावळ सू जाणै उणरै कोई फरक नी पड़घो । वा आपरी उणी सुस्त रफतार सूं काम कर्या जावै ही ।

भाडू, जिण सू वा चौकी साफ कर रैयो ही, हाथ माय लिया-लियां ही आंटी मुंडो कर'र कैयो—“अबार थान माय है...।” थान सू उणरो मतळव गोमाजी रै थान सू हो । अेरू लडघोड़ रो पैलीपोत उपचार अठै ई हुवतो आयो है ।

मै तुरत कपडा पेर'र थान माय पूगण नै त्यार हुयग्यो । जावता-जावता घरवाळी टोकी—“जीम तो जावो ।” उणरी इण बात माय भाल तो घणी आई, पण मै फगत अकरी मीट सू जोवतो वारै निकळग्यो ।

गोपाळ म्हारो बाळगोठियो रैयो है, अवार लारला चुणावा में म्हारो उण सू मनमुटाव हुयग्यो । चुणाव सू पैली वो म्हारै कनै राय सैवण नै आयो हो कं आपां नै किण रो ‘सपोटं’ करणो चाहीजै । मै उणनै साफ-साफ कैय दिन्हो हो—“जात सारै नी अडयडणो है...तू तो जाणै,

आपारै छेतार में थारी जात बाळां री घणेर है। अठै जको भी आवैला, फगत जात रै नाव मू बोट मागण नै आवैला। गांव री दिक्कतां था सू लुक्कोड़ी कोनी। कांई वारो निपटारो करै, तो आपा नै कांओ दोराई है? किणी भी जात रो क्यू नी हुवै, आपा घणो कराला उणरो सपोट अर खूब दिरावाला भोट।”

पण वो भोरीजग्यो। लारलो एम० एल० ए० जको सत्तारूढ़ पार्टी रो हुवण रै सार्ग-सार्ग उणरी ही जात रो है, इण दफै फेरुं चुणाव रै मोकै गांव में आयो। एम० एल० ए० रै प्रमामंडल नै कुण तोड़ै। घणो ई उण गांव रै विकास सारू कोई काम नी कियो। पूरा पाच साल माय चावै लोग उणरा दरशण नी किया हुवै...।

एम० एल० ए० चुणाव रै ठीक पाच दिन पैली गांव बाळां नै की स्यानदार पेंतरा दिखाया, जिणरी फेंट में आखो गांव आयग्यो। इण सड़क-बीजळी बिहूण गांव माय, जिया-किया जिन्नड़ी ढोवण बाळा खातर ओ दोवू ई बीजा किणी समस्या रो नाव नी है। बिना बीजळी अर सड़क रै इण गांव रा टावर जुवान अर जुवान बूढा हुवता रैया है। गांव री प्राइमरी ताईस्कूल में भणीज्यां पछै, पांच कोस अळग बड़े गांव में जठै दसवी ताई री स्कूल है, मांय पढ़ण जावण बाळा की स्कूलिया जरूर कर्द-कर्दै नाक मैळो-मैळो करै कैं आपां रै अठै भी ऊंची स्कूल, सड़क अर बीजळी हुवणी चाहीजै, पण बूढा-अधबूढा लोगां री समस्या सड़क अर बीजळी कर्दैई कोनी रैया। बारै खातर तो इण गांव री खास समस्या पाणी है। जिणनै पीअर भिनख, डागरा अर जिनावर जीवता रैय सकै।

गांव रै टाड़ै मांय पीपळ-नीम रै जोरदार घेर बिचाळै गांव रो कुबो है। कुबो अँडो स्यानदार, जिणरै दोवू कानी इता मोटा-मोटा हौद है कैं समूचा छलीज जावै, तो गांव बाळा बीस दिन तांई ठाठ सू पाणी पीवो। एम० एल० ए० आं ही हौदा मायै ऊअर तो गांव बाळां में कैयो हो—
“अवै ओ हौद कदै ई खाली कोनी रैवै। इणा मांय आठ पौर चौईस घड़ी मीठो पाणी छल्योडो रैसी...अवै कोई ढोर-डांगरो नी बिरहाइजैला, नी ई स्यारी-आंगो करणो पड़ैला।”

कुबो बावतो रामधन मुंडो फाड़धां एम० एल० ए० कानी देखतो

रैयग्यो। उणरै मुडै माथै गुलाल-सी बिखरगी...उणनै तो बस, अक ई बात चोखी लागी। 'स्यारी-आंगो नी निकालनो पड़ैला।' जीवो एम० एल० ए० साव, थारो बस बर्ध। अठै धापू तीज दिन बोदा खल्ला पराय लाव-चडस पकडा देव, जा आंगो निकाळ आय...।

एम० एल० ए० चाल'र चाठ ताई आयो। चाठ माय सूं पाणी हथाळी मे लैय'र गाव बाळा कानी घूमग्यो।—“ओ पाणी है? (गांव बाळा री तो सँकडू पीढ्यां इणनै पाणी मान'र ही पीवती आई है।) हु...ह। जिणनै अणजाण्यै मे पशु पीय लैवै, तो मर जावै, तिरसो आदमी पीयलै तो बिरहा जावै...कान फाडना पडै!”

नीचै ऊभी पणिहारियां घूघटै री कोर सूं अकटक देख्या जावै ही, एम० एल० ए० साव नै। एम० एल० ए० साव खातर तो अे पणिहारियां भी मोट ही। वै बां कानी घूमग्या। हौद सूं नीचो लुठनै कँवण लाग्—“अवै आ वैन-वेट्या नै इण खारै पाणी खातर दोजख भुगतणै री जखत कोनी रैवैला अर नी ही घर लैजाय'र इण खारै बाकळ मांय मीठो पान'र मिलानै री दरकार रैवैला। बस, घरै वेट्यां मीठो पाणी मिलैला। वैन-वेट्या नै आखै दिन अठै तावडै में तपणै री कोई दरकार नी पडैला।”

नीचै ऊभी लुगायां री आख्या मांय सुख रा डोरा तिरण लाग्या, वाने लखाय रैयो हो जाणै वारै सिर माथै मूण नी है...आ भी कोई जिद-गाणी है, आलो दिन अठै सूं घड़ा ढोवती रैवो; फँह घर री कुंड मांय में पालर निकाळ'र मिलावो इण माय, सैर मांय तो कोई लुगाई पाणी लैवण नी जावै।

कुवै री सारण मांय उभी ऊंट भी एम० एल० ए० नै निरख रैयो हो, वो आराम सूं चीढ रैयो हो, उण अणबोल ओठाह नै भी स्पात एम० एल० ए० रै खिडायै मुख री सुगंध आयगी ही, उणरो घणी उणनै चक्कर घाण करण री ठाँइ एम० एल० ए० कानी बाको फाड्यां उभी हो। एम० एल० ए० गावबाळा नै समझा रैयो हो—“पाणी री समस्या तो हल हुई ही समझो, पांच कोम अळगै काळवास गांव मे ट्यूबवेल लाग्यो। खूब पाणी निकळ्यो है। उठै सूं पाइप तैण जोड़'र आ हौदा नै भर देवाला। की पाइप में (जोर देय'र) सरकार सूं मिकराया है, जका

स्पात आजकालें मे ही आररें अठै पूग जावैला । वस, महीनै भर में इग गांव में विरहाणै री समस्या हल हुय जावैला । अब रैरी बीजळी री समस्या...वा भी अळगी हुय जावैला । पाइपां रै सागै में की खभा भी सिकराया है ।”

साधमाच में एम० एल० ए० साव रै पधार्या रै ठीक पाच घटा बाद ही कच्चे मे चालण वालो ट्रक खभा अर पाइप सैय'र पूगग्यो । सैर मांय तो ट्रक खाली करवावण खातर मजूर मोधणा पई, पण अठै तो आखो गाव ही मजूर हुयग्यो । किणी उतराई कोनी मांगी । सब गोपाळ नै गरव सू देखै हा । बियां अबै गोपाळ एम० एल० ए० साव रो सगो भी हुयग्यो । गोपाळ री डावड़की रो रिग्तो एम० एल० ए० आपरें अकेलई भाणजै सू तै करग्या । गोपाळ तद सू ई बेंडीजमोडो-सो आखें गाव में एम० एल० ए० रो प्रचार करतो घूम रैयो है । पूरी विरादरी माय थोडी चलती वालो (राज में) अर भण्यो-गुण्यो गोपाळ ही है । एकाध नै छोड'र विरादरी मे आंकस है गोपाळ रो ।

ट्रक कुवै रै टाडें माय ही खाली हुयो । आखो गांव जाणै पाइप अर खंभा रा दरमण करण नै उमड़ पड़यो । ट्रक खाली हुय'र जाय चुक्यो हो । बूझा-ठाडा अर टावरां रै सागै बूढी लुगायां भी पाइपा नै हाथ लगाय-नगाय देख रैयो ही । अक छोरुंर खाली घड़ जियां विचर्ली आंगळी सू पाइप बजायो अर नाड़ हलाय'र कैयो—“है तो पक्को ।”

गोपाळ सगळा नै गरव सू देख रैयो हो । उणरी आंख्या में सतरंगा सुपना आ-जा रैया हा । वो मन ही मन सोच रैयो हो—“अबै ओ गांव चमन हुय जावैला । सगो है, की तो काण राखै ई ला—“वो की और भी सोचतो, पण उणरी तिनद्रा अक छोरुंर चोळो खेंच'र भाग दी, “गोपाळ-भईमा, मैं तो अक खभो म्हारे बारणै आगे लगवाऊंला । पछे रात नै ठिया दड़ी रमण में की अवखाई नी आवैला । खूब च्यानणो हुयसी ।” उण हाथ री सीध सू वा ठोड भी बतादी, जठै खंभो रोपाणो हो । गोपाळ मुळक'र हामळ भरी—“हा, हा, उठै ही रोपावाला ।”

छोरुंर नै जाणै सूरज-चाद लाधग्या । वो घरवाळा नै ओ समचार दैवण नै भाजग्यो कै उण गोपाळ भईसा सू घर आगे खंभो रोपावणो मंजूर-

करवा लिन्हो है।

एम० एल० ए० फ्रेंच एम० एल० ए० वणग्यो। जीत रै पछै गोपाळ गांव कानी सू जोरदार माळा पैरावण री बात कैयी, तो म्हा सू रंयीग्यो कोनी। भायलाचारी रै नार्त में उण नै साफ-साफ मना कर दिन्हो चंदो देवण सू, अर समझायो—“गोपाळ, टाई माय सीमंट रा च्यार पाइप न्खावण सू आपां मीठो पाणी पीवण नी लागग्या। काळवामियै सू अठै ताई पाणी त्यावण खातर अँडा ट्रकों ई पाइप चाहीजै। भूखै मजन न होई गोपाला, भूखो तो घाघा ई पतीजै।” गोपाळ चिडग्यो। पण में म्हारी बात माथे थिर रैयो। में माळा पैरावण खातर कोई चंदो कोनी दिन्हो अर तद सूं ही वो म्हा सूं कटघो-कटघो रैवण लाग्यो।

गोपाळ तुरत-फुरत आपरी मैम बेच'र तीन हजार अर बाकी गाव बाळां सू चंदो कर'र अेम० एल० ए० ने पांच हजार रिपिया री माळा घाल'र जोरदार सुवागत कर्यो। पाडोसी गाव रो सिरपंच भी अँडो सुवागत देख'र दग रैयग्यो। सिरपंच सूं विरोधी इण गांववाळा मत ही मन इण बार गोपाळ नै सिरपंच वणावण री तेवड़ली।

गाव बाळा नै चुणाव रो उडीकना मेह सू वती रैवै।

□

धान रै नैड़े घणी भीड़ भैळी हुयगी। गोपाळ रै डील माथे सोजन सी आयगी। पग में जठै अेरु लड़घो हो—सूजन भरतग हुयग्यो। पग माथे नीम री पत्या बाघ्योड़ी ही। आधी बेहोसी मे घी पायीज रैयो हो। धान रो पुजारी छाणा बाळ'र उण माथे घी होम रैयो हो। खीरा माथे घी पड़तां ही जोर सू लपट उठी—सगळा अेकै सागै कैयो, “गोगापीर जोत लैय लीवी।” सगळा सरधा सू हाथ जोड़'र कैयो—“स्याय करज्यो गोगा घणी...”। ताशा बजावण बाळां नै जार्ण जोत रै सागै ही छिन चढगी। बँ डोल अर धाँळी और जोर सू पीटण लागा। पुजारी रो भाई, जिण माथे गोगाजी री छियां आवै, जोर जोर सू साकळा री माथे में खावतो भाचण लाग्यो। पण गोपाळ री बेहासी में कोई फरक नी आयो।

मैं अणवस सो उभो हो। वेहोसी न देखता म्हारी चित्या बघती जावै ही। बार-बार अेक बात जबान माथे आवती जावै ही—इणनै तुरंत सै'र क्यू नी लैयग्या, उठै स्यात सूई लागती, तो अबार साई होस में आय जावतो। सपे काट्ये नै मूर्छा तो आवणी ही नी चाहीजै। मैं अठी-उठी देख'र सेवा करण वाला माय सू अेक नै बूझ्यो—इणनै की कितो पाय दिन्हो?"

"दो किलो..."

"उल्टी किती हुई?"

"अेक भी नी।"

"अेक भी नी?...फैर इणनै क्यू मारण माथे उतावै हो? वेगा सू वेगा सै'र ले चालो। उठै अस्पताल मे भती करेवाला।"

म्हारी बात सू पुजारी समेत सगला चिडग्या—"देख कोनी रैया... चाबै जोत लैयली है।" मैं बाने धीरज सू समझाया, तो हताश लोग तयार हुयग्या। अळगै खड्गो अेक आदमी दूजोई सू कैय तो होळै ही रैयो हो... "सै'र काजी रैवण लागग्यो, अपणै आपनै औतार ही समझण लागग्यो..." पण मने मुणीजगी। फेरू ई मैं उणरी बात रो कोई बुरो कोनी मान्यो।

म्हारे सागै छकई मे गोपाल री सेवा-चाकरी करण खातर तीन आदमी भळै तयार हुयग्या। रस्तै में पावण खातर धी रो पीपो सागै लैय लिन्हो।

रस्तै मे रैय रैय'र अेक बात म्हारे माथे में चक्कर काट रैयी ही। ओ तीन दिना सू खेत मे ही हो। इण उन्हाळै री टैम खेत में कर कांजी रैयो हो? ओ तो भर विरखा में ही भीत कम खेत जावतो रैयो है। रैयो नी गयो तो छकई में बैठ्ये रुघाराम सू बूझ बैठ्यो—"रुघाराम ओ उन्हाळै मे खेत काजी ल्यावण नै गयो हो?" उण छूटता ई उघळो दिन्हो, जाणै जबाब धड्घां ही बैठो हो—"गांव वालों सू मुंडो लुकोवण नै। गैरत वालै खातर नेताई सौरी कोनी हुवै।" मैं नी समझणै रो भाव दरसायो तो वो कानाफूसी रै अदाज मैं बोल्यो—"बच्चू, तू हफतो भर सै'र मे रैय'र अेक दिन छुट्टी कारण नै गाव आवै। तनै कांजी ठा: अठै कांजी संकट है?" सवालिया अंदाज में उणरी भवा तण्योड़ी रैयी—"ठा: है तनै गांव

री समस्यावां रो ?”

“हां है भाई, इण खातर तो हफ्तें में एक दिन खातर ही सही पण अठै रैवण नै जरूर आवू। मन ओ भी ठा: है, पच्चीस सात पैली अठै साढे तीन सौ घर हा अर अब पूरा तीन सौ। वै पच्चास घर इण समस्यावां सू डरं नै भाज लिया।”

रुधाराम गळपळो-हुयर्न कैयो—“चोखो रैयो, भाज लिया। रोजीना घोखो तो नी खावणो-पढ़यो विचार नै...अब ओ गोपाल है तो कांसी। इण नै भी एम० एल० ए० काओ कम घोखा दिया...रोजीना लोग पाइप-खंभा बजा-बैजा र विचारै नै तंग करण लाग्या। जद भी सुणतो कै फलाणी तारीख नै एम० एल० ए० जैपर सू सै र आवैला, तो वो पण जूती घाल्या बिना गाव री बीजळी पाणी रा हाल-घाल धूमण भाजतो। लारलें दिनां, मुणा हां, एम० एल० ए० इणनै चट्टो उतर दैय दिन्हो कै काम काम रै तरीकै सू हुवैला। तू बेगो-बेगो अठै मत आया कर। राज रा काम राज रै तरीका सू हुवैला...एम०एल०ए० आपरें भाणजै री सगाई भी बीजी ठोड कर दिन्ही। इण मूं तो ओ एकदम तूटगयो। उणनै एम० एल० ए० सू अंडे घोखें री आस कोनी ही। ओ तो पूजतो...”

रुधाराम बात पूरी करतो, उण सू पैली ही गोपाल नै एक जोरदार उल्टी हुई। सीली...लीली...

“पाणी...” उल्टी हुयां उणनै थोडो चेतो सो हुयो। पाणी री मांग सागं ही इण नै घी पायो।

सैर पूगण में ओजू अेक कोस री छँती बाकी पडी ही। उल्टी हुया रै बावजूद उण माथे वेहोसी धिरती जावै ही। रुधाराम उणनै गोदी में लैय र होम में ल्यावण रा जतन कर रैयो हो।

मैं सोचूं इणनै साधारण माप तो नी लड़घो। घणो जैरीलो माप लडघो है। ठा: नी ओ सैर में भी बंचैला कै नी।

थांभ

दोन री गड़ागड़ रें समचें वारी छाती माथें जाणें घमीड पड़ रेंया हा ,
 अबें लोग रावळें सू निकळ रेंया हुर्वना । जिण नाजोगी बेमारी नें आखी
 उमर भोंदो, आज वा ही बेरण वणनें आपरो वळ निकाल रेंयी है । वामां
 रा चपड़कां मूं जिण डील रो की कोनी विगड़घो, उणनें इण दम बेदम कऱ
 नाख्यो । वा तो अंडी सपनं मांय ई नी सांची ही कें कदैई इण भात मांचो
 ई भाननो पडेंता । 'अवखू-अवखू' ई करणो पडेंता । हताई मे चिलम पीवता
 लोग जद घांसी मे अळभता तो वानें धणो रस आवतो—“और पीवो इण
 मा राड नें, आखो गुण इण में ही है, अर जे पीवो तो अवखू-अवखू करण री
 कें जरत है, आंख्यां थारी घांमतां री वारें आय रेंयी है पण फेंहं ई इण रें
 काठा चिमट रेंया हो ।” पीवण वाळो आपरी आख्या पूंछतो वारी इण
 बात माथें मुळवनें रेंयजावतो । वे कोई नसो नी करता इण सू कोई तकरार
 भी नीं करतो । कोई हिम्मत करनें कयतो तो ई इतो-‘कांभी करां बिसन
 पड़ग्यो लानूजी, पड़तो तो पड़ग्यो अवें छूटणो हुमग्यो ओखो ।’ वें लज-
 खाणो पड़घोईं मिनख नें बुचकारता—“लाडेसर, छूटे कोनी ओ किसी
 अम्मल है, छोडण नें लोग उणनें ई छोडें ई है, हरेक चीज मन मे धिरणा
 कर्या सू छूटे...मन नें पिठ करनें बगाय दो कें इण नें पीवां तो गाये रो
 खून ही पीवां ।”

पण पीवण वाळा वारी अंडी बातां री कद गिनरथ करता । वे काना
 ई नी डोरता । इती वानें भी कांभी पड़ी ही जको नसो छोडावण खातर

खुदरी चामड़ी बाढ़े । कोई छोड़े तो चोगो नी छोड़े तो जाय'र घंड में पड़ो । वाने तो लागी जिसो माख दी । अवे आगलां रै पोसावती हुवे ज्य करो । घणो कवण रो जमानो कोनी...क्यू के कोई किणरो केय माने तो साथ कोनी-करै मगळा आपरी जची-जची है...पछे कर्ण में कांभी सा है...?

वा आपरी जिदगी में लोगा नै कांभी कांभी नीं कैंयो । पण जिण आदमी आखी जिदगाणी में किणी भात रो नसो-पतो नी कियो वो इण भात दर्मे रो मिकार हुय जावैना आ तो वा कदै ई नी सोची ही । पछेती में जावना इण भात माचो भालण सू तो पांच साल पैली रामजी उठा लैवना तो किमी कोर खाडी हुवे ही । आ तो उण जई आदमी खातर रोज मरण जई वात हुयगी । समझ पकड़्या पछे स्यात ई कोई होळी रैयी हुवैना जद रावळें सू निकळतो ढोल अकलो ई गड़गड़ावतो बिना वाने होळी मगळावण नै बूहो जावै ।

ढोल रो अँक अँक गड़गड़ाट वारै माथे में वाज रैयी हो । सोण होळी घोरिये पूगया हुयसी । पूजा पछे होळी मगळावणी सरू कर दी हुसी । पण थाम कुण निकाळ्यो हुवैना । समझ पकड़्या सू लैय'र सारली होळी ताई तो थाम वें ई निकाळता रैया है ।

वै औचक नै बँठा हुवण नै खस्या पण बँठा हुवताई घांसी रो अँडो अळूभो आयो के तकिये माथे अघडांखा हुयने खँखार थूकण लागा । दम सू उपड़ रैयी ही पण चितारै सू होळी रो थाम हेठे नीं उतर रैयो हो । आज पहली बार वै होळी मगळावण नै नी जाय सकया । अँडा काम खातर वाने कदैई तेडां रो जरूत कोनी रैयी । मरण-परण्ये का होळी-दिवाळी हाजर नी हुवे वो भिन्न ई किसो ?

बास में कोई चल जावै तो दाग बँळा मुसाणा में लामूजी बिना, काम ई नी चालतो । लास नै उघळावणो का लास माथे खँजड़ी रा मोटा-मोटा ठूठ चिणना कोई हँसी-खेल रो काम नीं हुवे पण वारै खातर तो अँडा काम हँसी-खेल रा ई है । किणरी ई काम निकळ जावै तो पँछे वारो कांभी पसीजै है । पण, आज बळता नडभोलिया सू थोभ वारै कुण निकाळसी...

वै हेनो देवणो चावता हा पण इण उपडती सांस में सावळ हेतो ई नीं

देयीजै । घरवाळा सगळा होळी रो जीमण जीमता हुयसी । भरजोर हेतो देवण रो कोसिस अेकर भळें करी—“हरि ss ss ।”

“आयो बाबोजी.....” कैवती हरि रसोई में सू जीमतो अघ-विचाळै ई उठन आयो । बूझ्यो—“कांओ लाऊं ?”

“थांभ...” आगे दम वोलेण नों दियो तो वै सांस टिकावता बोला रैय्या । हरि रै की समझ में नी आयो कै वै कैय कांओ रैया है ।

“पाणी लाऊं बाबोजी ?” हरि बूझ्यो ।

वां नस हलाय'र ना रा लटको कर्यो । कई ताळ री हवक्यां पछै देम जम्यो तो मंदी आवाज में कैयो—“बेटा ओ ढोल क्यांरो बाजै है ?”

“होळी मंगळावण नै गया है बाबोजी...”

“हम्म...हम्म बुलावो कोनो आयो कांओ...थांभ कुण निकाळसी... सू जावतो बेटा,...।”

“ओ हो ! बाबोजी, कठै चित्या हुई है...थे सोवो, हाकै ई निकाळ लैसी कोई न कोई ।” मुळकतां हरि वारा खांधा पकड़नै सावळ सुवाण दिया ।

गैलो है हरि, मनै चित्या नी हुवैला तो किणनै हुवैला, ओ कोई हंसी-टटा रो काम है जको हर कोई कर लेसी । लाय मांय सू आदमी निकाळण सू बेसी दोरो काम है । जिण नै उजस हुवे वो ई कर सकै । रजाकर साव नूवा आदमी हुवै अर थांभ नही निकळै तो ममूळै वास खातर कैण-कैयोण जैड़ी बात हुवै । सुगन तो माड़ा हुवै ई ।...बख, बख री वांता हुवै । वा आपरो जमारो ई तो अँडी वातां मे गमायो है ।

वांनै चेतै आवै, कालै री सी बात है वै कछियो पैर्यां धूमता । तीन कोस दूर खेत सू घरै दोड़ता-दोड़ता आवता । आवता ई रसोई मांय बडनो अर दावै ज्यू ई खाय पीयनै मस्त रैवणो । उण दिन री बात नै आज किता माल हुयग्या हुसी...साठ सू तो बेसी ही हुया हुसी...उण दिन वै खेत सू घरै आया । भूख घणी अकरी लाग्योड़ी ही पण रसोई में हेर्यां सू रोटी कै खीच कीं नी मिल्यो । चूल्है री वैवणी में मसोड़ दियोड़ी फगत दही री जमावणी पड़ी । वां नै और की नीं सूझ्यो तो मुंडै चाढ़ नै उणनै ई गटोंगट पीयग्या । इतै मां आयगी । घणा रोळा कर्या—“नागई खादड़ा, इयां

भूखां मरतैं रा किसान पिराण पड़ै हा...रोटी कर देवतो...अब सारला सगळी जणा हाथ में रोटी लैय'र ई खाया भलाई, लगावण तो सगळो तू चेपग्यो ।" इण पर वां मुठो पलकारतां केयो हो—"तो कांभी हुयो मा, रोटी ऊपर सू खाय ले सू, लगावण में मिल ज्यामी..." इतो सुणताई मा चीपियो उठायो हो अर वो रसोई सू वारें मलगा दैग्यो ।

अंडी खुराक ही जण ई वै अकेला दावें जको सेजड़ो के रोहिड़ो वाढने ऊंट माथें घाल धरें लैय आवता । ढाच माथें भाठो ढोंयने तो आखी नवाडी कर भिन्ही । हालाकि छोटकिये रो मारो रैवतो पण तो ई वारी धर्योड़ी टोळा हालताई किण सू ई नी हालै ।

वै भी तो कंडा दिन हा । आखें खेत में वै दोवू भाई लाट लैता । दुनिया सू बैसी बांवता इण वास्ते धान भी बेसी ही हुवतो । उण दिन, आहा...उण दिन तो मामी में जबरी ही करो, आज चेत आया ई हंसी आवै । उण साल मोठ अणुता ई हुया हा । खेत में लाणिया ई साणिया चिलकै हा, पण लाणिया नै खळ में मैळा करण री दिक्कत ही । जूल भर भर नै माथें सू नाखण नायसू तो किणी रो गाडी-नारो मांग लियो जावै तो वेगा मैळा हुवै अर दुख ई कम पावणो पड़ै । आ सोब'र वा छोटकिये नै कैयो—"जा मामी रै खेत सू गाडी-नारो लैय आव ।" मामी रो खेत वारें चिपोचिप ई हो । छोटकियो थोड़ी देर में पाछो आयग्यो । कैयो—"मामी ना करदो, कैवें वळध रो पेट चालै है..."

"किमो पेट चालै, आपरा मैळा करै हा जणा तो की कोनी चालै हो खैर नटण रा हजार रस्ता हुवै..." वा कैयो—"पण देखस्यां, अब तो मैळा गाडी माथें ई कराता..."

"गाडी नै वै नट ई ग्या जणै किसान धिगाणै कराता...और सरें में कोई गाडी कोनी..."

"तू देखतो रै ई ।" कैयर दोवू भाई दिन भर दूजै बिले लाग्या । रात नै सोपो पड़धा वा सगळी योजना छोटकिये नै बता दी । दोवू भाई सोब-सोब गया । मामी रै डेरें माथें साण पाण सोपो पड़ग्यो हो । गाडी डेरें सू की पसवाड धागड्या कर्योड़ी उभी ही । दोवां कानी खापा लगायने दोवू भाई उणने ऊंचने खेत में लैय आया । आखी रात में सगळ

मोट मैना कर तिन्हा । भांमरकं जावता छोटकियं कैयो—“भाया अबै पूगा थावा गाडी नै ?”

“ऊं हूं...” वां मुळकता नाट कर दी । मीवा जोड अडाव रै मांय अेक दूफाडिये रोहिडो हो । गाडी नै उण दूफाडिये में टाग आया । दिनुगै मामी हाथ ममळती आई—“डावड़ा लादू, म्हांरी तो गाडी नै कांभी ठा: कुण लैयग्यो । लैय जावण रा चिल्ला ई कोनी मंडियोडा । ठा: नी कुण उखण नै लैयग्यो... अबै कांभी कहूं...।”

“मामीजी, इण मू तो आछो हो कालै म्हांनै दैय देवती... पण अबै तो जोवो मामी, कठै ई उडणी जहाज दाई पास्यां तो नी आयगी हुवै...।” कैवता वानै हेंसी आयगी तो मामी नै टोमो पडग्यो । “डावड़ा कोई मम-सरी करो हो तो ठा है जणा मावळ-मावळ ई घता देवो...”

“मावळ घतायां कांभी देवाला...?”

“घपा'र लापसी जीमा दे सू ।”

“अेक बात है मामी थारी गाडी नै तो ओळखू कोनी, पण अवार कनलै अडाव रै दोफाडिये रोहिड़' मायें बंठी एक गाडी जरूर दीठी... फागण चेत मे कीड'यां पाखीजै ज्यूं कठै ई गाडी ई पांखीज नी गी है, वेगा मम्हाळो पास्यां आयोड़' जिनावर रां कांभी अवार उण रोहिड़' मायें है थोड़ी ताळ नै धीजी ठोड़ बूही जावै ।”

“नागई खाधां, इणनै हेठै तो उतारो । रोहिड़' हेठै थकारिया देवती मामी बरहावै ही । मामी रा रोळा सू कनलै-कनलै सेत रा मिनल भी भंळा हुयग्या । सगळा जाणै हा करतूत किणरी है । सगळा ई उतारण रो कैयो तो वां मामी मू कैयो—“किया मामी ब्रळध रो पेट चालणो ट्य्यो कै नी...?”

कैडी कैडी कोगत करण रा दिन हा । दिन जावता ठा: ई नी लागै । दोवूंमायां रो ब्याव ई हुयो । घणियाणी रै माता निकळी अरमरगी । उणरो ब्याव हुयां पछै घणियाणी रै माता निकळी । उण साल घणा छोरा-छोरी भाता सू भरप्पा हा । दूसर ब्याव रो भतो ई नी कर्यो ।

वां आपरी जिदगी में कदै ई नारै मुड़नै नी देख्यो । अवखै सूं अवखो काम वारै खातर साव मोरो हुवतो । सुम-असुम हरेक मौकै गांव में वारी

मौजूदगी तो हुबती। वै तो हरेक सूं इयां ई कैया करता, “मैं अके दिन अचाणचकै ई जावूला...सुड़-सुड़ नै मरणो, खुरड़ा खोतरड़नो, आपारै कोनी पोसावै...” पण, लागै कैयी वाता अणपोसावती भी करणी पड़ै, भुगतणी पड़ै।

वा अेकर भळै हरि नै हेलो दैनै बुलायो। बूझ्यो—“आपा रै घर सूं गयो है काअी कोई होळी मंगळावण नै?”

“पप्पूडो गयो है।”

“पप्पू सूं काअी हुसी...पप्पू तो टावर है रे...तू जावतो बेटा...”

“थे आराम करो-बाबोजी...।”

“आराम ही तो करू हूं पण,...।” वारी गिरगिराटी मिट नी रैयी ही। होळी-गौर्या रो ढोल सुणतां ई वै करड़ धज्ज होयनै घर सूं निकळ जावै। गौर परणावण नै जावता तो वारी करड़ धजाई लोग देखता ई रैय जावै। नूवो रंगायोड़ो केसरिया साफो। धोळो धक चोळो भीणी घोती-जकी फगत इणीज दिन पैरीजै। खांधै तरवार लटकायोड़ी नै हाथ मांय सैल। देखै जको ई मुळकै—सितर सूं बैसी आयग्या पण ठरको हाल वो ई है।

हरि रसोई मे जायनै थाभ री वात कैयी तो सगळा हेंस पड़्या—“बाबोजी रै आछी चित्या लागी नी...थांभरी...अबै थांम घणा ई तिकाळ्या...आगै काढ्या...।”

थोड़ी ताळ में पप्पू वारै सूं आयग्यो। हरि आवता ई उणनै बाबांजी कनै भेज दियो।

“कुण पप्पू ?...” वा बूझ्यो।

“हा दादोजी...पप्पू नाड़ नीची कर्यां हंकारो दियो।

“कटै गयो हो बेटा ?”

“होळी घोरियै।”

“होळी मंगळादी बेटा ?”

“हां दादोजी !”

“भळ कठीनै गई ही बेटा ?”

“आपारै गेत कानी...।”

“सेत बाया वेठा, जमानो हुवैला ।” कैवता वै इत्ता अकै सागं सवाल
 दूभणै सू हांफरडै चढ़ग्या । पप्पू रो हाथ वै आपरै हाथ मांय लैय राख्यो
 हो । सांस टिकावता भळै बूझ्यो—“आज थांम कुण निकाळ्यो ?”

“थांभ...?” कैवतो पप्पू खिलखिलाय नै हंस पड़्यो... “दादोजी,
 आज जोरदार मजो हुयो...होळी मिलगाया पछै केई ताळ हुयां लोग
 खाया-खाया थांरो नांव लेवता रैया । लाधूजी कठै, अरे लाधू बडो कठै...
 जणा मै कैयो दादोजी तो वेमार है नी...वै लोग पछै रोळा करण
 लागा...थांभ निकाळो भाई थांभ...दो तीन मोट्यार बळता भड़भोलियां
 मै कूदा पण हांय मुंडो बळता देख पाछा सिरक आया । छेकड लाठ्या सू
 भड़भोलिया खिडावतां खिडावतां थांभ नै नारेण बळनै कोयला हुयग्या ।
 उण कोयलै नै लाम लोगां कूवै रै कोठै मै नांख्यो...।”

“हरामखोरो थांभ नै बाळ नांख्यो ?” वै भचकै उभा हुवण चाया ।
 धिगता-धिगता साळै सू बारै आय हेलो पाड़्यो... “सुण्यो हरिया...ओ
 पप्पू कांभी कैवै...थांभ नै बाळ दिन्हो हरामखोरा...इण सू तो आछो
 हो...उभोड़ा मांय सू ई बळ जावतो कोभी...अरे कमीणा जाणो कोनी
 थांभ बळिया कांभी हुवै रे...थांभ नी बळ्यो है सैग गांव बाळां री हूणी
 आई है...” कैवता वै आंगणै मै माथो भालनै बैठग्या ।

“सगळै घरं रा देख रैया हा जाणै थांभ नी बाबोजी खुद ही बळग्या
 हुवै ।

आंगणै बिचाळै भीतां

छोटोड़ी बीनणी घर आवती ही पैलडो काम भाठा भिड़ावरोण करघो। उण चात्रगनेता री गळाई घर री धित नै आसगली। भाठा छेकण मे ही उण रो आपो सुघर सकै। बस ! पछै उणनै काई तेवड़णो हो ? पी'रें में ई उण घणो पुन्न कमायो, भोजायां नै टांकणै कर्योड़ी राखती। पी'रें में, बोछरड़ापणै आळै अंग-चंग बस्योड़ै तेवटै नै, वा सोरें सांस अळघो कीकर भेल दै ?

खावतै-पीवतै इण घर में कमी काय री ? पण वा आपरा करतव नी करै तो ओ भाखर जैडो जमारो किण भात सुघरै ? बीनणी नै जे आठाना रा किरचा ही मंगावणा हुवै तो कणां ही बडोड़ी जेठाणी रै टावरा नै तेवै तो कणा ही छोटोड़ी जेठाणी रै टावरा नै। दोनूं जेठाण्या देराणी री इण सुगली आदत मायै घणी ही कळपै, पण वा रै कळप्यां सूं वणै काई ? ज्यांरा पडघां सुभाव, जासी जीव सू...!

मासू-सुसरा तो रामजी रा जीव। पछेती मे आवतां धीजो धार लियो। किणी भांत रो कारो-कुटको हुवो, बां नै को लेवणो-देवणो नो। बां रै भवा घो री मूण ऊंधो हुवो चावै सित्तर करोड़ री माया भेली हुयो... वैं तो माळा-मणियै मे ही मगन। टावरो आपो साभ लियो तो मोह-माया नै परै कर दी। पाच टावर हुया अर पांचूं ही मुंडागै। सगळा परण्या-पाता। दोय छोरया आपरें सासरें में सुख-बसै। दोय छोरा आपरो न्यारो-न्यारो टुगारो चत्तावै अर एक छोटोड़ी हाल मणीजै।

दोनू भाई आपरो न्यारो-न्यारो विणज करै। एक रैं तो केनवास री

दूकान अर धीजोई रै लूण-पिसाई री घबकी । पण घर में एक चूल्है रोटी बर्ण । दोनू मोटोई भाया नै परण्यै-यातै छोटे माई री भणार्ई माथै की उजर कोनी हो । महीनै आळै दिन उणनै तो पोथी-मानड़ा अर जेब-सरची आळा मिल ही जावता ।

टावर, रोजीनै फोड़ा घावण रै कारणे, छोटोड़ी काकी सू छाटा लेवता रैवै । पण काकी ई किसी कम ही । उण जेद देख लियो कै छोरा काम करण सू मांय-रा-मांय नटण लाग्य्या, तद उण केई नूवा उपाय सोच लिया ।

छोटोटी जेठाणी रै छोरै नै बुसाय'र कैयो—“संतोषजी, ओ लो डोढ़ रिपियो । मनै दोय जाल गटथां लाय दो नी...अबार ही दोय कब्जा सीड़णा है ।”

छोरो ऊमो-ऊमो गुट्टी कुचरण लाग्यो । पछे आमै कानी जेवतो बोल्यो—“काकीमा, देखो नी मूरज मयारै आयोड़ो है, तावडै री इण भाय में मंगवाय'र काई करस्यो ? मिझ्या रा ठंड हूयां लाय देसूं ।”

उण जेठाणियां नै सुणावती उतावळी बोल'र कैमो—“ठंड हूयां काई माथै में लेवणी है ? ठंडै-ठंडै तो इण घर रो खोरसो ही कोनी नीवदै—खुद आळो खोटवी काई धूड़ काढ लेवै ।”

रसोई में बैठी दोवू जेठाणियां एक साथ ई चिमकी...देखो नादीदी नै ! किस्ती कूड़ बोले ? किस्ती खोरसो करै ? आखै दिन तो हाथ पर हाथ घरघां बैठी रैवै ।

उण भळै, छोरै नै, धीणती कम अर हुकम वेसी देवतां, कैयो—“जावो-जावो ल्याय छो नी लाडी—अबार आय जासो ।”

“म्हारै सूं तो इण लाय में की जाईजै नी ।” छोरो सफा नटग्यो । वो जावण खातर मुइयो ही हो, कै सामै बडोड़ी जेठाणी रो बेटो अगोक आवतो दीठो । उण हाथीहाथ, वो डोढ़ रिपियो एक आठानी भळै मिलाय'र अगोक नै पकड़ाय दी । वो काकी नै देखण लाग्यो ।

“जावो लाडी, उण आठानी रा तो किन्ना लेय लिया अर डोढ़ रिपिये मे दोय जाल गटथां लावणी है, उण मोड़ आळी दूकान सूं...जावां देखा, फुरती सू ।”

छोरो आठानी रैं लोभ में वेगो-सो न्हास्यो। पगो-पग ही पाछो आयग्यो “ल्यो काकी, ऐ गटधां !”

“ल्यो काकी ऐ गत्या !” दूजोडो छोरो, जाको उठै ही ऊभो हो, उणरी कूट कढाई।

काकी चिणखी—“क्यू, आभो थारैं ही ताण टिकयोडो है काई ?... कामचोर....!”

‘कामचोर’ सुणतां ही छोरो बिदक्यो—“मैं क्यू कामचोर...कामचोर हुबोला थे...ओ अशोकियो तो लिगतो मरैं...तावडैं मे गयो तपड़का मारतो।...ऐ तो थोडी ताळ में भळैं हुकम करसी...पांच पइसा री मिरचा, दोय पइसा रो तेल ल्या’र दिया अशोकजी...मनैं तो दूकानदार सू टकै-टकै री चीण मागतां ही सरम आवैं...अड़ोस-पड़ोस रा सगळों दूकानदार ओळखैं...हुंह...।” अर छोरो खबो मचकोड़तो वारैं निकळग्यो।

लाय-पलीता लागग्या बीनणी रैं। इण बिसोरैं रो बंट निकाळणो तो घणो जरूरी, पण इण रो बंट काढण खातर बीजोडैं सू वणाय’र राखणी पड़सी। उण हाकरता जेठूतैं अशोक नैं आपरैं नेडैं बुलायो अर माय ह्याय फेरतां कैयो—“वो सतोपियो तो गूगो सांड है, थे स्याणा हो। आ लो आठानी भळैं, कुलफी खाय लेया पण उणनैं दिखाय’र खावणी है, चिगा-चिगा’र...जैडो देखैं बँडी ही अक्कल आवैं। बापूजी लूण रो घघो करैं अर खारास इणरैं मूडैं जमियोडो...!”

छेकडली बात बा की आकरी बोली सो घर रैं मांय ताई पूगगी। संतोष री मा बिदक’र आई। उणनैं भाळ तो ऐडी उठी कै देवराणी री नम भटक देवैं।

“क्यू बहूराणीसा ! उणरैं मूडैं तो खारास है, पण थारैं मुंडैं तो पेंप रा फूल भई है नी...वाळू घसको आघो ही...कोई करीजै नी थारो गोलीपो...इसो हाळी चाहोजतो हो तो लावणो हो पी’रैं सू...टकै-टकै री चीजा खातर टीगरां नैं तगड़ बोकरैं !”

बीनणी रैं आं बातां मूं भावैं ही लाज नी आई। जेठानी रा ताना उण केई बाता सोच’र टगर-टगर सुण लिया।

अशोक री मा अवचळ ऊभी ही आंगणें । ऊण कनै दोवां सू ही अडवी करण जैडो की नी हो । वा भोरयां मुरै अर टोरयां टुरै जैडी ही है । घणी दारुन्दी कोनी । आखें दिन चूल्है-चौके सू खसती रैवें । वडी हुवण सू चौको उणनै ही संभाळणो पड़े । घर सूं बारै ही को निकळ मकं नी । एक छोटोडी बीनणी है जकी नै इण घर मे आयां बखत ही कितोक हुयो है, पण आडोस-पाडोस री मोकळी लुगाया सू जाण-पिछाण कर राखी है ।

संतोपी री मा तो आपरी बात कैय'र विले लागगी । थोड़ी ताळ में ही बारै मूं अशोक रोवतो, आख्यां मसळतो आयो । हाथ मांय कुल्फी रो बिता वरफ चिप्योडो धोचो लिया हो । उण नै डुसका भरता देख'र संतोप री मा वूझ्यो—“काई हुयो रे अशोक ?”

“संतोपियो मनै बिता बात ही कादे में पटक दियो अर म्हारी कुलफी खोस ली ।”

“कठे बळै है वो ?” कैवता वा बारणें सू बारै भाकी तो संतोप बारण कनै ही ऊभी हो । बावळियो पकड़'र घर में ल्पाई—“क्यूं रे, इण रै मारी कीकर ? चाल, माफी माग ।”

“काई बात री मांगू माफी ?” छोरो अटग्यो ।

छोटोडी बीनणी नै तो इत्तो ही चाहीजतो हो । वा सीवणो बिचाळै ही छोड'र बारै आई । अशोक री मा कनै मुडो कर'र कैयो, “ऐ किण री मांगै ?”

आ बात संतोप री मा आछी तरा सुण ली । पण अवार कसूर खुद रै टावर रो हुवण सू कीं नीं बोली । छोरे नै ही बकी, “चाल, मिला इण सू हाथ अर कय कै मनै माफ करदें ।”

“कैय दियो नी में कोई माफी-वाफी कोनी मांगू ।”

“कियां कोनी मांगै ? कसूर धारो है, माफी तो मांगणी ही पड़सी ।”

“में इणरै ठोकी जरूर, पण कसूर म्हारो कोनी ।”

“हूं-हूं, ठोकी ही ये अर कसूर ही कोनी ?” देवराणी भळै जेठाणी न चिगावती-सी बोली ।

संतोप री मा नै देवराणी री बात मार्ये भाळ, आयगी । वा कैवण

सागी—“थे पछै काई धाणेंदारी करो हो, में आपैं ही ऐकै पाणी न्याव कर देसू। म्हारें खातर तो संतोप अर अशोक एक-मा है। हूं किण री ही नी राखूं।”

संतोप री मा दोवू छीरां नै भाल राह्या हा—“हां, अब बता तूं इणरें ठोकी क्यूं?”

“इण ने ही बूझ लो।”

“नी तू बता।”

“ओ कुल्फी लेय'र आयो अर मनै चिगा-चिगा'र खावें हो पण में की नी बोल्यो।”

“तो...?”

“कुल्फी खायां पछै ओ घोचो म्हारें मामी कर'र कैवण लाग्यो, थारा जीसा लूण रो बीयार करै इण खातर थारी जवान खारी हुयोड़ी है, लें थोड़ी मीठी करलै।”

उण दोवां रा बावळिया निसकारें साथै छोड़ दिया।

छोटोड़ी बीनणी राजी हुई कै अशोक मा-बेटां रा मोर बळै जैदी बात उण रें मिखाया कैय ही दी।

बा अशोक नै माय लेयगी अर कूडिया आसू ढळकाया—“थे चित्था ना करो, इण ठोकणें री तो कसर काढ लेस्था।”

□

खंखारें माथें दोनूं भाई घर री कुत्ता-किवाड़ी खोलनै आंगणें में आया तो हरेक कमरें में चुपाचुप हुयगी। तीनूं भायां में गाढो सनेव। न्यारा-न्यारा धंधा करतां ही जीमण खातर मागैं ही घरें आवैं। छोटोडो भाई कोई डिप्लोमा खातर बारें गयोड़ो। तीनूं भायां में गाढो हेत। कदै ही दो जीम को हुया नी, इण करता लुगायां ई आंकस मानै, आपस में माठा मोरण री कोसिस नी करै। लुगायां री खडबड़ आंयण भरतारां आगैं बख्ताणीज कोनी। तीनूं लुगायां जाणें कै भाई-भाई आपरें टाणें घरम-घीमा है, इण रांडा-गिरथ री की गिनरथ नी करैला। पछै बकवाद

कर'र मुंडो कोझो करणन अर आपरो माजनो देवणन कुण तयार हुवै !

पण छोटीही वीनणी रँ तो घाय-फाय लाग्योड़ी ही । वा हरमेस रावा-पीवा'र अशोक नै एकदम आपरँ हाथवसु कर लियो । उणनँ सामीडी पाटी पढा नाखी केँ समझायँ मुजब काम कर ही देवणो है । अशोक उणी मुजब करधो ।

जीम्पां पछे दोवू भाई की ताळ आड-टेड करँ । अशोक तो मोको ही बूढतो हो । खूटी माथँ लटक्योड़ी, आपरँ जीसा री कमीज रँ गोजँ सू पांच रो एक लोट काड'र भट काकी कनै पूग लियो । काकी उण नै स्यावासी दी, "अवै बात उण लपरँ मुंडे री ...पण जद जेब में पचास अर पाच रा दोय लोट हा तो पचास बाळो क्यू कोनी निकाळधो ?"

"म्हारी तो हिम्मत नी पड़ी, काकी ।"

"कोई बात नी । पण, अवै ठा तो पड़णो होज है, इण वास्ते म्हारँ बतायँ मुजब ही करणो है...साची बात रो थारी मा नै ही भणकारो नी पड़े...सौगन है म्हारी..."

छोरो घूक मे आगळी कर'र कंठां अर माथँ रँ तीन बार लगावतो सौगन लेय ली ।

तावड़ें-तावड़ें आड-टेड करधां पछे दोवू भाई धधँसर जावण नै अड़-थड़धा । आप-आपरी कमीज गळें में घाल'र वहीर हुआ । छोटी भाई हाल बारणँ सू निसरण आळो ही हो केँ आपरी घिराणी नै हेलो पाड़धो, "अरे, सुणै है नी ! लै, पइमा लै । ऐ दूध-वाळें नै देवणा है । ऐ पिच्या-वन रिपिया दिया आज ताई रा चूकत हुय जासी । हूं अवार भूल ही जांवतो ।"

वो भट देणी आपरँ गूँजँ सू पचास रो सोवटधोड़ो लोट काडधो । उघेड'र देख्यो । अचरज सू जोयो-घरतँ तो कोनी पड़धो...पांच रो लोट गयो कठे...इण पचास आळें रँ बिचाळें ही तो हो...! इण तरां बड़-बड़ावतां वो धणियाणी नै लोट देवतो बूझ्यो—"जेब माथँ सू पांच रो लोट तू काडधो काई ?"

"थानँ बूझ्यां विना थारी जेब मे कदे ही हाथ घाल्यो हो काई ? जरूरत हुयां थां सू ही माग लेवती...मनँ लागै लारै ही कठे-न-कठे नाख

दियो हुमी ।”

“यारो मिर ! नाखतो तो पछे पचास बाळो सागै नीं पड़ जावतो ?
इण रै बिचाळ हो वो ।”

हेला पाइ-भाइ'र सगळें टावरं नै बूझ्यो । सगळा ही अणजाणपणो
दरमायो । छेवट अशोक नै बूझ्यो तो उण ई नकारो देय दियो, पण होळै-
सी एक टुणकनी ई नाख दियो—“थे सूता हा जणा संतोपियो रिपियै-
रिपियै आळी कुलपयां खाय रंयो ही ।”

“कोई बात नी टावर ही तो है ।”

वो दूकान कानी टुरग्यो । छोटोडो भाई पैला ही गयो परो । अब
लुगायारै इण चोरी री घणी हुल-हुल हुयमी । चोरी री सगळी तुम्मत सतोप
माथै आय पड़ी । छोटोडो वीनणी ई साख भरदी कै जेठसा सूता हा तद
सतोप खूटी कनै खड़ा हा । अशोक पैलां ही कैय दो ही कै वो उण नै
रिपियै-रिपियै आळी कुलपयां खावतै देख्यो हो ।

अबै तो इण चोरी री घणी ही गिरथ माची । सगळा ही जद संतोप
नै चोर ठैराय दियो तो उण री मा रै टो'मो पडग्यो कै कठै ही ओ
साचोणी चोर तो नी है ? घर री बात गळी ताई पूगगी कै आज सतोपियो
आपरै बाबै री जेव सू पांच रो लोट काढ लियो । उण री मा ठगा-पोटा'र
बूझण लागी—“बेटा ! ओ काई करियो ? इया कुलपयां खावण खातर
चोरी जेडो नाजोगी काम क्यू करियो ?”

छोरो सूनी आख्या सू मा रै सामै जोवतो बोल्यो—“मा ? तूं ई
ऐडी बात करै ! मैं कुल्फी खातर रिपियो स्कूल री बचत बैक सू कढ-
वाय'र नायो हो...मनै तो अशोक नै दिखावणो हो कै तूं आठाना री
कुल्फी खावै तो मैं एक रिपियै आळी खाय सकू ।”

“मा-बेटा कैडा सचवादा बणै ? अबार लावू मनू री मा नै...वा
आखा देखै अर उणरै मुंडै पितरजी ई बोलै...अबार कूड़-साच चवड़े
आय जामी ।” छोटोडो वीनणी बिचाळ ही बोली ।

छोटोडो वीनणी भट करती मनू री मा कनै गई । उण नै बताय
आई कै मगळां रो वैम तो संतोप माथै है । आज वो आं पइसां सूं धूपेटा
उडावै हो । पण चोर अर उणरी मा इण बात नै कद सदरै ? सिझ्या रा

पांच बजी थाने आवणो है आखा देखण नै...।

सिझ्या दोवूं भाई धरै आवै तो न्यारो ही नजारो। घर में लोबान
री सुगन्ध खिडघोड़ी। मनु री मा सेर-एक गवा कानी जोवै अर सामे
जगत दीवै री बाट नै ई ऊंची सारती जावै। पछे जोर सू बड़क दीवी—
“चोर पारको कोनी... घर में ही है...।” अर वा तीन-ब्यार मवेरघां
दीवी।

तीनू लुगायां हाथ जोड़घां धर-धर धूजण लाग रैई ही। तीनू
ही खयावली-सी बूझ्यो—“कुण है म्हारज..... नांव बतायां ठा
पड़ै ती !”

“बूझो काई हो बिचोटियै आळो छोरो है... बिचलै रो बेटो...।”

बड़ोड़ी अर छोटोड़ी बीनण्यां रै चे'रा पर चिलक बापरगी पण संतोष
अर उणरी मा रै मुडै री रंगत उतरगी। अब तो वा ई आपरै बेटे नै चोर
मिदर लियो हो, पण पेट रै फरजंद नै कियां डंडे ? टाबर है... चोरी कर
ही ली हुवैला !

घोड़ी'क ताळ मवेरघां खाय'र मनु री मां तो आखां नै बाघ ओढ-
णियै रै पल्लै अर आपरै धान-मुकाम गई परी।

बिचलै भाई नै बात री निगै नी हुवण सू ओ सांगो समझ में नी
आयो। भाई नै बूझ्यो तो उण टाळ दियो कै टाबर है, कोई मूल हुयगी
हुमी, की कोनी।

पण बात किसी छानी रैवती ? अब वो सगळी बात समझ्यो। उण
लप करतो संतोषियै रो हाथ झाल'र एक रैपट जड़ दी। छोरै रै होठां सू
खून तिड़क्यो।

“माळा इतै मान रो ही चोरी करै ? ... आज तो मारघां बिना नी
छोड़ू...।” वो उणनै बोझै ढालै कूरण लाग्यो। संतोष रै डीडावणै सू
अशोक रो बाळ-मन ई आपरो घोजो छोड़ दियो। उण दैख्यो, इयां तो
काकोसा संतोष नै मार नाखसी।

छोटोड़ी काकी रो हाथ आपर खंवे पर सू छेड़ करतो के चिल्लाये
“मै बतावूं काकोसा... !”

સગલ્લા ચિમકયા પળ છોટોડી વીનળી લપ કરતી આપરો હાથ ઝળરે
મુઢે માયે ઘર દિયો ।

વિચોટિયો ભાઈ છોરે ને છોડ'ર હારઘોડે જુવારી વાંઈ આંગળે સૂ
ચાલ'ર કમરે મેં વડગ્યો ।

વઢો ભાઈ ટુકર-ટુકર આંગળે રા તીન ફાડ હુંવતા દેલ રેયાં હો ।

संतोख

खेजड़ी रें च्याहमेर फँरो दियां पछे लुगायां अकर भलें भ्रूण मुंडी कर'र सुरजी नै हाथ जोड़धा अर पछे आप-आपरी जूत्यां कानी लफण लागगी ।

“पाणी रा गड्डिया कांओ भरयोडा पाछा थोड़ा ई ले जावणा है ।”
अक अधबिचैरी-सी बीनणी आप सू कीं बड़ी बीनणी नै मुळकतां थकां कैयो ।

बड़ी बीनणी भँपगी । हाथ में भरियोडो गड्डियो भट देणी खेजड़ी रो जड़ा मे उंधा दियो ।

“ले देखोक हूँ ई किसीक भूलोकड़ हूँ, अरध रो गड्डियो हाथ में लियां ई उभी हूँ ।”

पंथवारी रें इण खेजड़ी हेट, आसचोथ रें बरतरी कथा सुणन आई पांच-छवू लुगाया में दाय अधखड़सी हो अर तीन नैनी बीनण्या । उणरी गड्डियो नी उंधावण री भूल माथे सगळी ओकै सार्ग हेंसी अर कैयो—

“आ बालनजोगी है ई भूलोकड़ ।”

“जणै ई तो आई साल आस माता आनै भूल जावै ।”

बीनण्या मांय सू जकी भरियोडो गड्डियो अखरावणवाळी ही उण कैयो अर कैय'र आपरी जीम नै बोचली । जीम बलें हाड मांस वायरी हुवै नी जचै ज्यां बोलज्यावै । आगलै माथे दावै जियां बीतो । पछे तो उणनै ई धणो पछतावो हुयो, उणनै अड़ी अकरी बात नीं कैवणी चाहिजै । पण अचै

तो कैयीजगी जकी कैयीजगी । तरकस सू छूट्योड़ो तीर पाछो कीकर आवै ।

भूलोकड़ बीनणी रै मुहै रो पाणी स्सो उतरग्यो ।

“भाग-आप आप रो, वापड़ी आस माता माथै किस्सो जोर थोड़ो ई है ।”

आ बात कैवतां बा रोवणखाळी-सी हुयगी ।

अेक बीनणी जकी अवार ताई बोलवाली ही । उण सूं भी अंठी अणखावणी बात सँयीजी नो ।

“थानै जिटाणीसा कोई सू कदै ई सूबो बोलणो आवै है काभी ।”

बोलाळ बीनणी रै चेहरै माथै अपराध बोध भळकै हो । गेलै मे तीनूं ई बीनण्या घरै आई जठै ताई चुपचाप ई आई, अर कनै-कनै रा आप-आप रा फलमा मे बहगी ।

□

फूना जड़ियो औरणो उतारती बगत उणनै घणो दरद हुयो । उणरो मन तो करै बा उण औरणै नै उतारै ई नो पण उण कनै अेडै-टाकलै ओदण खातर ओ एक हीज औरणो है अर एक हीज पूणी दो मरी रो हारियो । वरत री कहाणी सुणन नै जांवती बैळा उण आ दोबा ई चीजां नै घणै भाव सू पैरी ओढी ही ।

हारियो खोल'र उण देख्यो-डावै कानलै फूल रो अेक नाकी तो सफा ई घसीज चुक्यो हो । भळवाणो पड़सी । 'तारै आने केयो हो, भळवाय'र लाय देया । इतो ई धिनक नांव है, अेडै-मेडै पैरण जिस्सो रैय जावै ज्यू । पण म्हाारी रांड री कुण सुणै है । केवै-कोई ढंगरो सुनार मिलै तो भळवाऊ नी । अठै तो सगळा ई नकां जोगा है । भळआई-भळआई मे सामै बैठ्या री आग्या मे धूड़ नाख देवै । अेकर डोरै सू बांध लै । कणै ई बख पडसी जणै भळवाय देसूं । आनै अबै कुण समझावै, नाकै री भळआई-भळआई में आगतो खा'र कोई सगळो हारियो तो खावै कोनी । तुम खण राखसी जको तो सोनार री जात सू रैयोजै कोनी, मर्या ई छोडै नी ।

उण नै अंक बात चेतै आय'र हेंसी आयगी ।

आप काल रै दिन हारियो अडार्ण मेल्यो हो, जणा जात रा तो घणाई ब्रामण हा पण पाछो छुडवाय'र लाया जणा बिचलै फूल हेटला तीन घूघरिया कोनी हा । अे तो ग्यासै दाई लियाया, हूं कैयो इण में तो नीचली फाकडी सू घूघरिया निकळ्योड़ा है । नीची दूढ घातली । फगत इतो ई कैयो—“करसी जका मरसी 'भ्हारै सू तो अबै जाय'र इयां को कैयीजै नी कै थे इयै मांय सू घूघरिया काढ लिया । आगलो सीधी नाक मायै खळकावै हा । म्है काढ लिया घूघरिया, ई वापड़ै महुकार कानी देखो रै । अठे सोनो नांव रा दरमण आज अिण ई कराया है । हुवा तोड लिया तो फूटा चांरा । हू तो बुहार बिगाड़न नै जाय'र कोनी कैवू कै थे पिडतां हारियै रा घुघरिया तोड लिया । बळो आगा-मोगो ! ब्याज ई भोग्यो है नीं महीना वारै रो । आनलै तरनाट करतो तीन रिपिया सैकड़ै सू लियो है नी । हाथी तुलै बठै गधेड़ा काण में जावै । मिनखा सरीर रै काम पड़तो ई रैवै । आं रो कांभी, आज घसकायोडा हुवै जणा काल पाछा किसै मुंडै सू जावां । चीज मैल'र भी पर्ईमा देवण नै तयार कोनी हुवै—“ना भाया, भ्हारो तो घणो ई मोनो देख्योडो है । भळै थारै काल नै घूघरिया तूट जावै । इसी जगां मुडो फलको सो कर'र रैवणो पडै । गरीब रो घोरको कर्यां जोर कोनी चालै, पेट मोटो करणो ई पड़ै । गरज आपरी हुवै । अेडा-मेडा तो चावै गरीब हुवो चावै अमीर सगळा रै पड़ता ई रैवै, अर अेडै-मेडै मे आनै सिवरणा ई पडै ।” ले...बीरा...हूं...ई कांभी कांभी सोचण लागगी । काम नै तो मोड़ो हुय रैयो है.....पडी हारियै रै सोच में दूबळी हुवण लाग रैयो हूं...गडको लैय'र आवण ब्राला व्हेसा अजू रोटी टुकड़ै री कोई तजवीज ई नी है ।

उण हारियै नै अंक डब्बी में धर'र काटीज्योड़ी सिदूक में कपड़ा रै हेटै घर दियो ।

‘चा साळ सू वार आई जितै में छोटीछोटी जागगी ही । गूदडां में बंटी छोरी ठिणकण लाग रैयी ही । बडी ही बडी छोरी सायर उण नै मुळावण में लाग रैयी ही, पण मां नै देख'र अर की दिनुगै-दिनुगै उठतां ई आपरी बाण रै मुताबिक सायर री मुळाई रैयो कोनी तो उण कैयो,

“मा बैन नै ले, आ म्हारें सू रैवें कोनी।”

“आवू बेटा आवू, आज तो कहाणी सुणन नै जावण सू सगळा काम रैयग्या। फूस बारी कढ़ी नै कोई बंट चंटो चढ्यो, पाणी बाळो तो अबार कूवो बंद कर देसो, पाणी नै न्यारो मोड़ो हुयग्यो, धाने स्कूल खातर न्यारी तयार करणी है। वा संतूड़ी कठीनै गयी?”

“बा तो उठतां ई बारें गई मां सेलण नै...।”

“हुवा गई तो बा किस्सो काम करै है केयोड़ो। अळवादण है बाळण-जोगी, कुदड़का रै सिवाय की चोखो कोनी तागै बीनै तो। घड़ी स्यात ई दीगरी नै ई राख लेवै तो, तू तो कीं स्मारो देवै नी...?”

“बुलाम'र लावू काअी मा?”

“नही रैवण दे। वा पड़ी बुहारी, तू थोड़ो आगण रो छीछो काढ़ दे... वितै हूं इनै बोवो दे देवू...।”

छोरी मां री गोदमा मे आवता ई दापळगी।

मापर आगण री बुहारी काढती जावै ही। आंगण रै बिचाळै राती अर घोळी माटी सू वणायोड़ें चौक माथै उण अघर-अघर बुहारी फेरी। चौक अबार होळी माथै उण री मां वणायो हो. अर उण नै वो आगण रै बिचाळें भोत चोखो लागै। छोरी हाळ नवू साल री ई नी हुयी ही पण समझणी किती। सगळें घर रा कंवळा वणाया तो मां रै सागै आफळी। किस्सो ई काम हुवो, बख नी पड़ो पण लटूमण नै तयार रेवै।

मां सायर नै फूस काढ़तां हिवळास सू देखण लाग रैयी ही। सागै ई बोवो लैवती छोटोड़ी छोरी रै कंवळा भूरा बाला मे ई हाय फेर रैयी ही।

सायर आंगण रै दिखणादे पासै वणायोड़ें भूपड़ें रा खिरयोड़ा डोका नै बुहारी छेड़ें मैल'र मैळा करण लाग रैयी ही। उण भूपड़ें कानी गेहरी दीठ सू जोय'र आपरी मां नै केयो—

“मा भूपड़ें री छावण अबै नूवी करावा जद हुबै, अे डोका तो मुरण लाग्या !”

“थारै जीसा नै केयो कै सरकंडा मगवावो भूपड़ो छवावा ज्यू।” कंवता उण बोवो देवती छोरी सू बोवो छुडवाय'र आगण मे बंट्य दी।...

कनै की गड़-गुड़यां री खाली पेट्यां, जिणा में थोडाक-थोडाक गुवार रा दाणा घात'र मैल दी। घाप'र दड़ादोट हुयोही छोरी रमण लागगी।

“सांयर हूं पाणी लियावू, फूस तो कढग्यो। छोटोड़ी बाल्टी सूं पाणी काढ़'र बटैड्यां में घाल दीयो अर बटो ऊर दीयो। पाणी घणो नां घाली, पड़घो इया ई ऊफणैला। खात आली हुयगी तो बटो सिझ्या ताई को भिजैला।”

छोरी हां रैं लटकारे में नम हलादी तो वा इठूणी मिर मायें धर, पड़ियो मोड़ सूं वारें निकळना सिर मायें आडो धर लियो अर बहीर झुयगी।

गेन में वा मोचण लागगी—

लुगायां किती मटवोली हुवैं...छोरो-छोरी किस्सो मिनख रैं सारें हुवैं...काल म्हारें साम परणीज'र आई। भिडतां ई एक टिगर कैं हुयग्यो फुलोज पिट्याळ हुगी। ‘आम माता भूल जावैं...और कोई माता भूल जावैं, बातां किती आवैं नादीदया नैं...।’

फेरूं दिस्मां जावती कैवण लागगी...म्है तो म्हारें एक टावर और हुंवता ई अपरेमन करवाय लेस्या घणें कीखाटें में काअी पड़घो है। अब ई करवावें नो कुण पालें है तनैं...गरम वाय'र्यां हर कोई नैं चौबको देवण ने त्यार रैंवैं...।

कुवें मायें छीड़ ई ही, उण वेगी सी घड़ो भर्यो अर बहीर हुयगी। झुगाम्या छीड़ हुवो चावें भीड़ सागें नैं उडीक बोकरें, पण वा तो को रावकी मे नी कोई देवकी में। मरड सरड़ गई अर आई। दूजी लुगायां जिती हलर-फलर वी नैं आवें कोनी।

घड़ो लैय'र घरें आई तो उणरो मोट्यार गाडी सूं नारो खोल रैंयो हो अर मायर संतूड़ी नैं मिनान करावण लाग रैंयी ही।

‘मोडो हुयग्यो अबार एक घड़ियो ही त्थाईजसो बाकी, सिझ्या ल्यासूं, अई ई गड़को लैय'र आगम्या, अठीनैं छोर्या नैं ई जीमाय'र स्कूल भेजणी है।’

वा रोट्यां पोवण लाग रैंयी ही। भघाराम हाथ मुंडो, धोय'र रसोई

मे आयग्यो । रोटी रो मुगंध सू उणरी भूग ह्य जय मू घनी वपगो उम
मू कयों बिना नी रंथीग्यो ।

“रोटी बेगी सो घाल...आज तो भूग अकरी करटी लागी है ।”

“आज इती अकरी कियो लागी ?” वा मुळकनी साम्ही भारी ।

“काभी ठा ।” केवता उण पाळो गमछे सृ पूंछ'र सामी घरदी ।

“किता गइका नाग आया ?”

“दोय गइका ।”

यो जीमन ने रोटी मैय'र बेटयो ई हुवमा के बाग मे जोरदार रोओ
माग्यो । मागे ई सुगाया रो कूकनो अर मागे मोट्पारा रो हाको । पन
भर मे ई हाव लीवा गी मचगी । यो उठ गइयो हुवन ने हुयो सो उण
पाछो बेटाय दियो—

“बज्जन्द्यो नी पारी काभी तेरे, ये पारी रोटी जीमांजी ।”

“ठा तो कम् चुन गटे है ?”

“ठा हुयोरो है गमकिगन बायोत्री रा बेटा सटे ।”

कारे सो बिपेटियों छोरो मा ने धरको देय'र पटक मागी, बायो
पनी किराई... रोथन जोगी या पाषा ने अे निन देगन माग'र मोटा
कइया हा काभी ? पन बात्री मे पृपाटी रा बटे नाका मागे ।”

बाग तो बागरो भा रो कळी देय'र पाषा निन हुवमा बेटा रे
मागरे मयो पयो, भी गमगहा मू मायो चुन मगाये, माई हाव मोछा
कइयाग मिया...बहिवात्री बाग बाग गटे बेटा रे सुमान मे भरलीज्या
अगाग निरे...पगमू कोई गरी गरी गूछे ई जग केवा हा...पाषा है गमगी
मगगिग हा...।”

मुदाई रे रंथन रे अडाव माये कइयाग ने जीमन-योमन ई हैनी
बागले ।

—हा इत माय हेकला रो काभी बाग है । मुदाया गइयोनी पनी हुवे,
पन मुदा कइयाग देवे । योय नीन पागइया ई है काभी ? —जानी छोराय
कोई पन मू गरी ।”

कइयाग ने जीम बाग मू हेमो अइयो । पननी हैनी मे नरंथन रो
चपा मागे मुदाई हो ।

सौदो

जोगलिया रं नेई आंवतां-आंवतां सुरजी कसमल हुय'र धौरियं सू नीचं कूदग्या । उण पसवाड़ो फोरनै, च्यारुं कानी, उवासी लैवतो थकां जोयो । फेर मन ही मन बड़बड़ावण लागग्यो—'ओजू' तो जोगलियो ई आयो है (तळाव) फेरुं दुकोसां पछै मयाणियो अर उणरै पछै मणकार । मणकार ओजूं तीन कोस छेई पड़घो है, मणकार पूगतां-पूगतां समक आधी ढळ ज्योसी । पण छोड़ो, जोगलियं सू तो अबार गुधळकै-गुधळकै निकळ जास्या । अठे साळां डर फेरुं बतावै है ।' वण अक चिमकोर नीजर जोगलिया कानी फंकी ।...जोगलिया री पाळ माथे मुस्तैद 'इरणा' उणनै भूत सू कम नीजर नी आया । उण सोच्यो...अठीनै देखू ई कोनी...घणो डरणं सूं ई भोताड खड़घो हुवै । अबार एक सेतवाई री ओजूं रैयी है आ डेहरी, अबार निकळ चालस्यां...इयां मोच'र बण बळघां री काछ बिचाळै हाथ घाल्यो अर टिचकारी दैयी, पण सीलियै-घोळियै री चाल सागण रैयी । बो बळघां रै माठैपणं माथे जाड़ पीसण लागग्यो । साळा दोनूं ई घरम भाई है । आजलग कोजी पचासूं मौदा कर लिया पण बड़ा माठा बळघ तो दैग्या ई कोनी...पण, किता दिन रैयसी ? आगली गोपवाड्यू रै मेळें में निकळ देसू साळा नै ।' 'इण रै सार्थ ई उण सीलियै रै अक घुदं री मार नांखी अर बड़बड़ायो—“मर साळा कदै ई तो खातो चालण री 'सोगन भांग लिया करो ।' ”

। . सीलियै-घोळियै, माथे धणी री बातें रो रती भर ई असर नो पड़घो-

पण ऊट्टा मोषण सांगण्या—‘तू गाळो गाटियो मोशगर म्हानें गातो घनाय गकें है कं ? गूटो हरामी। विनरो ई नेम मूं घणी नी बम्पो। कूटनी घामटी अर निकाल काड्या दूजी ठोइ। कपरो भी बस्ती मूं माग-मूगंर नारें अर फेंहं गरपट घाम ग्यारी नारें।’

इयात पो बळघां गी मनगत भावग्यां। गाडी रें मूअें विषाळें बंठी ‘दुरगली’ सू बोह्यो—“ले, तू थोडी आगीनं आयंर बळघां गी राम पकटलें, इनरें में हूं अेक कामटी तोइ ल्यावू। अे इयां ई घानग जोया मोनी।”

दुरगली इणगत बंठी रेंयी जाणं कानी रें टाटा सगायेंडा हुयें।

“गुण्यो कोनी...गोपो पडज्यासी...अर ओजू ताई दुकोमो ई नी आयो है। एक तो घारें वाप हरजीई द्याई दिन आयवा दियो, अर फेंहं अे मादरका काइ बळघ टको पावद्यो भर रेंया है। ले राम से। हूं कामडी तोइ ल्यावू ?” वो बळतो-भूजतो मो बोल रेंया हो।

वा इण घार भी की नी बोली, पण वण जबरदस्ती राम उणरें हाथ में मलाय दी अर अेक खीप कानी लेंफयो।

वो खीप कानी लेंफ रेंयो हो अर उठीनं दुरगली जकी सासी ताळूं साम मोस्या बंठी ही, नैहचे सू सांग लियो। फेंहं घूंघटें री अेक कोर उटायंर खीप कानी जोयी। सीलो करम खीपडी हो। वा सोचे ही—“हरामी ज्यू ही सांपई मे हाय घानें, परडोट डस ज्यावें। राम मार्यो।”

अठीनं वो खीप री डाळी तोइतो सोच रेंयो हो। “हरामजादी आ दुरगली भी किता टसुआ कर रेंयी है। छिनाल काठी-काठी फेंहं हुय रेंयी है। विहदू काको केवें जकी बात साव साची है—त्रिया नें त्रास मली... राजा भोज जे भाणमती नें त्रास नी देंवतो तो ? वाप रो मघावणो, रडार रें लारें भाटें रो हुवण जाय रेंयो हो पण, आधीटें मे अकल आयगी... लगायी तीन-ब्यार हरी बेंतइघां कें पाधरी हुयगी भाणमती। दो-ब्यार हरी कामइघा लगाय सू तो आ तो कें इणरी छियां सीघी हुय ज्यासी।’

वो कामइी लेंयंर आयग्यो। गाडी मायें बेंठतो बेंळा भी उण दुरगली कानी जोयो हो। दुरगली लाल कपडो ओढायां, घान री बोरी हुवें ज्यू बेंठी ही, नी तो चुसकणो अर नी ही मुसकणो, दुरगली रें इण मूकपण

माथे उणने फेरूं रीस आवण लागगी। पण उणने रीस दावणी पड़ी। बयक ओजू रस्तो खासा ही बाकी पड्यो हो, अर फेरूं सोपो पडने रें नजीक हो। बण पूछ मरोड़'र नीलिये-घोळिये रें लगोतार तीन-तीन, च्यार-च्यार कामड्या फटकारी। कामडी लपूसडां बायरी हुयगी, पण बळघा री वणकार में तो मामूली मो तेंजी बापरी।

चिरचिर्याट्यां री भिणकार में वधेपो हुंयतो जाय रेंयो हो अब तो उणने आवडी अंक सू तो ज्यादा की नीजरां ई नो पड रेंयो हो च्याहूं कानी रात रो काळमस वधण लाग रेंयो हो। दुकोस री घोरियो अंक रेत-वाई माथे ओजू रेंयग्यो हो। दुकोसो स्याळिया री टेकरी रें नांव सू नांव जादीक घोरियो है। उणने स्याळियां सू तो डर नी लाग पण न्हार वधेरा मूं बो जरूर डरें। बो सोचण लागग्यो। अजें तो चेत चाले है, लोग ओजू फोग काटण नें ई नी आय रेंया है। जे कोअी एकाध आवतो ई हुबेला तो सिझ्या सू पै'ली-पै'ली फोग टाच'र चल्या जावें। रात वासो कुण लेवें है अठें। असाड उतरतें तो अठें ई मुन्याड कोनी रेंवें। च्यानणा फळकण लाग ज्यासी पण अवार तो काग पडें है अर कुता भूसै है। बोळ बतलावण सू रस्तो सोरो-मोरो कट ज्यावें, पण आ दुरगली तो वरण गुमसुम गांठडी वणी बंटी है।

बण बतळावण री गरज सू पूठ मोड़ने दुरगली कानी जोयने कैयो "दुरगली..."

बा फेरूं चुप रेंयी।

उण फेरूं बतळायी—'मुण्यो कोनी? ...में तन्नै बतळायी है मलो। 'सू sss ओ जको मून धार रेंयी है, ओ धारे ई कोनी पोसावैला।'

इण बार भी बा चुप रेंयी, पण गीडा ऊपरां बांधोडा हाथ छोडणें सू लाख री चुड़्या जरूर बाजी।

उणने फेरूं रीस आवण लागगी। रीस सू दोलडो हुवण लागग्यो दुकोमा री ढलांत उतरतें उण बळघा रें तीन च्यार कामडी फेरूं फटकारी। इण दक्का ढलांत हुवण रें कारण बळघ भाजण लागग्या। बो जाड पीस तो बोल रेंयो हो। गाडी रें धक्का रें कारण उणरी बात बोटीज-बोटीजनै पूरी हुय रेंयी ही।

“दुरगली...घा...आ...रे...अ...में...घ...घणा फोड़ड़ा पड़ैला...
...न...अ...तो...तू...ऊँ सगळा...ट-टसुआ भूल...ज्यासी...तूँ म्हारे
सू राजी रजा रैयसी तो अच्छन-अच्छन राख मू, पण धारा तो तीरा हणै
ई मुर्मड़ा सा लागै ।”

“तो तू कांभी तीरा सुधार देसी ?” दुरगली बोली ही ।

वण खीरा बळती आख्यां सू दुरगली कानी जोयो, अर जाड़ रो कटीङ्ग
उपाडघो ।

“अच्छ्या; छिनाळ रै ई जीम उग आयी ?” फँर की नँहचो वपरा—
यता बोल्यो—“दुरगली लगाय'र खावैला तो घर बसतो जावैला, राजम
करैयो मारी उमर, बी हीजड़े हरजीड़ रै घरँ कांभी पड़घो हो...मुत्ता
टुकटा सू माथो भांग रैयी ही । अठै ईसर री दया सू सी मुख है ।”

उणरँ मोळा बोला सू बा की ठंडी पड़गी । बोलता थका उणरो गळो
अक गेहरी ठेस पाळें पिछतावै सू भरीजयो ।—“रामूडा तू म्हारँ तूं
इमो कै अणूतो मुख पाय लैसी ! धारी आ अनीत भगवान तो देखतो
हुवैला ?”

उण गुमान सू खूवा मचकोड़या ।

“की कोनी देखै भगवान । हू तन्नै नातो कर'र ल्ययो हू ।”

“इणनै तू नातो केवै है कै ?”

“क्यू तो और कांभी है ?”

“किणरी ई निवळाई री बेजा फायदो उठावणो है । पण चाल कुन्याव
की न्याव तो वो ई करतो हुवैला ।” उणरो ओ हार्योड़ो फँसलो हो ।
विगत नै याद करनै वा मुबकण लागगी । रोही इण री सुन्याड़ में उणरो
सिमकणो उणनै दर ई दाय नी आयो । वो दकाल पड़घो ।

“दुरगली बंद कर अे टसुआ, हू घणी ताळ सू सैय चुक्यो अे सब;
छिनाळ धारी मा ई कदैई पतिमरता बणी ही कै ? कै मिलतो हो तनै उण
हरजीउ री कैद में । हूँ उण कसाई नै जणू कोनी कांभी ?”

“तू फेरू उणने कसाई कैयनै पराछीत चढाय रैयो है ।”

“हा-हा चढावूँ हू पण घणी तरफदारी मत करना उणरी, गंडक री
आख जैडा सईकडा तीन सी बाळनै आयो हूँ इया ई कोनी ल्यायो ।”

वा बेबस हिरणी री ज्यूं खाली आंखियां उठाय'र रेंगगी। हरजीड़ री पारिवक मुळकण उणनं खारी जै'र जैड़ी लागी। वा मांय री माय बठीज'र रेंगगी। वो परमोइ छांट रेंगी हो। "हूँ तन्नै हरजीड़ री कंद सू निकाली हूँ। तू जीवण पड़ग्यामी।"

"तू मनै कंद मे नाख रेंगो है।"

"तू...ऊँ...अ जका वाता रा नश्तर खुमाय रेंगी है, अे वारं ई नी पोमावैला हूँ तन्नै सोरी राखण मारु ल्यायो हूँ पण इण हैवाना सू खोटी दुस पावैला।"

"दोरी राख'र मार ही तो दैमी? जीवणो किण नाजांगी है।"

"अच्छ्या तो आ बात है?...जीवणो कोनी तो कन्नै ई है मूरमागर कूबो, बांध पोट'र नाख देवू? मुरजो कुम्हार इण में ही पड़नै मर्यो हो। उण नैली तू ई रल्ल जायी।"

"तन्नै परमोइ छाटण अर पोट बाधण री जरूत हो कोनी पड़ै, मन्नै पड़नो आवै है।"

उणरा अँड़ा निश्चैभरिया बोन भुणनै वो मै सू कापण ना तो सोचण खातर जरूर मजबूर हुयग्यो। उणनै बात संभालण मारु जवरन घोर घरणो पड़घो। अवै उण की जबाबदारी नी करी। वो खोड़ री चुप्पे मारै घुल्लग्यो। च्याव-च्याव करती चिराट्या उणनै अपरोधी लाग रेंगी हो। अवै ये मथाणिये सू निमर रेंग हा। मथाणिये परलै धोरै सू मणकार रो च्यानणो साम्हो दीख रेंगो हो। बावन घरां री बस्ती मणकार री किणी ब्राह्म नै उलांघतो च्यानणो टिमटिमावै हो। उण अदाज लगायो अजै समक मोपो तो नी पड़घो है। रावळ री कोटड़ी रै मुंडागं हुवण वाली हताई अजे खोडी नी दीसै?

वण उतावलल करण मारु, बल्ला री काछ बिचाळै हाथ घाल्यो अर बड़वड़ायो—"अँ मुसरा, जै इया ई बीद पगलिया करता रेंग तो घड़ी दो घड़ी मे ई गांव नी पूग सकाला। अर तदताई तो साव सुन्याड़ हुय जामो।" वण पूठ मोड़'र देख्यो—दुरगली खामोशी चवाय रेंगो हो।

दुरगली भी उणनै कनस्या सू जोयी, उणरै चेहरै माथे धिरणा लै रायगी। पून री फटकार सू आघे बैठै रामूड़ रै कानां मे लगाया; फोवां

रो मेंकार, उणनें सुगंधी रें बजाय दुरगंधी लखाय रेंयी ही। घोळा-धुप फपड़ा में सजंडो रामूडो उणनें शैतान निजर आय रेंयो हो। वण 'पिच' करनें धूक दियो। वण आख्यां उठाय'र घणी हूंस सूं अळगैताई जायो। उणरें सीतूडें रो गांव 'पूनरार' अवें घणो लारें छुटग्यो हो। भोत घणोलारें।

गवरु, पण साव भोळें सीतूडें रो चेहरो उणरें आगे ले'रायग्यो। जाणें वा सीतूडें नें कैय रेंयी है, उणरी ठोडी पकड़नें—“सीतूडा ओ आपणी जात में सौदो क्यू हुवें ? और किण ई जात में तो नी हुवें; कांभी घणा काळा खाली आपा हीज चाब्या हा ?”

वो हेंमतो थको भोळेंपण सूं कैंवतो—“इण सारु हूं, कांयी जानू मन्नै तो खुद नें भूभल आवें, पण परापरी रो चलायोड़ी रीत नें कुण तोड़ सकै ?”

“सीतू थारें में भोळें अर डरोकरा दोनू गुण लखावें।”

वो खाली मुळण नें रेंय ज्यावतो। वा फैंहें कैंवती।

“मनै ई कोअी सौदो करनें लेयग्यो तो ?”

“लेय ज्यावें तो लेंय ही जावें...” वो धीरें सोक कैंवतो।

इण बात रो निस्तारो खुद (दुरगली) कन्नै ई नी हो कैं कोअी उणरें सुमरें हरजीडें नें पइसा रें लालच मे नांख'र उणरो ई सौदो कर सकै है। वा मायरी मांय अमूज'र रेंय ज्यावती, सीतूडें सूं करियोडें खुद रें सवाल माथें।

उणनें वो खोटो दिन याद आयग्यो, जिण दिन ओ रामूडो उणरें फळमै आयो हो, वा बळघा नें नीरणो नीर रेंयी ही। उण दिन वा नूंची काचळी अर कसूमल ओढणी में सजंडी ही, रामूडो उणनें अक निजर सूं देखताई उण माथें रीभग्यो। उणरें हाडोहाड उणसूं सौदो करनें री जचगी। होको पीवतें हरजीडें सूं उणरें सौदे वावत बात टोरी। हरजीडें उण सूं पाच सौ मांग्या पण आखर सौदो तीन सौ में तय हुयग्यो। वो सो रो लोट भाई रो पकड़ाय ग्यो अर परसूं शुक्रवार रो दुरगली नें लेंय ज्यावणें री बात पकी करग्यो।

उणनें, जद्द आपरें सौदे री बात रो ठा लाग्यो तो उणरात वा सीतूडो रें, खूब सूं लागनै आखी रात रोयी। वा सारी रात कळपती रेंयी।

“सीतूड़ा, तूं म्हारे कटार मार दे पण, म्हारो सौदो नां-कर...तू जाणें कोनी सीतूड़ा रामूडो कियांकलो आदमी है। आपरी तो दो बीसी उमर ढळगी। उणरा हाण ढळड़ा है। वो मर्न रोजीना नूवें मरद नै सूपसी अर थारें वापू नै दियोड़ा पईसा तीजें दिन उगाय लैसी।”

सीतूड़ो डाफा चूक हुयोड़ो सो उणरा कळपता बोल सुणतो रैंयो। वो आपरें वाप हरजीडें सू भोत घणो डरें। उण सू उपकार नी चाल सकें। नी तो हरजीडो दाव (कटार) बिना बात कोनी करै। सीतूडें नै लखाय रैंयो हो कैं वो मरद नी है, डांगरा नै चरावतो खुद भी अबोल डागर हुयग्यो है।

वा फेरुं गिरविरावन्ती रोयी ही।

“सीतूड़ा...कांभी-काभी सुपना देख्या हा अर कांभी हुवण जाय रैंयो है। सीतू जकें सरीर रें खाली तू ई हाथ लगायो अबैं उण सरीर ने कांभी जणा भोगसी। कांभी थारें आ बात दाय आयज्यासी?”

सीतूडें री उवाज डूगे कूवें मांय सू नीकळें ही—“दुरगली; अबैं वापू साई लैयली...अबैं की नी हुयसकें दुरगली अबैं की नी हुय सकें। तनैं ठानीं आपा वचन लोया तो राणें परताप री आण लोयां...आपां राणें परताप रा वेली हां...वापू थारें सौद्रे री बात रामूडें सू करली...अबैं जें तनैं रामूडें नै नी सूप सकें तो वानें सरीर नाखणो पडें।”

“तो फेर दाव तो है थारें कन्नै ? वो पछें के काम आयसी ?” वो कापग्यो।

“दुरगली थारी हित्या करणें सू तो आछो है कैं मैं खुद दाव री खाय लेवूं।”

“तो फेर चाल रातोरात भाज ज्यावा ?”

“नी...नी...दुरगली भाजनं कठें जावांला...घणो अळगो आपां सू भाजौजे कोनी। जे भाज हो स्यां तो कांभी थारी इज्जत खाली म्हारें ई तणी रेंय ज्यासी...अळगें उलांतरें नी भाजस्यां तो ऐ ही मागण साटिया आपानें ओलख लैयसी, अर आपा रें उठें आणें तो कासम पूछी, मछें कांभी गत हुयसी तू सोच सकें। तनैं ठानी कोभी साटिया धिकई सिधिया करण नै तयार नी हुवें तो उणनै सगळी न्यात पंगेमावणी पडें। अर पछें जे

माई नेयेड़ी हुबै ना मोदो करणो ई हुबै । हां एक उपाव है...?"

"बोल मीनू...बोल वो फांजी है...हूं सौ फां करण नै त्यांर हूँ ।"

"वो आं है कै एकर तो तन्नै रामूडै रै सागै जावणो पड़सो, पण थोड़ा दिना पछे...हू तन्नै पाछो मोदो करनै लैय आसूं ।"

वो भी ममभग्यो अर वा भी समभगी कै उणरी इण बात में फां तंत नी है । रामूडो लूठो धनवाळ है । वो कदांत ही मोदो नां करैला । वो न्यात जिमावण रो दमखम राखै है ।

अबै वा भी सीतूडै री नाचारी समभगी कै मीतूडो की नां कर सकैना । उणरै मुंडै माथै अक मरैड़ी मुळक आयगी । वा बोली — "सीतू तू मोन डरोक निकळघो...माच्याणी भोत डरोक निकळघो..." उण एक मरजोर निमकारो नाख्यो ।

तीजें दिन (आज) रामूडो न्योळी अंटी रै बांधनै अर हाथ में डाग लैय आयग्यो । उण हरजीडै रै डेरै रै आगै आपरी डांग सूं लीकटी खेंचदी । हरजीडै नै दो सईकड़ा देयर दुरगली नै उण लीकटी सूं बारै फदाक दी । अबै दुरगली उणरी ही । दुरगली घणी ई रोयो पण छैरुड उणनै उणरै नारै आवणो ही पडघो ।

दुरगली रो सोचणो जारी हो पण, रामूडै रै बतलानै सूं उणरी तिन्दा भागीजगी, "देख अबै राबळेरै मुंडागै सूं निकळाला जको सावळ जच'र बैठज्या ।"

राबळै री हताई अबै ई खीडी ही...लोगडा आपू आपरै घरा कानी जाय रेंया हा । रामूडै नै देखनै सगळा उणनै बतळांयो ।

"कुण रामूडो रे !"

"हा बापजी !"

"किया आज कोअी नूवो सौदो कर ल्यायो कै रे ?"

"हा बापजी, 'पूनरार रै हरजीडै सूं कीयो है ।।"

सगळा ई जणा हेंस्या ।

"वेटी थारड़ो काम जवरो है रे रामूडा...फठ चौथे-पाचवें महीनै नूवी बीनणी लैय आवै ।"

"हां बापजी म्हा साटिया रो तो काम ही सौदो है ।"

“जबरो है भाभी ।” इतो कैय'र लोग आपू आपरै घरां चल्या गया ।
 दुरगली रै कानां में रैय-रैय'र लोगा रा साद सुणीज रैया हा कै 'रामूड़ा
 घारो काम जबरो है चौथे-पाचवें महीणै नूयी बीनणी लैय आवे ।' वा
 माय री मांग ही भूमलीज'र रैयगी । वण अेक दिठ निश्चै कर लियो...
 मन ही मन पको निरणै कर लियो... 'नी...नी...अबै तो आ हीज छैली
 (छेकड़ली) बीनणी हुवैला...अबै नूवी मां रै जाया लायसी ।'

रामूड़ै रो भूपछी आयग्यो हो । वा उणरै कैयां बिना ही गाड़ी सू हेटे
 उतरगी ही । उणरै कैयां बिना ई उण बळघां नै खूटे सू बांध दिया ।
 रामूड़ै नै ठाडो अचरज हुयो—कै जकी सगळै रस्तै ठसाठस ही वा अबै
 मतोमती जाणै-चूणै घर री ज्यू काम कर रैयी है । फेर सोच्यो—‘टैम हू
 ममभावण करली है ला, कै अबै तो अटै ई रैवणो पड़सी ।

उण पूछ्यो—‘रोटी बणायसी कै ?’

“नी अबै रात घणी बीतगी अबै दिनुगै ई जीमस्या...अबार तो नीद
 आयरैयी है...” वा अंगड़ाई लेवतां बोली ।

वो न्याल हुयग्यो कै आ इतरी दूर मे इती रयाणी कियां हुयगी ।
 बोल्यो “अच्छघा तो मन्नै भी भूख कोनी, अबै तो सो ही स्यां...ले, आ
 पेटी अर वा खुर्ण मे पड़ी तानटैण, चसा ले !”

वण चुपचाप दियामलाई लैय'र लालटैण जगाय ली । फेर दोवू सोय-
 ग्वा । उणनै तो पड़तै-पड़तै नै नीद आयगी, थकेलै रै कारण । पण दुरगली
 री आंख्यां में ऊंध कठै ? उणरी आंख्यां आगै तो मोळै-झाळै साव मजबूर
 सीतूड़ै री छिव डोलै ही । वण एक निमकारो नाख्यो । ‘सीतूड़ा तू तो
 माव डरपोक निकळ्यो पण हूं तो प्रण कियो हो कै साटणी हुय'र भी ‘अेक’
 री हुयसू...अबै मने लागै म्हारै प्रण री घडी नैड़ी आयगी है ।’

वण लालटैण रै च्यानणै मे जोयो । रामूड़ो मस्त नीद लैय रैयो हो ।
 उणरै मुंडै मायै नींद मे भी जीत री पाखिबक मुळक खिल रैयी ही । वा
 घिरणा सू बळगी, वा धीरै सीक बिना अवाज करघां उठी...अेक खुर्ण में
 पड़ै पीपै नै बिना खड़को करघां अधर से नीचे भोक्यो—भूपड़ै रै सगळै
 आगणै में किरासणी ही किरामणी हुयग्यो । पीपै नै पाछो सूबो करनै
 आपरी ओढघोड़ी ओढणी उतारी, ओढणी उतार नै उण किरासणी में

भिजोयली। पछै लालटैण नैड़ी सिरकायनं धोरै सीक पाछी सोयगी, किरासणी सूं भिज्योड़ी ओढणी आपरै माथै ओढली अर अेक पल्लो उणरै आघै अंग माथै न्हांक दियो; भूपडै रो एक डोको खोस'र लालटैण सूं चसालियो, डोकै ने अेक'र रो घरतै लगाव लियो; अर पछै आप माथै ओढघोड़ी ओढणी रै लगाव लियो।

अेकै सागै ही जद च्याखं कानी सं ओग रामूडै रै लाग्यो तो वो चिम-कर बैठघो हुवणो चायो। पण बैठघो नी हुय सक्यो। दुरगली आपरै पूरै जोर सूं उणरै वाथ घालली। वो पूरी ताकत सूं तड़फा तोड्या पण वा भी साटणी री जायी ही...हालण नो दियो—बोली, “रामूडा ऊपर आळो सगळी अनीत देखै है।”

इण हरख सूं तो कोई सती भी काअी वळती हुवैला !

रुधोड़ा मारग

घर में बढ़ता ई उणरें मायें में सगळी वे बातां पाणी में डूब'र दम तोड़तें मिनख री भांत ऊंची उभर आई ।

मा रो रोस अर खीज रळियावणी सुर गूजें—“खाली हाथ ई आयग्यो ना ?” फेर दुखरावण लागसी, “हम्में भई तू बूढ़े बारें और कांओ करसी-घाय ई तो छुडायसी ।” फेर अेक लांबो निसकारो, “सुख कठे है रे सुख कठेई कोनी ओ तो भागां सू ई मिलें—खाली ओ ई क्यूं रतनाराम भी तो आपरी मां रें अेक ई है पण घाय तो कांओ दाळ रो सीरो खावें तो ई मनाही कोनी...तने दोस कोनी लाडेंसर लेख बिधाता रा...”

फेर मां कौं ताळ ताई बोली रैय जावें...बोली रैय'र आगें कौं कंवण री भूमिका घडै, बापू री झूमल परमासीजें—“तालू त्या देवतो रें पच्चास गिराम घाय, बापड़ी निकाळ लेंवती बडकां रो नांव ।” बापू छिणेक खातर की सोचें अर भळें बोलें—“कहः नशो है, नशो क्यांरो है, घाटो जलमायो है अंगरेजां ई कीर मुलक मे । आप तो मरग्या बुगाम्या आगा अर ओ नफे रो भरियो अठे संभळाम्या खूब पीओ दिन मे पांच-सात दफा कोनी कोई वंरजण आळो कोनी अर वरजें ई कुण ई बिना तो उठतां ई दिनुगै-दिनुगै सगलां रें त्याळ्यां पडै ।” बापू छिणेक चुप हुय जावें ।

ओ घर में कांओ पूरें मोहल्लें में ई खाली वो अर उणरो बापू घाय नी पीवें । इण खातर ई उणरा बापू घाय पीवणियां नें जी भर-भर'र

भाई । बापू ध्यावग मू मां नै गमभावे — “लाई दिन भर मूं सट’र आयो है आंवतां ई तूं गावणो गरू कर दियो...”

बापू चुप हूवै नही के इतरें मां री हळकी-हळकी मिमनयां बितरण लागे ।

“की रो ई बुढ़ापो बिगड़े तो पछे मावळ तो बिगड़े, पण तू तो करले धन भेलो, कदाम धारें तो हेली यणै । म्हारो कांजी म्है तो पका पान हां — माल दो माल दोरा-मोरा ई काट लेस्यां...पण तू तो कर धन भेलो...”

मां री मास में कैयोडी बात उणरें काना में गरम-गरर भीसे री भांत ऊतरें पण फेर ई वो मून धारधां राखे, मून नै उण आपरें शरीर रो एक अंग वषाय लियो । वो दोल वालो मुन्न में गम्भोणी मां आंगण में परीठी री छोटी भीतळी माथे बँट्यो मा-बापू री बंतळ मुणतो रैवै । बंतळ रो विषय वाली धाय ही पयू घर री भूष सूं जुड़ता और घणाई विषय हूवै । उणनै चेतै है मा-बापू री इन बंतळ में समझ पकड़यां पछे भोत कम ओसर अँड़ा हूवैना जद दोवां नै हरख सूं बातां करतां देरुया बहेला । मां-बापू री इन बंतळ मुणनै में बदजात मुगनड़ी (उणरी लुगाई) रोटी बाळ नाखै । रोटी बळनै री मुगंध मां रै नाक में घुस जावै । पछेम मां रै जळजळाकर गुस्मै रो घेवाव उण कानी हुय जावै ।

“ठा नी हरमेस कठै गमेडी रैवै । किसो दिन इस्यो हूवै जकै दिन रोटी बाळियां बिना रैय जावै । काम कठीनै ई करै है अर बाको कठीनै ई फाड़मी । काम तो काम रै भळ हूवै...आछो ढगळ पानै पडघो—कोई काम ढंगसर को कर जाणै नी...जबरा फूट्या लालियै रा ई भारज्या मरोसै...खालिया कमा’रतूं...गर्ध शीई कमाई अर आ गमाई...तूं भाज्या राखी अर आ लेखै लगाया राखसी...म्हारें माटी नै दोय टैम तो न्हावण-घोवण नै चाहीजै । पढ़ी-लिखी कवको ई कोनी पण न्हासी-धोसी दो टैम जरूर । जाट री बेटी’र काकोजी नाम...देखी कोनी बालिस्टर री वच्ची नै । इयाकलां फरफटिया सूं घर कोनी वसै ।” मां थोड़ी ताळ खातर बिसाई खावै पण उणनै लखावै कै हाल तो वा आपरी बीनणी नै चौथाई लवङ्घकै को लैय सकी है नी आ सोच’र मां आपरी विगत री बीनणी सूं ताळमेळ बँठावतां थकां पाछो बोलणो सरू कर देवै ।

“अठै तो आखी ऊमर खोदलडो ई खोदलडो करघो । कदै ई रात नै रात नीं जाणी अर दिन नै दिन सो को जाण्यो नी जणै जार-पार पड़ी । उठतां ई तो पक्को पांच सेर ‘पीसणो’ पीसणो पड़तो अर आज कल्यारां सू सेर ई पीसावो नी देखां-जोर आवै । काम-काज की नै सुहावै है... चोखो खा लेवो, चोखो पैर लेवो, हम पीया हमारा बैल पीया अवै कूवा दुड़ पड़ो...। अे आज देख’र कोनी चालै आरो कालै कुण धणी हुयसी । टैम साम्यां कीरवादो ई खिडमी, देखाणी कियां पार पटक... म्हे दोरी-सोरी पार तो घालली आं में हुसी मूडै सीत रांछी... सगळ्हा फटफटिया धूड में नही मिल जावै तो मनै कैय देया । बच्चुआ भाजोला तो ई पार नी पड़ैला, आगै जमानो ई थारै माथै बांधै जेडो आय रैयो है...”

अेकल ओल्यां ई चलयो जावणो मां री साध्योडी बात है... इया किसी मां बोलणै में गड़गड़ाहट थोड़ी ई चढ़ जावै... बिचाळै-बिचाळै ठैर-ठैर म्हारा मुंडा भी जोवै... सुगनड़ी कानी ई जोवै... मां भूल जावै के उणनै हाल सुगनड़ी नै लबड़घकै ओरुं लेवणी है ।

“करल्यो मजा... किताक दिन करो देखां... हाल तो तिलक काढीज्या है ठा: तो सूक्या पड़सी । बूहा तो पैली भी हुया करती, मजाल है मूडो दीखज्या, पण आजकाल तो सरम के चीज हुवै आ जाणै ई कोनी । उधाडै मुंडै सांढ़ नाई आगी कर निकळ जयावै । म्हारै काळजै राध पड़गी आं बूहा नै देख देख’र पण की नै कैंवां कूवै ई भाग पड़गी । आंधै आंगै रोवो अर नैण गमाओ । म्हारै माटाळी काम मे साव कम कस अर खावण-पीवण मे सासयां सू आगै । चाय दूजै कीनै ई मिलो ना मिलो पण अे तो दिनुगै सूणी त्यार...। पण पी सी कटै सू खसम ल्यावै धणी नी...।”

अर वान जठै सूं सरु हुयी उठै ई आय’र सांस खावण लागगी । मां री सास खावण री फूरसत नै बापू भरणी सरु करदी—“तू तो इयां कर... चायलारै सती हूज्या...” बापू मुळकै—“दोबू बिना पीयां को मरां नो तो मरै तू ई परतिया को नी... ई रांड ऊकाळी में कोई नशो कोनी पण पीवै क्यूं कोनी मीठी बळै नी... चीणी हुयै नी मांय आठ रिपिया कीलो री... नशे री बात हूंतो ई में जद जाणू जद लूण घाल’र पीवै...”

बापू बात ई चिणखो लागै जैड़ी करदी अवै मां बोली कीकर रैय जावै ।

कुम्हार-कुम्हारी नै नीं न्हावड़ सकें तो गघड़ी रा कान खीचें ।

“हां-हां, अब इती ई बाकी रेंथी है बुढ़ापे में लूण री चाय तो पाय ई सी...आ तो उम्मीद ई ही । ई खातर ही तो बडो करघो हों । दसवीं ताई पढायो हो (अबें मां नै कीकर समझाऊं के मा आ बात में नी बापू कैयो है) ताकि लूण री चाय पा सकें ।”

उणरी होड़ भळै उणरें पाडीसी रतनाराम सूं हुवें ।

“रतनाराम भी अक ई है पण घर में चीज बसत री थेड़ लगायोडी राखें । बापडो मां-बाप सार समझे । रिण उतारें...। ई नै कैठा: ओ तो अबें अफलातून हुयग्यो । खेजड़ां नै कूण बडा करचा हा । खुद रात-रात भर गीलें में सोयी अर इनै सुकेड़ में सोबाण्यो । लगातार तीन-तीन माल ताई काल पडचा पण ई नै तो ठा ई को पड़ण दीयो नी । मजूरघां माथे जा'र दोरो घणो पढायो है । लाड़ां-कोडा परणा-मता दीयो...घोड़ सी दीनजी ल्याय दी भळै ई म्हा में कोई कसूर हैं ? स्तो की करो पण ई रें के अहेमान है—कदै ई सोनै री तीव ई को देखीनी पण ईरी लुगाई रें तो भरी तीन घाल्यो अलबत पढ़्यै-लिख्यै रें लारें आई है साव कोभी लागसी म्है तो म्हा कानी ऊं तण्या ई तण्या—पण अबें ओ के जाणें ई बात नै । दसवीं कराया पछै अक साल ताई नौकरी खातर इयां ई भटकतो फिरघो तो ई म्है जाणो लाई नै के तग करां नौकरी किसी ई रें हाथ री बात है । नौकरी लागसी जणा हाफै ई स्तो कीं ठीक हुय ज्यासी-पण अबें किता ई दिन हुयग्या नौकरी करतें नै आज फगत दिनुगै नौकरी माथे जावती बेल्ला इतो कैयो हो वेटा आंवतो एव पाव चाय लैय आई । जाबक नीबडचोडी है पण सफां खाली हाथ आयग्यो । ठीक...।”

मां आपरो लांवो भापण दैय'र चुप हुय जावें ।

अबें वो मां कनै आवें । बेवसी सू उणरी आख्या भरीज ज्यावें । दिनुगै वो मां सूं वयू कूड़ी वादो करग्यो आ जाणता थकां भी के पूरो अक महीणो हुयां सू पैलां वणरें हाथे एक पईसी नीं आय सकैता । अर बिना पईमा वो मा री मगाई चीज कीकर लाय सकमी ।

दिन में उण एक दो दफा जरूर ओ दिरढ निश्चै कियो हो के वो जे. ई एन. सू एक'र पाच दस रिपिया उधार मांग लेसी अर पछै मस्टर

रोल घणसी उण माय सूं कटा देसी पण जद-जद ई जे. ई. एन. उणरें सामें पड़धो उणरी हिम्मत जबाब देंगी। वो पईसा मांगण रो साहस नी कर सय्यो।

लूठी पगचंगी कर'र तो वो वाटर बक्स री इण डेली वेजेज री नौकरी नें पाय सक्यो है अर इण में ई बिचाळें पईसा मांग्या सूं कांभी ठा: अफसर नाराज हुय आवैं तो ? तो वो आ कळपना कर'र मन ही मन धूज ग्यो। नौकरी खातर रुळियार गयोड़ा लारला साल उणरी आंख्या आगें लैराय-ग्या।

वो आपरी मां मू माफी मांगतो थको गिडगिडावण लाग्यो—

“मां हूं गुनहगार हूं लावण रो कौळ करघां पछै ई हूं लाय नी सक्यो। म्हारी नौकरी नें पच्चीस दिन पूरा हुयग्या। पाच दिन पछै मन त्रिणखा मिलसी... उण दिन में तनै पूरी एक कीलो चाय लाय देसू। ओ पाच दिनां रो कष्ट मेळो कष्ट है, बाम सूं उधारी लैय आवो। दिनूगें सोच्यो एकर अफसर कनै सूं पईसा लैय'र चाय लैय आयू पण मां हाल कच्ची नौकरी हुवण सूं में ओ साहस कर को सक्यो नी।”

पाणी सूं भर-भरीज ज्यावें आख्यां। एक नाजोगी छोटी सीक चीज खातर कितो काळजो दुखायो है में मां रो।

“आ बात तूं दिनुगें ई बताय देंवतो...। हूं इती बातां कंवती ई क्यूं, इता दिन धिका लिया जणें अवैं किस्सो पांच दिन कोनी कढ़े हा...हू ई की मोकळ मुंही हूं ई घणी...वा लाडी वा चोखो...ले हाथ धोयलैं, बीनणी थाली ल्यायी...”

नूवो भीसम

कुयाचो काथें गू हेठें मेहयां पछें, उण गाव निचेंताईं सृ मांम सीन्ही।
 तीरू झूवू गुरजी कानी जोयनं अंकर जोरदार आळम मोट्यां। टातीं
 वरीर रें किण अंग में गू तीन-चार कटका कटीड करता निकळपा।
 उन्हाटनी सृ द्यनियो मरनं याड नेंटें वेंट'र मुटें आग्यां माथें केई छावका
 माग्या। बाकी वारें रेंयो जके पाणी नें गिर माथें उन्हा लियो।

उणनं लग्यायो जाणें ठंडो पाणी उकळनं डीग रें पोर-पोर में पेरयो
 हूयें। वो सोचें—ओ पाणी भी कंडी गुगदायी चीज हूयें, आगें दिन रो
 बाधो बाकेनो तो एक डोनियें पाणी गू ई जावतो रेंयो। अक टोलियो केंहें
 टोळण री द्दळपा हूई पण आगें उन्हाटिमें में काम पाणी हूयण सूं उणनं
 बापरी द्दळपा वावनें रागणी पटी।

उण पाणी भरतें मुटें नें पूछ्यो नी। आले मुटें माथें भीणी-भीणी
 पून टाटो ई गुयायें। वो टोलियो लिया वाड कनें ई वेंट्यो रेंयो।

मुटो धोयां पछें मदीय ई वो अंकर कां ताळताईं मघली माथें आडो
 हूयें। जटें ताईं सीजकी आ नी कंय देवें—भातर वाजण री वगत हुयगी है,
 हू आटो ओमणू, धें निमट-निमटार आय ज्वावो। वो मदीन रो गळाईं
 लोटो लेंयनें धोरां कानी निगर जायें। धोरां जावें तो वो धोरां माथें ई
 केयो जेज निमट'र आया पछें रेत सृ हाय मांजतां-मांजतां खैलण लाग
 जायें। ठंडी-ठंडी रेत उन्हाळें में हाथा-पगां रें घणी गुयायें। वो आगो दिन
 लकडियां फाटें। लकडियां फाटनो उणरी वारूं माग री वंध्योडी कार है।

अँट्टी बात नौं है के उणरी जात आळा सँग लकड़ियां फाड़ने रो ई काम करे । कैयी उन्हाळें सियाळें चेजें-कमठाणें जावें, कैयी उणरें दांजी लकड़ियां ई फाड़ें, कैया रें दो बीघा जमीन है, जका छव महीणा उण सू उद्यम करे । पण यितू लकड़ियां फाड़ने रो काम तो एक वो ई करे, चावें किसी ई हत हुयो । लकड़ियां फाड़ती वँळा वो घणी ई सावचँती बरत । हाथ-पग, आंख-नाक री, पण नही-नही करता पांचै-सातै एकाध लकड़ी रें किरचँ री लाग ई जावें, अर लाग जकी ई घणकरी गोडा मू नीचँ जठै घोती सू उगाड़ी पिडघा हुवें । उण लाग्योड़ी ठोड वो निमट'र आयोई पाणी मू वाळू रा आला पीडिया बणाय-बणाय नै चेपें । उणरें रेन दुआई रो असर करे । दूजें दिन लाग्योड़ी माथें खरुंट आय जावें ।

“तो अबँ बाढ़ कन ई बैठघा रँगसो कांभी ?” तीजकी कैयो, तो वो गोडां माथें हाथ देंवतो उठघो । मुडें माथें कंवळास सू हाथ फेरघो । पाणी सूक चुक्यो हो । उण डोलियो सागी जाग्यां राख्यो अर मंचली नैडें आयो तो मंचली री दसा देख नै ई मोचण लाग्यो । एक आ मचली ई लायण उणनै किनरो आराम देवें, फेर भी बापड़ी री कांभी दसा हुय रँगो है । हुवें पण क्यूं नी, ईस-सळू तो ठाः नौं कद रा है, मूज नै ई बापड़ी नै दस साल नैडा हुवण ढुका है । ठोड-ठोड सू खुस-खुस नै नीचँ लटकगी ।

उण मंचली माथें बैठनै नीचँ जोयो—च्च...च्च...च्च ले भई गिणसी में ई नी आवें—एक एक करतां खुस'र वणगत रा आधँ सू घणा तातां धांड्यां री दाई लटक रँगो है, बिचाळें धूब पड़गी जकी न्यारी । अबँ आनै गांठधां दैय-दैय नै कितरा दिन धिकावुंला-मरचोडां रो कारीं जीवें । गूज रा लटकता तातां नै देख'र उणनै टावरपणें में बाबें री सुणायोड़ी एक काणी चेतँ आयगी के आगँ कोरवां-पाण्डवा में एक दादो भीसम हुया करतो, जको बाळ-ब्रह्मचारी हो अर मरघो जद तीरियां माथें सोयनै मरघो, ठाडो ई अपरबळो हो भीसम दादो...बियां अपरबळी तो हूं ई कांभी कम हूं आखँ दिन ठूठियां रा भोड बाढू...अर आयण आयनै उणरें (भीसम) ई दाई इण मचली माथें सोवू, इणरें ओ लटकती मूजैबडधां तीरियां दाई तो लखावें है—उणनै आपरें सोचणँ माथें हेसी आयगी ।

हेसी ठम्यां पछै वो फेरुं सोचण लागयो—बापू कंवता, भीसम

वापड़ आखी जिन्दगाणी मे दुख ई दुख देख्यो अर पछै बुढ़ापो सुधरयो जको ई जुध में । बापू कँवता—भीसम'र कोरू-पाण्डू ओ सगला-सगला केओ सँकड़ूं बरसां ताई जीवतां, हुंह बयू कोनी जीव सकै हा, वो सतजुग हो सतरै पाण जीवता लोग, एक-बीज नै चांवता लोग । अबै तो सँकड़ूं किणनै हुवै, पेसठ रा ई कोई कोई सा हुवै । आदमी आदमी रँ बटकी बोढ़णी चावै । कोई नित चावळ सिजावै, केई लाघण ई काढ़ै, पण किणनै जोर, कळजुग है, पण म्हाटो ओई खाली गरीबां रँ खातर, पईसांळा री तो ओई हाजरी भरै । गरीब जै साठ बरस ई जीव लैवै तो घणी है, उण खातर तो । इतरी में ई नाक नाक आय जावै ।

हूं अजैस दो बीसी उमर को खाई नी पण लागूं जाणै तीन बीसी रँ नैड़े उमर लैय लीन्ही हुवै । चांखी भी है, ओपै है ननै उमर । साठ बरस सूं जै दोय बरस ओर ऊपर हुवै तो ओर ई ओपै मने आ उमर... अबै किणनै चाईजें जुवानी, जुवानी तो मां-बापू रँ सागै ई भरगी ही... कांभी करणो है जुवानी रो... अठै तो आखो दिन लकड़ियां फाड लेवू जितरी जुवानी चाईजै, इतरी है । उण री आख्यां मे पाणी साचरग्यो अर मुडै माथै मुळक आयगी । वो छाती माथै वेगो-वेगो हाथ फेरतो रैंयो । वो मांय ई-मांय अमूझ रैंयो हो । जाणै उण की सांतरी चीज गमाय दी हुवै ।

पिछतावै सूं तो खाली दुख हुवै । वो इण बात नै जाणै, पण फेर भी उण रँ आगै पिछतावै आळी ढकी-ढूमी बांतां उधडण-उधडण लागी ।

हां याद है, वो अर उण रो मोटो भाओ छोटा थका ई हा कै उण रँ बापू री आख्यां जांवती रैंयी, पण फेर भी रड़-भड़ नै कियाई कर'र बापू दोवू भाया नै पाळया । मोटै भाओ रो ब्याव बापू जीवता जीवतां ई कर दियो । मोटै भाओ रँ ब्याव रँ दूजै-तीजै साल ई एक एक साल रँ आंतरै सूं मा-बापू सरगां मैळा हुयग्या, घर में खाली दोवू भाओ । मोटै भाओ री मुकलावो अजै हुयो नी हो । पण भलो मिनख भोजाई री बाप, मुकलावै रँ दस्तूर कियां बिना भोजाई नै पूगामग्यो । डेण-डेणी लारै सजै सारू दाणा ई खिडाईज्या, पांच पचीस माथै ई हुया । मायाळा पईसा दोवू भाओ कार करनै चुकाया । उणरी भोजाई रामजी री जीव आवतां ई घर मम्हाळ लियो । मा-बापू री ओमर करघां पछै घर मे पादो दाणो

ई नी हो, पण भोजाई नाक सळ कदैई नी धाल्यो । कदैई कोओ कमी परगामी नी । आथण काम कर'र आयोडा नै प्रेम सू खीच घालती ।

दोव भाओ क्रिया ई कर'र आघो धिकावंता । धीरै-धीरै रामजी रो संजोवण, घर में नानकड़ा ई आया, खरचें में फेरूं बधंपो हुवतो । एकाध बार तो नी, पण पछै ओ खरचो अचेरो भी लागतो, खाली मन ई नी भायै-भोजाई नै भी, पण सांई री कुदरत नै कुण पूर्ण । दोवू भाओ जिया-तियां कर'र सैंग जीवां रो पेट भरता ।

इण तासातोई में उणरी उमर व्याव री निसरणी रै गातां सू आगै निसरणी । अंडी बात नी कै उणनै छोरी नी मिलती । व्याव सारू की तो चाईजै ई । पण उण अर उण रै भाओ कनै तो वा 'की' ई नी ही । भाओ-भोजाई रात्यू उणरै व्याव री चिन्त्या मे घुलता । एक-दोय दिनां री बिचाळै-बिचाळै उणरो भाओ मजूरी खोटी करनै, उणरै व्याव सारू तड़फा तोडणनै ई जावतो । घणो नी तो आगै बेटी रो बाप चांदी री सांकळी-बोरियो अवस भागतो, पण उणरै भाओ कनै तो वो ई नी हो । टैमोटैम जटै दाणा बापरै उठै सांकळी-बोरियै री बात ई ब्यू करो । भाओ हारनै घरै आय जावतो, पछै उण दिन री रोटी भाये नै नी भांवती, भायै-भोजाई री अंडी कळपण सू वो कायो हुय जांवतो । छैवट उणनै आखतो 'हुय'र केवणो ई पड़तो ।

“भाया, थानै म्हारे व्याव री इती कांओ चिन्त्या लागणी ?”

भायो रोवणवाळी मुळक मे कँवतो—“चिन्त्या...अठै तो पहाड़ वण रैयो है चिन्त्या रो भायै ऊपर ।”

“वा ओ वा भाया, आ ई कोओ बात हुयी, ईयां हूं काओ छोरी हूं जको यै इतरा डरो अर कळपो...आपणी जात मे तो घणा ई कुवारा रेवै ।”

“नही रै भाओ, आपणी जात में रेवता हुवैला पण आपणै बडकां में तो कोओ नी रैयो, कदास आपणै ई सौ-पचास बीघा जमड़ी हुवती ।” आगै भायै सू नी बोल्पो जांवतो । एक चितराम मंड जावतो ।

माल-साल रै छेड़ै सू मां-बापू नै सौ साल पूगणा अर उणरो सेत-बाणियै रो हुवणो, उपरात पाच छः माल री बैंगार छाटणी । पण हुवो-

हुवावो, अडे तो भिनखां रो सो काढ़ दियो। कोभी अमीणी तो नी दैय मकै कै थारा मां-वापू आकड़ां में फिरै घूड उडावता।

वो भायै नै समझावतो—“भाया अणैसो ब्यू लावो, हूं थानै म्हारै व्याव खातर जै कदेई दो जवान केवू तो जवान बाढ नाख्या, आपां तो फूटरा हिलमिल'र रैयमां।”

“नही आयी तू नीं जाणै, अई सागण न्यात विरादरी आळा काले मां-वापू रै अडे नै सरावै हा, जका पाछा नाक माथै मारण लाग जासी... काजी करचो मां घराणो, भाओ तो टांड सो कुवारो फिरै...इण खातर भाओ जीवतै जीव नै मो की करणो पड़ै।” भाओ रै मुंडै माथै घाळक मो पूतण लाग जावनी।

वो जाणै सागण बातनै, कै भायै नै वेटी आळो वाप क्यूं खाली काढ देवै। मैंग वेटी रा बाप जमी टटोळै, घर जाग्यां देखै, पछै वेटी देवै, सैंग धन-डांगरा अर घर-गवाडी रै लारै वेटी देवै। टावर (छोरो) नी देखै, उणरा गुण-ओगण नी देखै। जवरी है उणरी विरादरी री रीत। असल मे साकळी-बोरियै री बात तो पछै है अर जकै कनै इतरो सरजाम हुवै उणरै खातर तो साकळी-बोरियो भी भारी नी हुवै, एक मैस बेचै उण में सैंग हुय जावै।

उणरै भाओ कनै इण मंहगाई रै जुग मे नी हुय सक्या सांकळी-बोरियो। बिनां साकळी-बोरियै रै वो कीकर परणीज सकतो। पण फेर भी व्याव तो उण रै हाथ री लीकट्यां में मडचोडो हो, सो हुयो।

उणरी उमर रा पागड़ा तैतीस-चौतीस नै पार करग्या जणै उणरी भोजाई री मोटी बैन बिधवा हुयगी। भोजाई री बैन रो मोटघार दम-घामी रो रोगी हो, एक दिन मर पूरो हुयो। भोजाई री बैन रा हाथ हुळका हुयगा। पण उणरा हुळका हाथ छोटी बैनड नै नी सुवाया। उणरै ई तो देवर कुंवारी हो। भोजाई भाओ सूं गुरवत करनै एक दिन उणनै पूछवायो।

“सालजी थे तो जाणो ई हो उण वापणी उण खसम रो कांभी देख्यो हो, वो खाली जाग्यां रुध राखी ही, कोरो अडेखण हो।”

“कुण भाओ?”

“कुण पछै कुण, म्हारी मोटोड़ी बेन लायण तीजूड़ी।”

“हां...आ तो थारै बापूजी नै पेलां सोचणी चाईजती ही।”

“मिनख रै किसो माय बडीजै ओ लालजी, अर पछै रोग दोख तो सारै ई किणरै लायण तीजा रै करमई में ओई चिडपिडां मुआग लिम्प्योडो हो।”

“.....” यो चुप रैंयो।

“नानजी अेक बात केवू, हुयमी तो छोटै मुडै रो मोटी बात, पण फेर ई...।”

“केवो भाभी हूं कांभी थारी बात रो दोरो मानू।”

“नही दोरो तो कदेई नी मान्यो पण कठेई धे उत्तर दैय दियो तो म्हारो कांभी माजनो रैंयमी।”

“क्यू माजनै आळी अँड़ी कांभी बात है?”

“है जणै ई तो—हूं पीरै सू आई तो बापू घणा गळगळा हुया, रोंवण लागग्या—सोनको तू थारै घरै सोरी-मुखी है पण लायण तीजूड़ी रो कांभी हुयसी, जणा हूं बानै की भरोसो दैय आई।”

“भरोसो। कांय रो भरोसो? म्हारै कोभी बख पडती है तो केवो।”

“है तो बख पडती ई...।”

“जणै केयनै देखो।”

“कैय दू?”

“हां...हां...।”

“हूं थानै वहनोई बणावण रो बापू नै केय आई।”

“भाभी? ओ कांभी भरोसो दैय आया।”

“ओ तो मनै ठा: ही, आ कीकर हुय सकै, म्हारै मोटपार सूं छोटा देवरजी अर म्हारै सू मोटी बेन नै बै लुगाई कीकर मान मकै?” भाभी रा इसका फूटण लागग्या—“अठीनै देवर कुंवारी, उठीनै बेन विधवा।”

“नही भाभी रोय नै क्यू मन मेलो करो, कोई कुंवारी नी रैंवेला थारो माजनो राख सू।”

“नी! लालजी! सावरिया देवर तो देवें तो जुग में अँड़ा ई दिज्यो।”

भोजाई री बात राखीजी, उणरो व्याव हुयो। पण नी वो कांय रो व्याव हुयो—चाळीस री लुगाई चौतीस रो बीन। अर पछे लुगाई ई दमै री मरीज। पैलडै मोटचार सू वा आ मोटी चीज सागै ई हुय आई हो। बां दोवू नूवा परणेतं खातर भाभी-भोजाई अलग सू भूपड़ो बांध दियो। पाच माल सू वो इण भूपड़ै अर उण रोगल लुगाई रै सागै रात बासो सेवै।

उणनै याद आयो—बापू कैंवता, भीसम बाळ-ब्रह्मचारी हो, पण बापू नै नी ठा: हो कै उणरो ई अेक बेटो भीसम हुयसी, साव बाळ-ब्रह्मचारी। उणरै बाप री अेल चालेला, पण खाली अेक बेटै सू। दूजोडो बेटो तो भीसम है नी—उणरो काम कोई अेल बचावणो थोड़ो ई है, उणरो काम तो तीरियां माथै सोवणो है।

अेकर आमै कानी जोयनै वो उठ बैठघो हुयो।

“ले भाभी कितरी जैज हुयनी घोरियां माथै ई बैठघो हूं-हूं ई कैड़ो पागल हू।” डोली हाथ में लेयनै आंख्यां पूछतो वो आपरै भूपड़ै कानी खाना हुयग्यो।

सांसर

सनिवार रा बंक रो काम और दिनां सूं वेगो ई सलट जावै—बियांस सलट कांई जावै—संग बाबू आसै-पासै रा हुवण रै कारण इण दिन बैगा ई टाबरा मैला रखना चावै। इण खातर जरूरी-जरूरी काम मलटायर बाकी छिटपुट काम सोमवार खातर पेंडिंग राख देवै क्यूँक अगलो दिन दीतवार हुवण सूं वै काम हू तो इया ई को सकंभी—खैर।

शनिवार अर दीतवार टाबरां में बितायां पछै सोमवार रा तो भ्रांभ्र-रकं ई घूपरछो चालनो पड़ै। क्यूँक हूं जकै कस्वै री नौकरी करूं उण तांई दिनुगै वेगो पूगण रो साधन छव बजी आळी ट्रेन ई है। छव बजी आळी ट्रेन दिल्ली सूं आवै, उण रै पछै अगली ट्रेन साढ़ी दस बज्यां आवै। उण सूं पूगण रो सवाल ई नीं, क्यूँक येक रै टैम तो वा अठै आवै अर रही बात बस सूं पूगण री' सो पूछो ई क्यूँ—राम रखाळो है—अक तो टैमसर आवण री गिराटी कोनी अर दूजै म्हारै जिसा नितरा हिडा खावणिया नै बस री अेम० एस० टी०, ई को पोसावै नी। ट्रेन री अेम० एस० टी० रो बापड़ी रो लागै ही कांई है। बस री अंक महीण री अेम० एस० टी० में ट्रेन री साल भर री जात्रा हुय जावै।

रात मोड़ तांई हठाई करणै सूं आज आंख की ज्यादा देर तांई लागगी। उठयो तो देख्यो—छव बज चुकी ही। मेरा दिया—आज तो बसटी सूं ई जावणो पड़सी दीखै—लाग्यो दीखै रुपिया आठ रो बटीइ पण कांई ठा ट्रेन लेट-सेट ई हुवै—थोड़ी घणी लेट तो हरमेस ई हुवै ई है।

घरवाळा माथे कूडो-माचो भीकतो—सगळा नितकरम करतां कुल पन्द्रह मिन्ट लगाया अर ले साईकिळ ठेसण पूगग्यो । गाडी तो पूण घंटो लेट है ठा लाग'र ध्यावस हुयो—खैर सल्ला मौडो उठ'र ई टैमसर पूग तो ग्यो । कई देर रा आळा टोळा रै पछै ठेसण री वारलै पासली दुकान सून पान खाव'र आयो जितें में तो गाडी स्टेशन कनली गोळाई सून मुड'र मुंडो निकाळ रैयी हो ।

गाडी में म्हारो कायदो है कै हूं हरमेस ऊपर वाली सीट जोवूं—ठाठ नून मांवतो जावूं । दिन उगणवाळो हुवण रै कारण ट्रैन रै अठे आंवतां-आवना लाग मुडो धोयन नीचे आळी सीट माथे बैठघो हुय जावें ।

अेक खानी मो डब्रो देख'र हू उण में चढग्यो । ऊपरआळी सीट माथे चढण खानर मतो उमावै ई हो कै इतें मे किण ई बतळायो—

“कियां बाबूजी ?”

हूं पाछो फुर'र जोयो । बतळावण आळें रो चेरो पैचाण री कोसिस करी ।

“कियां ओळख्या कोनी कांई ?” फेर वण खुद ई समस्या मुळभा दी—ओ तो मैं हूं रामेसर-दुळचासर आळो ।”

अबै मन ई चेत आयग्यो—अरै हां लारलै दिनां दुळचासर में लोन बांटण खातर गया हा जणा हजार रिपिया रो लोन इणनै भी दियो हो । “ओळख तो लियो भाई पण काई बात है ओ-sss” मैं उणरै मुंडायेई माथे अर सफाचट दाढी मूछां कानी जोय'र कैयो ।

वो मुळव्यो—“ओ, तो हरद्वार जाय'र आयो हूं ।”

हूं ई मुळव्यो—“तो काई लोन इण खातर ई लियो हो ?”

वो हँस्यां बिना को रैय सक्यो नी—“लियो तो घणो ई को हो नी पण अबै इयै खातर ई समझो ।”

“कुण हा ?” मैं बूझ्यो ।

“ये समझो जकां में कुण ई नी ।”

“तो कोई पारको पुन्न कर रैया बहोला । वार गांव मे तो थारे रीत हुवे कै-कैडे फूल, हुवे तो फूल को धाल सकें नी । कोई प्यारी सैण हुवे जको घन्न आवै । फूल जिते वारण पड्या रैवै । घर री पुन्याई को बघै

नी। गांवरां री आ मानवो भळै हुवै।" "ओ तो थारो कंणो माचो, गाव में रीतां तो इसी ई हुवै।" इतो सो कंय'र चुप हुयग्यो। उणरें गळें में घणी सारी गंगाजी री माळावां पडी ही। कनै ई सीट माथे लोक-निकाट्या काढघोड़ी एक बैठ पडी ही। एक डवियो गंगाजळ सू भरियो पड़घो हो। अर एक धैलियो ई पड़घो हो। वण धैलियें में हाथ घाल्यो अर लफेंक चावळां री फुल्या अर मियोड़ा मखाणा काढधा—“ल्यो थे भळै कणै मिनस्यो...परसाद...”

“पैलोपोत मनै ई?” हूं सकतो परसाद लैय लियो अर उण मांय सू थोड़ो-थोड़ो तीन च्यार कनैली सीट माथे बैठधा गांवड़धां नै बाट दियो।

गांवड़ी परसाद लैय-लैय'र आपरें खूजा में घाल लियो। सगळा आप-आप री जेव सू अक-अक रिपियो निकाळ'र रामेसर रें खोळां में धर दियो। रामेसर नां नुकर करी—“अरै ओ कांई करो माइतां।”

“नां लाडी ओ तो हुवै ई। अलबत हर री पैड़ी जाय'र आयो है। इतो पुन तो म्है ई कर सका। अर पछै थारें सू सगळा बडा हा पगां लागें तो थारी मरजी है नही लागें तो कोई अणसर्यो को पड़घो नी।” सगळा अकै सागै केयो। हूं ई अक रिपियो काढ़'र भट उणरें खोळां में धर दियो। गांव करै सो गेली।

रामेसर गांवड़धां री बातां सू संकग्यो। वो नीचो लुळ'र सगळां रें बारी-बारी सर पगा लाग्यो। जीवतो रें री सगळां आसीस दी अर पछै सगळां ई जै गंगा माई री बोली।

अजव हिवळास हुवै गांवरां में।

वणीसर री ठेसण आवतां ई सगळा गांवड़ी अकै सागै उतरग्या। अबे डब्वें में फगत हूं अर रामेसर दोवा दो रैयग्या। मनै बात करण रो कोई सिलसिलो नी मिल रैयो हो। रामेसर चुपचाप बैठयो हो।

“कियां कोई भायपें मे ही हो काई?” हूं मून-तोड़यो

“नही।” उण छोटो सो पड़ूतर दियो।

“तो पछै?”

रामेसर अबकाळै कोई पड़ूतर ई को दियो नी

“काई बोल् वायूजी! बतावतां ई सेंरें आइ।” रामेसर, जाण संकै

रो लाद नीचें दबग्यो हो ।

“अरे वा हरद्वार जाय’र आया हो आ बतावतां सरम आवैं कै पलाणै रा फूल घाल’र आयो हूं ।”

रामेसर रो मुंडो उतरग्यो । रोवणवाळो सो लाग रैयो हो । उण कैयो,
“या जंक्यारी सरम—ये अलबत पढ़्या-लिह्या हो हरेक चीज नै जाणो—
ह्यो बताऊं...”

अवैं वो सीट माथे जच’र बैठग्यो । पगां रो खड़ाबू धरतें खोल’र पालथी मारली सीट माथे ।

“ये गाव में लौन बांटण खातर गया हा नी । उणरें दुज ई दिन म्हारें हाथ सू अेक ईन्याव हुयग्यो । हजार रिपिया ये देम’र गया ई हा, हूं उण दिन ई सिइया भूरजी रो ट्रैक्टर तोई कढावण नै खेत लैयग्यो । च्यानणो रात ही । रात नै अेक बजी लाई म्हारें बीधा चाळीस अेक जमढी सुधार नांखी । ट्रैक्टर माथे भूरजी रो छोटोडो बेटो लादू हो । लादू म्हारें ई सायनो है । तोई काढण रें आधेक घंटे पछे लादू ताकड़ करणी सह करदी कै रामेसर अबैं रुक्यां पार पड़ै कोनी । गाव ई चालस्यां । दिनुगें भल्ले लोकां रें जावणो है ।

हूं ई पछे क्यू रोकतो । कैयो चाल तो चाल थारे जचगी जणां । लादू नै ट्रैक्टर चलावता देख’र म्हारें ई जीव मे आयगी । आधीटें आवता में कैयो—लादू थोडो मनै ई चलावण दे यार । उण बरज्यो नां तनै ठा तो है कोनी गैयरां-धैयरां रो । हूं जिद कर्यो ई में पछे कांई भेद है, चलावैं तो लुगाई रा जाया ही है नी । हूं घणो कैयो जणा—सीधो सो गैलो आयो । जणा वो स्टेयरिंग हूलावणी बता’र म्हारें कनै ई लारगें पासी बैठग्यो । सूबो रस्तो हो कोई डर आळी बात ई को ही नी, रात रा रस्तो इयांई सुनो रेवै । ताल आळी ऐरिये कनै आवता ठा नी कटै सू ट्रैक्टर रो हरडाट सुण’र चाणचक अेक चिमकोर गावडी आगें आयगी । म्हारें स्टेयरिंग घुमावता-घुमावतां ई गावडी रो पग ई टूटग्यां दीसैं हो । लादू फुरतीं सू ट्रैक्टर मम्हाळ लियो । उण जाड़ भीची—“जिद कर’र जोडलियो नी जोम ।” उण ट्रैक्टर रोक दियो । दोवूं नीचें उतर’र गाव कनै आयां । म्हारो मुंडो धोळो हुयग्यो । आ आछी गिरह आई नी ।

गावड़ी नै अठी-उठी देखी फोर'र—अेक पग में खौरसल आडा ले जांवती ।

हूं नाइ कानी जोवै हो । आप कानी देख'र उण केयो ।

मुंठो काअी देखै—करो पाटा पंछो—अर दिनुगं धणी कीं कैक्षैद्यो ।

न्यारो—पैली ही रोयो हो नी अे लकड़ा हरेक रै तावै को आवै”

ओळखै है कांअी की री है आ धेन ?”

ग वात

हूं नाइ हनाई ।

गभी

“तो बैठ, उणनै वापड़ै नै खबर तो कर कै थारो धीणो सवायो करम आयो हूं ।”

गांव आया जितै भंभरको हुयग्यो हो । बूढा-ठैरा नित-नैम में लागग्या हा । हूं पैलीपोत धरै नी जाय'र गाय रै धणी हरजी नामक रै अठै ई गयो । हरजी नै सारी हैम-नैस बताई । च्यार सी रिपिया हजानै सरूप देवण रो कैयो तो—अेकर तो वो थोड़ो किणतिणयो पण पछै मानग्यो । पण हरजी रै मान्यां सू कांई हुंवतो हो । दिनुगं पंचायत में मर्न बुलायो गयो । मिरपंच ममेत च्यार पांच भोजिज आदम्या केयो कै—“भाई रिपिया तो तैं हरजी नै दिमा है, बाकी बी सांसर नै कांई दीरीज्यो । ई रै वास्तै नाडेसर बी री सेवा तो तनै ई करणी पड़सी । वात भी वाजब ही, ई खातर मर्न हंकारो भरणो पड़्यो ।

अवै हू नितउठ अेक कुंडे में पीळी माटी अर गोबर रो भारो कर'र लैय जावतो अर गाय रै पण माथै उणनै बांधतो । विरखा हुयोड़ी ही । डचावडी-गंठियो वापरग्यो हो । हूं उठै ई ऐरियै सू डचावडी-गंठियो उपाड़ त्यावंतो अर उणरै आगै न्हांक देंवतो ।

म्हारै इलम सू गावडी दस-बारह दिना बाद की ससवी हुंवती लखाई । पग री खौरसल में खासा फरक लखावतो । हूं सोचतो अवै अेक दो दिन में आ डांगड्यां सू ऊंचाया उभी हुवण लाग ज्यासी ।

पण कैया करै नी करम पतळा हुवै जणा को सेवा आडी आवै न कोई दवाई । अेक दिन दिनुगै भारो कर'र ले ज्याऊं तो आगै गावड़ी माथै चीलक्यां मूवै । हूं देख्यो म्हारो ओ कांई विरतंग है । गावडती टांगड्यां पसार्यां निढाल पड़ी ही । हूं फुरती सू आय'र नाक आडो हाथ दियो । पण मांय की हुवै तो आवै नी । अवै भारो की रै बाधे हो । राम जाणै गावड़ी

नेक और कोई खेलो हुयो क ठा: नी ।

॥ पंचां कैयो—“भाइड़ा, सेवा
लागणी हुवै जणां काई हुवै । ठीक
इ काम हो पण अबै तो लाई रै पईसा
पंचां रो बणावटी अफसोस की की म्हारी

पच बोल्हो—“अरै पईसा तो बळो लागो लूगो—
नी । दुनिया घणी जालस हुवै, खड़घा ई लोग मऊ मार
॥ मार देसी ।

“खैर आ तो है ई पण मांसर निमित्त करम कर्यां पछै अमीणी
दवणआळै री किसी फुटघोड़ी हुवै ।” सिरपंच कैयो ।

हू सिरपंच साम्हो हळको सो विरोध कर्यो—“माइता गावडी तो
मली चंगी हुयगी ही वा तो अेरु काटो...”

सिरपंच म्हारी बात बिचाळै ई काट नांखी—“भोळो है रै तू, जे
गावडी चालण फिरण आळी हुंवतो तो उणनै अेरुं काटो थोड़ो ई लड़तो
डांगरा घणा सावचेत हुवै ।”

मनै वां री बात मानणी पड़ी । पंचां-सरपंचां आगै नटण री किण री
खिमता हुवै । राजाजी रै रैणा'र हांजी-हांजी कैयो ।

गाम रो पूछ मळै में घाल'र सगळै गाव रो चक्कर लगावण पड़्यो
अर पछै पंथवारी आळै खेजई सू सोगां मनै बहीर कर दियो । आज
अबै थारै साम्हो हूं ।

“जबर फोड़ा पड़घा भई ।” हूं कैयो ।

“हाल तो की बाकी ई पड़घा है ।”

“मळै ?”

“सासर रै सारै दाणा ई खिडावणा पडसी । गगेडा कर'र टावरा-
टूवरा नै जिमावणा पडसी । सोच्यो हो बैक सू पईसा लैय'र कोई गाव-
डती-गूवड़ती लेस्यू पण लैवतो की रै वापरी करमचंदिये में लिख्योड़ी ई
नी हुवै-जणा ।” रामेसर री आंखयां मजळ हुयगी ही । म्हारी समझ में नी
आय रैयो ही कै मैं इणनै किणतरै रो श्यावस बंधाऊं ।

गूंगळी

जेठ रो तपतो महीणो अर ऊपर मू चालती कुलखारी लू। आलकतरें
री सटका नुहार री भट्टी सी तपै; पण गूंगळी नै किण बात री फिरें।
चणरें भवां (मले) लूवां क्यू लूवा रो बाप चालो नी चावें, सडकां भट्टी
क्यू रेल रै इंजन ज्यू तपोनी चावें। वा तो आखो दिन वियां ई उमराणी
तपडका मारें। अक जाग्यां बंठी तो उणनै स्यात हो किण देखी हुवैना।

सियाळो, उनाळो, चौमासो किसी ही रत हुवो। गूंगळी रो एक पह-
रावो हुवै, फाड्योडो मेलो कुचेलो सो म्याडियो, (घाघरो) टुकीआळी
काचळी, अर अक फाड्योडो सो ललूरियो (ओडणो) माथे ऊपर
नांख्योडो। कितरो ई कडकडावतो पाळो पडो। गूंगळी रै शरीर माथे
बीजो गावो नी दीसै। साघो-बुधो मिनख पाळें सू जकड़ीजया पण कै
मजाल गूंगली नै तेज तावडो चडै। कंवत माची ई कैमी है कै 'भोळा री
भगवान राखें टेक...।

आपरो दीन धर्म विचार'र जै कोअी वासी-कुसी गूंगळी नै देय देवै,
गूंगळी पोता री कायाने भाडो दे देवै अर फेरूं मस्त, पण गूंगळी भी अजब
तरीकें री सिटकणी (चिडोकली), उभराणी फिरती नै देख'र जद कोअी
फाटी पुराणी चपलां देय देवै, तो गूंगळी चपला नै पाछी देवण आळें रै
सिर माथे मारै, अर रोळा करै। गळियां मे भूवती वेळां कदैई नी बकती
दीसै, पण जे समभदार मोटो मिनख लुगाई छेड़ लेवें तो रांडा-बूडा री
गाळया काढचां विना नी रैवै। छतांपण गूंगळी मे अक अनोखी बात फेरूं

ही, नान्हा टावरों नै कंओ नीं कैंवती । नान्हां टावरों नै देखता ही भाज'र माग्ही आवती अर टावर नै बांध्यां मे उठा'र छाती सू काठो चैप लेंवती, मुटं माथै सैकड़ वाल्हा (प्यारिया) जबरदस्ती लेंवता थका बडबडावती, "म्हारा नैनकिया...म्हारें काळजियै री कोर...म्हारा नैनकिया इतरा दिन नूं कठै रमायो हो...।"

अचाणचकै री गिरफन में आयोड़ो टावर गरळावतो ।

"अे मां अे गूगळी खा अे...मां म्हने गूगळी खा...ऽऽऽ..."

टावर रो रोवणो मुण'र टावर री मां भाज'र वेगी-वेगी आंवती अर गूगळी रै हाथा सू टावर नै छुड़ा ले जांवती । जाती-जाती पाच सात गाळ्यां री बगरीस गूगळी ने बनाय जांवती ।

"निसरमी रडार नै ढोई ई को हुवै नी...डाकण गळी गळी हाडती फिरवो करसी, टावरों नै सुख सू को खेलण दै नी...।"

टावर रो बावळियो भाल'र आगीनै करती टावर री मां पाछल फुर'र ओजू चेतावणी देंवती थकी कैंवती 'अवकाळै जै टोगरा नै अधाई तो बखोरो सो; भांग नाखूली ।"

गूगळी अेकटक जोवती रेंवती, जोवता ही उणरो ठीमर (धीरज) फूट ज्यावतो । नैण सावण भावदै री भङ्गी लगाय देंवता । अेक भरजोर गेहरो निसकारो नाख गूगळी आगसी गळी में रम जांवती ।



आज जद म्है नानाणै सू भण पढीज'र दस वरसा सू पाछो गाव आयो तो लारली बालपणै री सैंग बाता मुडै आगै सनीमा रै पढ़दै माथै चितराम आवै ज्यां आवण लागी । जुनीये पीपळ तळै हाडा लकड़ी रमया हा अर ची टैम ही घूमती घामती आ ज्यांवती गूगळी । सैंग रमणआळा टावर चिडावणो सरू कर देवता—"गूगळी थारै माथै ऊपर भाठी...गूगळी थारै माथै ऊपर भाठी ।"

टावरा सू गूगळी कदे ही नी बिड़ती टावर चाहे जचं ज्यां केवो छता पण टावर डरता भागण लाग जावता । गूगळी भाज'र म्हनै पकड लेंवती

अर म्हें गरळांवतो म्हारो गरळावणो मुण'र मां आयर छुडा ले जांवती ।
फैर गूगळी केअी जेज ताई आसूडा ढळकावती ।

आज जद अे वाता मुडें आगें आवण लागी तो मां सू पूछ बैठ्यो ।

“मां गूगळी तो को दीसं नी आसै-पासै...काई हुयो उणरो ?”

मां रो आकरो सुभाव मदा सू है । पण म्हारी अचाचूक री आ वात
मुण'र तो मुंडें माथें मुळक आ ही गी । फैर नंहचें सू बोली—“हुवै काअी
हो मरगी, पण तनै आ अचाचूक री वात पूछण री काअी सुभी । दम
वरम हुयग्या पण अजें को भूत्योनी ?”

“भूलू कियां...” फैर थोडी जैज रुक'र बोल्थो—“मा, गूगळी जळम
सूं ई पागल ही काअी...। उणनै टावरा सू अणूतो कोड कीकर हो ?”

मां फेरू हंसी...

“बावळा ! तनै काअी नेवणो है आं वाता सू । हणै तो नानाणें सू
आपो है...वुठें री वातां बता अे तो फेरू ही हुंवती रैसी ।”

“नहो मां ! मनै गूगळी रै वारें मे सगळी वाता बता । नानाणें रा
काअी समचार है । मय राजी खुशी है ।”

घणो अधायो जणै जा'र मा गूगळी रो इतिहास बतावणो सरू
करियो ।

“ओ...जको आपां रै अयूणें छेडें उपासरो है वो कदेई गूगळी रो
हुया करतो । गूगळी रो मोटियार, गूगळी अर उवैरो नैनो छोरो तीना
तीन ई रैवता । गूगळी रो मोटियार मास्टर हो । सगळां रै मुडें लागतो
आदमी हो । इयें उपासरें मे टावरां नै भणावतो । टावर भणावणें रै अेवज
मे उणनै मोयलाळा जरूरत री चीजा देय देवता । मास्टर री जिन्नडी
पोतारी सुख सू हालती ही । मास्टर आपरें रस्तें सर चालतो इण कारण
सूं सेंग मोयलाळां रो प्यारो हुयग्यो । कोअी नै पण शिकायत रो मोको नी
देवतो । पोता री ईमानदारी अर मैणत सू टावरां नै पढावतो ।

मास्टर सदा सू रिगली गारो हो । लोगा नै रोजीना सिझ्यारा उपा-
सरें में भेळा कर लेंवतो अर उवानै आपरी घडियोडी का'ण्या सुणांवतो ।
उणरी का'ण्यां कोअी राजा-राणीयां री नी ही । भोगता जमींदारा री
काट करणवाळी होंवती । उवां रा जुल्मां माथें मास्टर खार खाया बैठो

हो । कोअी भोगते नै उवैरी लिखियोड़ी का'णी पांचगी । दूजेई दिन लोगां मास्टर अर उवै रे नैने टावर री लाग दीठी । कोअी दोखी मास्टर अर उणरै नान्हे छोरै री कतन करदी ही ।

मास्टरनी (गूगळी) जद मोट्यार अर आपरै अकलई छोरै री लाग दीठी तो तडाछ खाय'र पड़गी । च्यार दीना पछै मास्टरनी नै चेतो वापर्यो तो अवै वा मास्टरनी नी ही । गूगळी रो खतबो मिळ चुक्यो हो ।

गूगळी नै आपरै अकलपै छोरै सू भोत बती मोह हो । इण वास्तै वा सदा गळिया मे खेलता टावरां में आपरै छोरै जोंबती रैवती ।" मा इतरो कैयनै चुप हुपगी । मै ख्याला रे डूगै मागर में गोता लगावतो थको मा सू प्रश्न कर्यो—“पण मा वा इत्ता छोरा रे होवता थका म्हनै क्यू बाय्या मे भर लैवती अर मनै ई क्यू वाल्हा देवती ?”

मा बतायो ।

“जिण दिन गूगळी रे मोटियार अर छोरै री हत्या हुयी ही उणी दिन थारो जलम हुयो हो पण गूगळी नै इण बात रो पतो नी हो वा तो थनै इण वास्ते ज्यादा वाल्हा देवती कै थारी अर उवैरे छोरै री मूरत अक ही जेडी ही, उवैनै श्यात थारै चे'रे मे आपरो फरजन्द लखावतो ।”

मा तो कैवणो बन्द कर दीयो हो पण म्हारो सोचणो जारी हो । मां रे मुई सू पूरी बात सुण'र तो मनै इया लागण लाग्यो कै जाणै गूगळी म्हारी मा ही अर वा अवै इण नृश्वर सेंसार मे नी है । आख्या री कोरां मे हाथ लगायो तो बठै नमी ही । बैठ्यो बैठ्यो ही भर जोर निसकारो नाख्यो—“हे गूगळी मा तू जठै कठैई हुवै थारी आत्मां नै श्याती मिळै ।

नोक ब्रह्म्यो—“वांभी ह्यो रं चीनणी रं ?”

दो नान-तान आंभ्यां गूं घूरतो पहूनर दिवो—“की...नी।”

“नो आ ईयां अठं किया पड़ी है ?”

“मन्नं टा: नी...।”

उणरी मां धरतं पड़ी चीनणी रो कांधां हिलायो, तो वा मफां अचेत। होटा मार्यं हीं कठाई बापरगी। वा बोली—‘बेटा ! ओ कं कुजरबो काम कर नांख्यो...जा, जल्दी मेक गाडी जोत, असपताल ले चालां नी जणास बाजो विगड़गी।”

वो धून्यता मे गर्मड़ो सोक गाडी जोती, अर दोबू मां बेटां रळर चीनणी नं गाडी मार्यं घाली।

असपताळ मे डाक्टर केओ ताळ ताई उणरं ग्लुकोज चढायो। अक-आध मूर्छे भी लगायी...मूर्छे लगावतं डाक्टर उणरी मां नं ब्रह्म्यो।

“यह कही से गिर गई थी क्या ?”

“हां भीतळी मार्यं गारो दैवण नं चढी ही मो उठं सूं पडगी।”

“ओ हो...वड़े बुद्धिमान लोग हो तुम भी...जब तुम लोगो की यह पता है कि लुगाई को इसमे बढकर कोई सीरियम स्टेज नहीं होता.. इन दिनों इसे पूरा आराम मिलना चाहिये था...लेकिन आप लोग तो काम के लोभी होते हो न ..।”

“नी नी डाक्टर सांव भाडाणी ही चढगी भीतळी मार्यं...।”

“बहुत भला किया...अब देखो मैंने इसका पूरा ट्रीटमेंट...चेकअप कर लिया...बचने की तो कोई आशा है ही नहीं, क्योंकि पेट में मरे बच्चे का जहर बुरी तरह से फैल गया है...अलबत्ता कुछ क्षणों के लिए इस इजेक्सन के प्रभाव से होश में जरूर आ जायेगी...।”

डाक्टर इजेक्सन लगायो जितरं मे वो भी वारं मू चालर डाक्टर कनं आवग्यो। हाथ जोडतो थको बोल्हो—“नी...नी डाक्टर सांव इणनं चचाओ पुंकाई...।”

“नो होम” कैयंरु डाक्टर वारं चल्हो गयो। थोड़ी ताळ नं वण चेतो करघो। सासूंअर मोटियार उणरं कनं तो खड़घा ही हा...चेतो हुंवता देखर उणरी माथो भाळघो। वण धीरे-धीरे आंख्यां उघाड़ी। दोवा कानी

चारो-वारी मर जाँयो, फँर आँख्या भपकाय'र लीला हुयोडा होठा माथै जीभ फँरती बकी कैयो—“सासूजी मैं काम नी, करती ही नी...हू भीत गुनगार हूँ—मन्नै माफी बगसाया, अबै हू बच नी सकूली...मन्नै भीत जोरदार गैल आलै है...फँर नांड़ आपरै मोटियार कानी फोर'र दर्द सँ होंठ मीच'र टूटती उबाज में कैयो—

“मैं...धानै...आछी...नी लागती...ही...नी...हूँ...मौतSSS...सूगली हूँ मन्नै माफी दिराया...म्हारै...पेट मे डीक चालै...ये...पकायत...दूजो...ब्याव...कर लेया...।”

“मा-बेटो दोवां माथो काठो भाल लियो ।

“बीनणी चेतो करो तो...बीनणी...ओ बीनणी—” पण बीनणी कठै । उणरो पछी पीजरो खाली करग्यो हो । वो अचेत रै ज्यू हुयग्यो हो...आपरी घण री छेकडली बात उणरै माथै मे भूणचक्कर री ज्यूं धूमै हो । वो रोजीना ईयां चाया करतो हो कै वो इण लुगाई री काओ धार धारै है । पण, अबै उणनै आकाश टोपाळी सू खासा लाठो लागै हो । पैलड़ो ब्याव ही बापू जीवतो ही जणा किया ई करघो हो । अजै ताई तो पैलड़ै ब्याव रा पर्ईसा ही नी उतरघा है, अर दूजो ब्याव...हे भगवान !”

उणनै की नी सूझै हो । उणनै लखावै हो कै जानै, धरती, आकाश अस्पताल कमरो, मां की चकैरियां घूम रैया है, अर जाने थोड़ी ही ताळ नै अँ सगळा उणरै उपर पड ज्यासी ।

“लाश नै उठावो” री ताकीद सँ मा-बेटो दोनू चिमक्या ।

